

張氏景岳全書

江蘇王宜之
署簽

發背四十二

發背屬督脉膀胱經凡陰虛火盛或醇酒厚味或鬱怒房勞或丹石執毒皆能致之若腫赤痛甚脉洪數而有
 力者熱毒之證也為易治若漫腫微痛色暗作渴脉雖洪數而無力者陰虛之證也為難治若不腫不痛或漫
 腫色暗脉微細者陽氣虛甚也尤為難治大抵發背之證其名雖多總惟陰陽二證為要若發三頭或六頭其
 形焮赤腫高發熱疼痛頭起者為癰屬陽易治若初起一頭如粟不腫不赤悶痛煩躁大渴便秘睡語咬牙四
 五日間瘡頭不計其數瘡口各含如粟形如蓮蓬故名蓮蓬發積日不潰按之流血至數日或八九日其頭成
 片所含之物俱出通結一衣揭去又結其口共爛為一瘡其膿內攻其色紫暗者為疽屬陰難治且此證不可
 大痛又不可不痛若見煩悶者多不治總之瘡瘍雖云屬火然未有不有由陰虛而致者故經云督脉經虛從腦
 而出膀胱經虛從背而出故不可專泥於火

陳良甫曰背疽之源有五一天行二瘦弱氣滯三怒氣四腎氣虛五飲冷酒食火燔服丹藥

立齋曰大抵發背之證雖發熱疼痛形勢高大煩渴不寧但得脉息有力飲食頗進可保無虞其膿一潰諸證
 悉退多有因膿不得外泄以致疼痛若用敗毒寒藥攻之反致誤事若有膿急針之膿一出苦楚即止膿未成
 而熱毒作痛者可用解毒之藥亦有腐潰尺餘者若無惡證則投以大補之劑肉最易生亦無所妨惟忌腫不
 高色不赤不焮痛脉無力不飲食腫不潰腐不爛膿水清或膿多不止皆屬元氣虛也為難治宜峻補之其或
 膿血既泄腫痛尤甚膿水臭敗煩躁時嗽腹痛渴甚瀉利無度小便如淋乃惡證也皆不可治 又灸法曰予
 常治發背不問日期陰陽腫痛或不痛或痛甚但未成膿或不潰者即與灸之隨手取效或麻木者明灸之毒
 氣自然隨火而散或瘡頭如黍者灸之亦效亦有數日色尚微赤腫尚不起痛不甚膿不作者尤宜多灸勿拘
 日期更服甘溫托裏藥切忌寒涼之劑其有勢未定者或先用蘊藥圍之若用烏金膏點患處尤妙凡人初覺

發背赤熱腫痛莫辨其頭者但以濕紙覆其上立候視之其紙有先乾處即是結頭也取大蒜切成片如三錢厚薄安於頭上用大艾炷灸之三壯換一蒜片痛者灸之不痛不痛灸至痛時方止最要早覺早灸為上一日二日十灸十活三日四日六七活五日六日三四活過七日則難為力矣若有十數頭作一處生者即用大蒜研成膏作薄餅舖頭上聚艾於蒜餅上燒之亦能活也若背上初發赤腫一片中間有一片黃粟米頭子便用獨蒜切去兩頭取中間半寸厚者正安於瘡上灸十四壯多至四十九壯蓋如此惡證惟隔蒜灸及塗烏金膏有效又治法曰腫硬痛深脈實者邪在內也可下之○腫高焮痛脈浮者邪在表也宜托之○焮痛煩躁或咽乾火在上也宜瀉之○腫高或不作膿者邪氣凝結也宜解之○腫痛飲冷發熱睡語者火也宜清之○不作膿或不潰不斂者陽氣虛也宜補之○瘡肉不腐或積毒不解者陽氣虛也宜助陽氣○膿多或清者氣血俱虛也宜峻補之○脈浮大或濇而肌肉遲生者氣血俱虛也宜補之○右關脈弱而肌肉遲生者宜補脾胃○又諸毒治法曰如頭痛有表證者宜服人參敗毒散一二劑○如焮痛發熱脈數者用金銀花散槐花酒神功托裏散○如疼痛腫硬脈寔者以清涼飲仙方活命飲苦參丸○腫硬木悶疼痛發熱煩躁飲冷便秘脈沈寔者內踈黃蓮湯或清涼飲○大便已通欲其作膿宜仙方活命飲托裏散蠶蓉丸外用神異膏○如飲食少思或不甘美用六君子湯加藿香連進三五劑更用雄黃解毒散洗患處每日用烏金膏塗瘡口處俟有瘡口即用紙作撚蘸烏金膏絛入瘡內○若有膿為脂膜間隔不出或作脹痛者宜用針引之腐肉堵塞者去之若瘰肉腐動用豬蹄湯洗之○如膿稠或痛飲食如常瘰肉自腐用消毒與托裏藥相兼服之仍用前二膏塗貼○若腐肉已離好肉者宜速去之○如膿不稠微有疼痛飲食不甘瘰肉腐遲更用桑柴灸之亦用托裏藥○若瘰肉不腐或膿清稀不焮痛者急服大補之劑亦用桑木灸之以補接陽氣解散鬱毒○嘗觀患疽稍重未成膿者不用蒜灸之法及膿熟不開或待腐肉自去則多致不救○大抵氣血壯實或毒少輕者可假藥力或自腐潰若怯弱之人熱毒中隔內外不通不行針灸藥無全功矣○此證若膿已成急宜開之否則

重者潰膿臍腐爛筋骨若使透膜則不可治輕者延漬良肉難於收功因而不斂者多矣○又諸補治法曰若腫焮作痛寒熱作渴飲食如常此形氣病氣俱有餘也先用仙方活命飲後用托裏消毒散解之○漫腫微痛或色不赤飲食少思此形氣病氣俱不足也用托裏散調補之○不作膿或膿成不潰陽氣虛也托裏散倍加肉桂參芪○膿出而反痛或膿水清稀氣血俱虛也八珍湯○惡寒形寒或不收斂陽氣虛也十全大補湯晡熱內熱或不收斂陰血虛也四物加參朮作嘔欲嘔或不收斂胃氣虛也六君加炮姜○食少體倦或不收斂脾氣虛也補中益氣湯加茯苓半夏○肉赤而不斂血熱也四物加山梔連翹○肉白而不斂脾虛也四君加酒炒芍藥木香○小便頻數者腎陰虧損也加減八味丸○大抵瘡毒勢甚若妄用攻劑怯弱之人必損元氣因而變證者衆矣 又三證治法曰若初患未發出而寒熱疼痛渴飲冷此邪氣內蘊也仙方活命飲若口乾飲熱漫腫微痛此元氣內虛也托裏消毒散若飲食少思肢體倦怠此脾胃虛弱也六君子湯如未應加姜桂其有死者乃邪氣盛正氣虛而不能發出也在於旬餘之間見之○若已發出用托裏消毒散不腐潰用托裏消毒散如不應急宜溫補脾胃其有死者乃真氣虛而不能腐潰也在於二旬之間見之○若已腐潰用托裏散以生肌如不應急溫補脾胃其有死者乃脾氣虛而不能收斂也在於月餘見之此三證雖不見於經籍余嘗治而歷驗者

千金方灸法治發背已潰未潰者用淡豆豉以水和搗成硬泥依腫大小作餅三四分厚如已有瘡孔勿置瘡孔上但四布豆餅列艾其上灸之使微熱勿令破肉如熱痛急少起之日灸二度如先有瘡孔出汁即瘻一驗透膈法凡背疽大潰欲驗穿透內膜者不可用皂角散嚏法但以紙封患處令病者用意呼吸如紙不動者未穿透也倘用取嚏法鼓動內膜則反致穿透慎之慎之

都憲周弘岡背患疽腫而不潰脉大而浮此陽氣虛弱而邪氣壅滯也用托裏散倍加參芪反內熱作渴脉洪大鼓指此虛火也用前散急加肉桂脉證頓退仍用托裏而愈若以為熱毒而用寒藥則誤矣○上舍張克恭

患此內服外傳皆寒涼敗毒遍身作痛欲嘔少食晡熱內熱惡寒畏寒余曰遍身作痛營衛虛而不能營於裏也欲嘔少食脾胃虛寒而不能消化飲食也內熱晡熱陰血內虛而陽氣陷於陰分也惡寒畏寒陽氣虛弱而不能衛於肌肉也此皆由脾胃之氣不足所致遂用補中益氣湯諸證漸退更以十全大補湯腐肉漸潰又以六君子湯加芎歸肌肉頓生而愈○府庠彭碧溪患腰疽服寒涼敗毒之藥色暗不痛瘡頭如鋪黍背重不能安寢耳瞶目白面色無神小便頻溢作渴迷悶氣粗短促脈浮數重按如無余先用滋水之藥一劑少頃便利渴止背即輕爽乃砥出瘀血以艾半筋許明灸患處外傳烏金膏內服參芪歸朮肉桂等藥至數劑元氣稍復自疑肉桂辛熱一日不用手足並冷大便不禁仍用肉桂及補骨脂二錢肉豆蔻一錢大便復常其肉漸清更用當歸膏以生肌肉八珍湯以補氣血而愈○上舍蔡東之患此余用托裏之藥而潰瘡口尚未全斂時值仲冬且兼咳嗽余曰瘡口未斂脾氣虛也咳嗽不止肺氣虛也法當補其母一日與之同宴見忌羊肉之類余曰補可以去弱人參羊肉之類是也最宜食之遂每日不徹旬餘而瘡斂嗽亦頓愈矣○一男子年逾五十患發背色紫腫痛外皮將潰寢食不安神思甚疲用桑柴灸患處出黑血即斂睡覺而諸證如失服仙方活命飲二劑又灸一次膿血皆出更進二劑腫痛大退又服托裏消毒散數劑而斂夫瘡熱熾其本宜峻劑攻之但年老血氣衰弱况又發在肌表若專於攻毒則胃氣先損必反誤事俱詳按

子長男於二週患背疽治按在腫瘍條中新按

一論外通用方 神仙董照法外一二三

腦疽四十三

立齋曰腦疽屬膀胱經積熱或濕毒上壅或陰虛火熾或腎水虧損陰精消涸所致○若腫痛未作膿者宜除濕消毒○大痛或不痛或麻木者毒甚也隔蒜灸之更用解毒藥○腫痛便秘者邪在內也宜泄之○不甚痛或不作膿者虛也托裏為主○膿成脹痛者針之更以托裏○上部脈數實而痛者宜降火○上部脈數虛而

痛者宜滋陰降火為主○尺部脈數而作渴者滋陰降火○脈數而虛細無力或膿清或不斂或膿多者大補血氣○不作膿或不潰者托裏藥主之○煩躁飲冷脈實而痛者宜瀉火 又治法曰初起腫赤痛甚煩渴飲冷脈洪數而有力乃濕熱上壅當用黃連消毒散並隔蒜灸以除濕熱○若漫腫微痛渴不飲冷脈洪數而無力乃陰虛火熾當用六味丸及補中益氣湯以滋化源○若口舌乾燥小便頻數或淋漓作痛乃腎水虧損急用加減八味丸及前湯以固根本而引火歸經○若不成膿不腐潰陽氣虛也四君加歸芪○若不生肌不收斂脾氣虛也十全大補湯○若色暗不潰或潰而不斂乃陰精消涸名曰腦燥為不治若攻補得宜亦有可愈○大凡腫焮痛甚宜活命飲隔蒜灸之以解散瘀血拔引鬱毒但艾炷宜小而少若欲其成膿腐潰生肌收斂並用托裏為主

李氏曰腦疽及頸項有疽不可用隔蒜灸恐引毒上攻宜灸足三里穴五壯氣海穴三七壯仍服涼血化毒之藥或以騎馬穴法灸之凡頸項咽喉生疽古法皆為不治若用此法多有生者如五香連翹漏蘆等湯國老膏萬金散皆可選用見外科精要

一老人患此○赤腫痛脈數而有力與黃連消毒散二劑少退更與清心蓮子飲四劑而消○一男子腫痛脈數以荆防敗毒散二劑而痛止更以托裏消毒藥而消○一男子焮腫疼痛發熱飲冷脈洪數與涼膈散二劑而痛止以金銀花散四劑而潰更以托裏藥而愈○一老婦稟壯實潰而痛不止脈實便秘以清涼飲二劑而痛止更以托裏消毒藥而愈○一婦人冬間患此腫痛熱渴余用清熱消毒潰之而愈次年三月其舌腫大遍身發疔如葡萄不計其數手足尤多乃脾胃受毒也先各刺出血隨服奪命丹七粒出鼻汗瘡熱益甚便秘二日與大黃芩連各三錢升麻白芷山梔薄荷連翹各二錢生甘草一錢水煎三五沸服之大小便出臭血甚多下體稍退乃磨入犀角汁再服舌本及齒縫出臭血諸毒乃消更以犀角地黃湯而愈○一婦人患前證口乾舌燥內服清熱外敷寒涼色暗不覺胸中氣噎此內真寒而外假熱也彼疑素有疫火不欲溫補余以參芪

各五錢姜桂各二錢一劑頓潰又用大補藥而愈○一男子頭項俱腫雖大潰腫痛益甚兼作瀉煩躁不睡飲食少思其勢可畏診其脉則毒尚在與仙方活命飲二劑腫痛退半與二神丸及六君子湯加五味子酸棗仁四劑諸證少退飲食少進睡亦少得又與參苓白朮散數劑飲食頓進再與十全大補湯加金銀花白芷月餘而瘥薛按

耳瘡 四十四

立齋曰耳瘡屬少陽三焦經或足厥陰肝經血虛風熱或肝經燥火風熱或腎經虛火等因○若發熱焮痛屬少陽厥陰風熱用柴胡清肝散○若內熱痒痛屬二經血虛用當歸川芎散○若寒熱作痛屬肝經風熱用小柴胡湯加山梔川芎○若內熱口乾屬腎經虛火用加味地黃丸如不應用加減八味丸餘當隨證治之

愚按薛氏所治耳證凡氣虛者以補中益氣湯加山梔黃芩血虛者用八珍湯加柴胡丹皮肝火血虛者用梔子清肝散怒動肝火者用加味逍遙散肝脾受傷者朝用加味歸脾湯暮用加味逍遙散此其治之大約也○

予嘗治一儒者年近三旬素有耳病每年常發發必腫潰至乙亥二月其發則甚自耳根下連頭項上連頭角耳前耳後莫不腫痛諸醫之治無非散風降火至一月後稠膿鮮血自耳迭出每二三日必出一酒鐘許然膿出而腫全不消痛全不減枕不可近食不可加氣體俱困自分其危延余治之察其形氣已大不足察其病體則腫痛如舊仍若有餘察其脉息則或見弦急或見緩弱此非實熱可知然脉不甚緊而或時緩弱亦得潰瘍之體尚屬可治遂先以六味湯二三劑而元氣稍振繼以一陰煎加牛蒡子茯苓澤瀉仍倍加白蒺藜為君服五十餘劑外用降癰散晝夜敷治兩月而後愈蓋此證雖似潰瘍有餘而實以肝腎不足上實下虛一奇證也故存識之新按

鬚疽 四十五

立齋曰鬚疽屬肝膽二經怒火或風熱血虛所致○若焮痛或發熱者宜祛風清熱○焮痛發寒熱或拘急者

發散表邪○作膿焮痛托裏消毒○膿已成作痛者針之○不作膿或膿成而不潰者俱宜托裏○不斂或膿清者峻補之○又治法曰若發熱作渴者用柴胡清肝散○腫覺痛甚者仙方活命飲○若大勢已退餘毒未散用參苓歸朮為主佐以川芎白芷金銀花以速其膿膿成仍用參苓之類托而潰之○若欲其生肌收斂腎虛者六味丸血虛者四物加參芪或血燥者四物湯或水不能生木者六味地黃丸氣虛者用補中益氣湯皆當滋其化源為善

疔腮 四十六

立齋曰疔腮屬足陽明胃經或外因風熱所乘或內因積熱所致若腫痛寒熱者白芷胃風湯○內熱腫痛者升麻黃連湯○外腫作痛內熱口乾者犀角升麻湯○內傷寒涼不能消潰者補中益氣湯○發熱作痛大便秘結清涼飲○表裏俱解而仍腫痛者欲作膿也托裏散○若飲食少思胃氣虛弱者六君子湯○肢體倦怠陽氣虛弱也補中益氣湯○膿毒既潰腫痛不減熱毒未解也托裏消毒散○膿出而反痛氣血虛也參芪內托散○發熱晡熱陰血虛也八珍湯○惡寒發熱氣血俱虛也十全大補湯○若焮腫痛連耳下者屬手足少陽經當清肝火○若連頤及耳後者屬足少陰經虛火當補腎水○此證而有不治者多泥風熱執用剋伐之劑耳

癰癤 四十七

癰癤之病屬三焦肝胆等經風熱血燥或肝腎二經精血虧損虛火內動或恚怒憂思氣逆于肝胆二經二經常多氣少血故怒傷肝則木火動而血燥腎陰虛則水不生木而血燥血燥則筋病肝主筋也故累累然結若貫珠其候多生于耳前後連及頤頷下至缺盆及胸腋之側又謂之馬刀其初起如豆粒漸如梅李核或一粒或三五粒按之則動而微痛不甚熱久之則日以益盛或頸項強痛或午後微熱或夜間口乾飲食少思四肢倦怠或堅而不潰或潰而不合皆由氣血不足故往往變為癆瘵外臺秘要云肝腎虛熱則生癰癤病機云廩

癰不係膏梁丹毒火熱之變總因虛勞氣鬱所致止宜以益氣養營之藥調而治之其瘡自消蓋不待汗之下之而已也若不詳脉證虛實之異而概用追蝕攻下及流氣飲十宣散之屬則必犯經禁病禁以致血氣愈損必反為敗證矣若脉洪大以元氣虛敗為不治若面色晄白為金剋木亦不治若眼內赤脉貫瞳人見幾條則幾年死使不求本而妄用伐肝之劑則誤矣蓋伐肝脾土先傷脾傷則損五臟之源矣可不慎哉

齊氏曰癰癧結核初覺時宜內消之如經久不除氣血漸衰肌寒肉冷或膿汁清稀毒氣不出瘡口不合聚腫不赤結核無膿外證不明者並宜托裏膿未成者使膿早成膿已潰者使新肉早生血氣虛者托裏補之陰陽不和託裏調之大抵托裏之法使瘡無變壞之證所以宜用也

丹溪曰癰癧必起於足少陽一經不守禁忌延及足陽明經食味之厚鬱氣之久曰毒曰風曰熱皆此三端拓引變換須分虛實寔者易治虛者可慮此經主決斷有相火且氣多血少婦人見此若月水不調寒熱變生稍久轉為潮熱自非斷慾食淡神醫不能療也

立齋曰焮腫脉沈數者邪氣寔也宜洩之○腫痛憎寒發熱或拘急者邪在表也宜發散○因怒結核或腫痛或發熱者宜疎肝行氣○腫痛脉浮數者祛風清熱○脉澁者補血為主○脉弱者補氣為主○腫硬不潰者補氣血為主○抑鬱所致者解鬱結調氣血○潰後不斂者屬氣血俱虛宜大補○虛勞所致者補之○因有核而不斂者腐而補之○脉寔而不斂或不消者下之○又治法曰若寒熱焮痛者此肝火風熱而氣病也用

小柴胡湯以清肝火並服加味四物湯以養肝血○若寒熱既止而核不消散者此肝經火燥而血病也用加味逍遙散以清肝火六味地黃丸以生腎水○若腫高而稍軟面色痿黃皮膚壯熱膿已成也可用針以決之及服托裏之劑○若經久不愈或愈而復發膿水淋漓肌肉羸瘦者必純補之劑庶可收斂否則變成久瘻內經曰陷脉為癰留連肉腠即此病也外用豆豉餅琥珀膏以驅散寒邪補接陽氣內服補中益氣湯六味丸以滋腎水培肝木健脾土亦有可愈者○又治法曰大抵此證原屬虛損若不審虛寔而犯經禁病禁則鮮有不

談○常治此證先以調經解鬱更以隔蒜灸之多自消如不消即以琥珀膏貼之○俟有膿即針之否則變生他處設若兼痰兼陰虛等證只宜加兼證之劑不可干擾餘經○若氣血已復而核不消却服散堅之劑至月餘不應氣血亦不覺損方進必效散或遇仙無比丸其毒一下即止二藥更服益氣養營湯以調理之○若瘡口不斂宜用豆豉餅灸之用琥珀膏貼之若氣血俱虛或不慎飲食起居七情者俱不治○然此證以氣血為主氣血壯寔者不用追蝕之劑彼亦能自腐但取去之亦使易於收斂○若氣血虛者不先用補劑而數用追蝕之藥適足以敗之也○若發寒熱眼內有赤脉貫瞳人者不治

灸瘰癧法取肩尖肘尖骨縫交接處各一穴即手陽明經肩髃曲池二穴也各灸七壯在左灸左在右灸右左右俱病者俱灸之余常用之甚效薛氏以曲池云肘髃似亦未的也 又薛氏經驗方云治瘰癧已成未成已潰未潰者以手仰置肩上微舉起則肘骨尖自見即是灸處灸以三四十壯為度更服益氣養營湯灸三次瘡自除如患三四年不愈者辰時灸至申時三灸即愈更服補劑此法乃單灸曲池以多為貴也然但用前法則已妙矣倘有未應者又當以此法治之○又曰此治瘰癧之秘法凡男子婦人若因恚怒傷肝氣血壅遏而不愈者宜灸此穴以疎通經絡如取此穴當以指甲指兩肘兩肩四所患處覺有酸麻方是其穴○又法灸瘰癧未成膿者用大蒜切片三錢厚安患處用艾壯於蒜上灸之每三五壯即換蒜再灸每日灸十數蒜片以拔鬱毒如破久不合更用江西豆豉為末以唾津和作餅如前灸之以助陽氣內服補藥外貼琥珀膏或太乙膏瘡口自合○又或瘡口已破核不腐則瘡口不能斂或貼琥珀膏不應須用針頭散傳之以去腐肉再如神散傳之更服益氣養營湯若氣血虛者先服益氣養營湯待血氣稍充方用針頭散仍服前湯

一男子患面腫硬久不消亦不作膿服散堅敗毒藥不應令灸肩尖肘尖二穴更服益氣養營湯月餘而愈○

一婦人久潰發熱月經每過期且少用逍遙散散前湯兩月餘氣血復而瘡亦愈但一口不收敷針頭散更灸前穴而瘡常治二三年不愈者連灸三次兼用托裏藥必愈一婦人因怒結核腫痛察其氣血俱實先以必效

散下之更以益氣養營湯三十餘劑而消常治此證虛者先用益氣養營湯待其氣血稍充乃用必效散取去其毒仍進前藥無不效者○田氏婦年逾三十瘰癧已潰不愈與八珍湯加柴胡地骨皮夏枯草香附貝母五十餘劑形氣漸轉更與必效散二服瘡口遂合惟氣血未平再與前藥三十餘劑而愈後田生執此方不問虛實概以治人殊不知散中斑蝥性毒雖治瘰癧多服則損元氣若氣血實者先用此下之而投補劑或可愈若虛而用下藥或用追蝕藥瘡肉雖去而瘡口不合反致難治

俱詳按

治瘰癧痰核方 凡瘰癧初起未甚者即宜服此或加夏枯草更佳 用忍冬花蒲公英各四五錢以水二碗

同煎湯朝夕代茶飲之十餘日漸消然此藥但可治標若欲除根必須灸肩髃曲池二穴

疔瘡 四十八

齊氏曰夫疔瘡者以其瘡形如丁蓋之狀者是也古方之論凡有十種華元化之論有五色疔千金方說疔有十三種以至外臺秘要神巧萬全其論頗同然皆不離毒氣客於經絡及五臟內蘊熱毒凡初生一頭凹而腫痛青黃赤黑無復定色令人煩躁悶亂或憎寒頭痛或嘔吐心逆以針刺瘡不痛無血是其候也多因肥甘過度不慎房酒以致邪毒蓄結遂生疔瘡內經曰膏梁之變足生大疔此之謂也其治之法急以艾炷灸之若不覺痛者針疔四邊皆令血出以奪命丹或回生丹從針孔經之上用膏藥貼之仍服五香連翹湯漏蘆湯等劑疎下之為效○若或針之不痛無血者以猛火燒鐵針通紅於瘡上烙之令如焦炭取痛為效亦經前藥用膏藥貼之經一二日膿潰根出服托裏散湯依常療之以取平復○如針之不痛其人眼黑或見火光者不可治也此邪毒之氣入於臟腑故也○養生方云人汗入肉食食之則生疔瘡不可不慎也

立齋曰此證多由膏梁厚味之所致或因卒中飲食之毒或感四時不正之氣或感蛇蟲之毒或感死畜之穢各宜審而治之其毒多生於頭面四肢形色不一或如小瘡或如水泡或疼痛或麻木或寒熱作痛或嘔吐惡心或肢體拘急並宜隔蒜灸之痛則灸之不痛不痛灸之痛若灸而不痛則明灸之及鍼疔四畔去惡血以奪

命丹一粒入瘡頭孔內仍以膏藥貼之並服解毒之劑或用荊防敗毒散○若針之不痛無血者宜用燒鐵治如前齊氏之法○若不省人事或牙關緊急者以奪命丹為末葱酒調灌之候醒更服敗毒散或奪命丹甚效○若生兩足者多有紅絲至臍生兩手者多有紅絲至心腹生唇面口內者多有紅絲入喉皆難治急宜用鐵於血絲盡處挑破使出惡血若紅絲近心腹者更挑破瘡頭去惡水以泄其毒亦以膏藥貼之多有生者○若患於偏僻下部之處藥力所難到者若專假葯力則緩不及事惟灸之則大有回生之功○疔之名狀雖有十三種之不同而治法但當審其元氣虛實邪之表裏庶不悞人於天札也若專泥於疎利表散非為無益而反害之○凡人暴死者多是疔毒急取燈燭照其身若有小瘡即是其毒宜急灸之并服奪命丹等藥亦有復甦者○又曰脉浮數者散之○脉沈實者下之○表裏俱寔者解表攻裏○麻木或大痛及不痛者並灸之更兼攻毒

操江張恒山左足次指患之痛不可忍急隔蒜灸三十餘壯即能舉步彼欲速愈自敷涼藥遂致血凝肉死毒氣復熾再灸百壯服活命飲出紫血其毒方解脚底通潰腐筋爛肉甚多及將愈予因考續北上又誤用生肌藥反助其毒使元氣虧損瘡口難斂予回用托裏葯補之喜其稟質且客處至三月餘方瘡○表甥居富右手小指患之或用鐵出血數以涼藥掌指腫三四倍六脉洪大此真氣奪則虛邪氣勝則寔也先以奪命丹一服活命飲二劑勢稍緩余因他往或又遍刺出血腫延臂腕如大瓠手指腫大數培不能消潰乃真氣愈虛而邪氣愈甚也余回用大劑參芪歸朮之類及頻灸遍手腫勢漸消後大便不寔時常泄氣此元氣下陷以補中益氣湯加補骨脂肉苁菟吳茱萸五味子又以生脉散代茶飲大便漸寔手背漸潰又用大補藥五十餘劑漸愈薛按

時毒 四十九

齊氏曰時毒者為四時邪毒之氣而感之於人也其候發于鼻面耳項咽喉赤腫無頭或結核有根令人憎寒

發熱頭疼肢體甚痛恍惚不寤咽喉閉塞人不識者將謂傷寒原夫此疾古無方論世俗通謂丹瘤病家惡言時毒切恐傳染經曰人身忽然變赤狀如塗丹謂之丹毒此風熱惡毒所為自與時毒不同蓋時毒者感四時不正之氣初發狀如傷寒五七日之間乃能殺人若至十日之外則不治自愈矣治宜辨之先診其脉凡滑數浮洪沈緊弦澁皆其候也但浮數者邪在表也沈澁者邪氣深也察其毒之甚者急服化毒丹以攻之寔熱便秘者大黃湯下之其有表證者犀角升麻湯以發之或年高氣鬱者五香連翹湯主之○又於鼻內噴通氣散取十餘噓作效若嗜藥不噓者不可治之如噓出膿血者治之必愈凡左右看病之人日日用嗜藥噓之必不傳染切須記之其病人每日用噓藥三五次以泄熱毒此治時證之良法也○凡經三四日不解者不可大下猶宜和解之以須角散芩連消毒飲甚者連翹湯之類至七八日大小便通利而頭面腫起高赤者可服托裏散托裏黃芪湯如腫甚者宜砭患處出惡血以泄其毒氣○此病若五日已前精神昏亂咽喉閉塞語言不出頭面赤腫食不知者必死之候治之無功矣然而此疾有陰有陽有可汗者有可下者嘗見粗工但云熱毒只用寒藥殊不知病有微甚治有逆從不可不審矣羅謙甫云泰和二年先師監濟源稅時四月民多疫癘初覺憎寒體重次傳頭面腫盛目不能開上喘咽喉不利舌乾口燥俗云大頭天行親戚不相訪問染之多不救張縣令姪亦得此病至五六日醫以承氣加板藍根下之稍緩翌日其病如故下之又緩終莫能愈漸至危篤或曰李明之存心於醫可請治之遂請診視具說其由先師曰夫身半以上天之氣也身半以下地之氣也此邪熱客於心肺之間上攻頭目而為腫盛用承氣下之以瀉胃中之寔熱是誅伐無過也殊不知適其所至為故遂處一方用黃芩黃連味苦寒瀉心肺間熱以為君橘紅苦平玄參苦寒生甘草甘平瀉火補氣以為臣連翹鼠粘子薄荷葉苦辛平板藍根味苦寒馬勃白殭蠶味苦平行少陽陽明二經氣不得伸桔梗味辛溫為舟楫不令下行升麻柴胡苦辛以散表邪共為細末半用湯調時服之半蜜為丸噙化之服盡良愈因嘆曰

此方天人所製遂刊於石以傳

永久命曰普濟消毒飲

薛立齋曰此感四時不正之氣邪容心肺之間上攻頭目而為患與膏梁積熱之證不同硝黃之劑非大便秘
定者不可用若不審其因不辨其表裏虛實而概用攻之必致有誤○裏實而不利者下之○表實而不解者散
之○表裏俱實而不解者解表攻裏○表裏俱解而不消者和之○腫甚焮痛者砭去惡血更用消毒之劑○
不作膿或不潰者托之○饑年普患者不宜用峻利之藥當審而治之○又治法曰若脉浮者邪在表也用葛
根牛蒡湯犀角升麻湯人參敗毒散之類以發之○脉沈滯者邪在裏也用梔子仁湯五利大黃湯之類以下
之○表裏俱病而腫不退者用犀角升麻湯甚者砭出惡血并用通關散搐鼻內取嚏以泄其毒○表裏俱不
解而內外俱實者防風通聖散○欲其作膿者用托裏消毒散欲其收斂者用托裏散此法最為穩當○常見
饑饉之際芻蕘之人多患之乃是胃氣有損邪氣從之為患也故凡以凶荒勞役而患此者多宜安裏為主或
用普濟消毒飲最善

一老人冬月頭面耳項俱腫痛甚便秘脉寔此表裏俱實病也與防風通聖散不應遂砭患處出黑血仍投前
藥即應又以荆防敗毒散而瘰蓋前藥不應者毒血凝聚上部經絡藥力難達故也惡血既去其藥自效或拘
用寒遠寒及年高畏用硝黃而用托裏與夫尋常消毒之劑或不砭泄其毒專假藥力鮮不危矣○一男子頭
面腫痛服硝黃敗毒之劑愈甚診之脉浮數其邪在表尚未解散用荆防敗毒散加玄參牛蒡子二劑勢退大
半以葛根牛蒡子湯四劑而痊 薛按

肺癰肺痿 五十

此證初起邪結在肺者惟桔梗杏仁煎為治此之第一方在新因三

齊德之曰肺 五臟之華蓋也處於胸中主於氣候於皮毛勞傷血氣腠理虛而風邪乘之內感於肺也故汗
出惡風欬嗽短氣鼻塞項強胸脇脹滿久久不瘥已成肺痿也○風中於衛呼氣不入熱至於營則吸而不出

所以風傷皮毛熱傷血脉風熱相搏氣血稽留蘊結於肺變成瘡疽○診其脉候寸口脉數而虛者肺痿也數而實者肺癰也若欲知其有膿但脉見微緊而數者未有膿也緊甚而數者已有膿也○肺痿之候久嗽不已汗出過度重亡津液便如爛瓜下如豕膏小便數而不渴渴者自愈欲飲者將瘥此由肺多唾涎而無膿者肺痿也○肺瘡之候口乾喘滿咽燥而渴甚則四肢微腫欬唾膿血或腥臭濁沫胸中隱隱微痛者肺疽也又聖惠曰中府隱隱微痛者肺疽也上肉微起者肺瘡也中府者穴名也是以候始萌則可救膿成則多死○又內經曰血熱則肉敗營衛不行必將為膿大凡肺瘡當欬短氣胸滿時唾膿血久久如梗米粥者難治若嘔膿而不止者亦不可治其嘔膿而自止者將自愈其脉短而濇者自痊浮洪而大者難治其面色當白而反面赤者此火之剋金皆不可治○仲景曰上氣面浮腫肩息其脉浮大不治又加利尤甚

馬益鄉曰肺癰治法要畧先以小青龍湯一帖以解其風寒邪氣然後以葶藶大棗瀉肺湯桔梗湯葶藶湯鏡櫃要畧隨証用之以取膿此治腫瘍之例也終以內補黃芪湯以補裏之陰氣此治潰瘍之例也○又曰肺癰已破

入風者不治或用太乙膏丸服以搜風湯吐之若吐膿血狀如肺癰口臭他方不應者宜消風散入男子髮灰清米飲調下兩服可除

立齋曰凡勞傷血氣腠理不密外邪所乘內感于肺或入房過度腎水虧損虛火上炎或醇酒炙博辛辣厚味薰蒸於肺或欬吐痰涎汗下過度重亡津液皆能致之其候惡風欬嗽鼻塞項強胸脇脹滿呼吸不利咽燥作渴甚則四肢微腫欬唾膿血若吐痰臭濁膿血腥穢胸中隱隱微痛右手寸口脉數而寔者為肺疽若唾涎沫而無膿脉數而虛者為肺痿也○又治法曰大抵勞傷血氣則腠理不密風邪乘肺風熱相搏蘊結不散必致咳嗽若誤用汗下過度則津液重亡遂成斯證○凡喘嗽氣急胸滿者表散之○欬嗽發熱者和解之○咳而胸膈隱痛唾痰腥臭者宜排膿散○喘急恍惚痰盛者宜平肺○唾膿脉短濇者宜補之○又治法曰若欬嗽

喘急者小背龍易○欬嗽日久長舌苔者宜大背馬市易○欬喘星蜀皆吉更易○欬喘豆豉或小便更豆小皆左以

參芪補肺湯○俸僉食少有佐以參朮補脾湯○救喘痰壅者腎虛水泛也六味地黃丸○口乾咽燥者虛火
上炎也加減八味丸○此證皆因脾土虧損不能生肺金肺金不能生腎水故始成則可救膿成則多死苟能
補脾肺滋腎水庶有生者若專攻其瘡則脾胃益虛鮮有不誤者矣

陸司廳子春間效嗽唾痰腥穢胸滿氣促皮膏不澤項強脉數此肺疽也蓋肺係在頂肺傷則系傷故牽引不
能轉側肺者氣之本其華在毛其充在皮治以黃芪當歸川芎白芷貝母知母麥冬瓜蒌仁桔梗防風甘草兼
以蠟礬丸及太乙膏治之膿盡脉濇而愈○一男子面白神勞效而胸膈隱痛其脉滑數予以為肺癰欲用桔
梗湯不信仍服表藥致效嗽愈甚唾痰腥具始悟乃服前湯四劑效嗽少定又以四順散四劑而脈靜更以托
裏藥數劑而愈○一男子效嗽喘急發熱煩燥面赤咽痛脉洪大用黃連解毒湯二劑少退更以梔子湯四劑
而安○一男子患肺痿效嗽喘急吐痰腥臭胸滿咽乾脈洪數用人參平肺散六劑及飲童便諸證息退更以
紫苑茸湯而愈童便雖云專治虛火常治瘡瘍痲腫疼痛發熱作渴及肺痿肺癰發熱口渴者尤效○一男子
面赤吐膿發熱作渴煩燥引飲脈洪數而無倫次先用加減八味丸加麥冬大劑一服熱渴頓止即熟睡良久
覺而神爽索食再劑諸證頓減仍用前藥更以人參五錢麥冬二錢五分五味二錢水煎代茶日飲一劑月餘
而安此證面赤者當補肺腎面白者當補脾肺治者審之○一婦人素血虛發熱效嗽或用痰火之劑後吐膿
血面赤脉數其勢甚危此膿成而氣血虛也余用八珍湯以補元氣用桔梗湯以治肺證因得漸愈○一儒者
患肺癰鼻流清涕效吐膿血胸膈作脹此風邪外傷也先用消風散加亂髮灰二服而鼻利又用四君加芎歸
及桔梗湯而愈後因勞役效嗽吐膿小便滴瀝面色黃白此脾土不能生肺金肺金不能生腎水也用補中益
氣湯六味地黃丸而愈○一僕年踰三十嗽久不愈氣壅不利睡卧不寧咯吐膿血甚虛可畏其主已棄矣余
以盜肺散一服少愈再服而止大半乃以盜肺湯數劑而痊所謂有是病必用是藥若泥前散性澀而不用何
以得愈薛按

立齋曰乳房屬足陽明胃經乳頭屬足厥陰肝經男子房勞恚怒傷于肝腎婦人胎產憂鬱損於肝脾皆能致之○若因暴怒或兒口氣所吹腫痛者宜疎肝行氣○焮痛發寒熱者發散表邪○焮腫痛甚者清肝消毒並宜隔蒜灸○未成膿者疎肝行氣○不作膿或不潰者托裏為主○潰而不斂或膿清者宜大補脾胃氣血為主○又治法曰若膿出反痛或作寒熱氣血虛也十全大補湯○倦倦口乾中氣虛也補中益氣湯○晡熱內熱陰血虛也八珍湯加五味子○欲嘔作嘔胃氣虛也補胃為主或用香砂六君子湯○食少作嘔胃氣虛寒也前湯加乾姜○食少泄瀉脾氣虛寒也理中湯或加人參附子○若勞碌以致腫痛氣血未復也八珍湯倍用參芪歸朮○若因怒氣以致腫痛肝火傷血也八珍湯加柴胡山梔○若肝火血虛而結核不消者四物湯加柴胡升麻○若肝脾氣血俱虛而結核者四君子加芎歸柴胡升麻○鬱結傷脾而結核者歸脾湯兼神效瓜蒞散○若為兒所吹而發腫焮痛須吮通揉散否則成癰矣若兼餘證亦當治以前法○若婦人鬱怒傷肝脾而結核不痒不痛一二載始潰者名曰乳巖最難治療又治法曰若忿怒傷肝厚味積熱以致氣不行竅不通乳不出則結而為腫為痛此陽明之血熱甚則肉腐為膿若膿一成即針出之以免遍潰諸囊之患○亦有所乳之子隔有滯痰口氣焮熱含乳而睡熱氣所吹遂成腫痛於初起時須吮啞使通或忍痛揉散之失治必成癰患宜用青皮以疎厥陰之滯石膏以清陽明之熱甘草節以行污濁之血瓜蒞子以消腫導毒或加沒藥橘葉皂角針金銀花當歸更宜隨證消息加減而治仍用少酒佐之更用隔蒜灸之其效尤捷若有膿即針之否則通潰難於收斂

乳癰用蒲公英忍冬藤入少酒煎服即欲睡是其功也及覺而病安矣見外科心法

一婦人患乳癰寒熱頭痛與荆防敗毒散一劑更與蒲公英一握搗爛入酒二三盞再搗取汁熱服渾熱盡處而消丹溪云此草散熱毒消腫核又散滯氣解金石毒之聖藥○一婦人左乳內腫如桃不痛色不變發熱

漸消瘦以八珍湯加香附遠志青皮柴胡百餘劑又間服神效瓜薑散三十餘劑膿潰而愈常見患者黃效太
速或不解七情及藥不分經絡虛寔者俱難治大抵此證四十以外者尤難治蓋因陰血日虛也○一婦人因
怒左乳內腫痛發熱表取太過致熱益甚以益氣養營湯數劑熱止膿成欲用針彼不從遂腫脹大熱發渴始
針之膿大泄仍以湯月餘始愈○一男子左乳腫硬痛甚以仙方活命飲二劑而痛止更以十宣散加青皮
四劑膿成鍼之而愈此證若膿成未破瘡頭有薄皮剝起者用代鍼之劑點起皮處以膏藥貼之膿亦自出但
不若及時鍼之則不致大潰如膿出不利更經入搜膿化毒之藥若膿血未盡輒用生肌之劑反助邪氣縱早
合必再發不可不慎也○一產婦因乳少服藥通之致乳房腫脹發熱作渴狀類傷寒以玉露散補之而愈夫
乳汁乃氣血所化在上為乳在下為經若衝任之脉盛脾胃之氣壯則乳汁多而濃衰則少而淡所乳之子亦
弱而病多此自然之理亦有屢產有乳再產即無或大便澀滯乃亡津液也三因論云產婦乳脉不行有二有
血氣盛閉而不行者有血氣弱滯而不行者虛當補之盛當疎之盛者當用通草漏蘆土瓜根輩虛者當用煉
成鍾乳粉猪蹄鯽魚之屬概可見矣俱薛按一婦人久鬱右乳內結三核年餘不消朝寒暮熱飲食不甘此乳巖
也乃七情所傷肝經血氣枯槁之證宜補氣血解鬱結約治之遂以益氣養營湯百餘劑血氣漸復更以木香
餅炙之喜其謹疾年餘而消若用剋伐之劑以復傷血氣則一無可保也○一妾乃放出宮人乳內結一核如
粟欲用煎湯彼不信乃服瘡科流氣飲及敗毒散三年後大如覆盂堅硬如石出水不潰而歿○大抵鬱悶則
脾氣阻肝氣逆遂成隱核不痛不痒人多忽之最難治療若一有此宜戒七情遠厚味解鬱結更以養血氣之
藥治之庶可保全否則不治亦有數載方潰而陷下者皆曰乳巖蓋其形似巖穴而最毒也慎之則可保十中
之一二薛按

胃脘癰五十二

立齋引聖濟總錄云胃脘癰由寒氣隔陽熱聚胃口寒熱不調故血肉腐壞以氣逆於胃故胃脉沈細以陽氣

不得上升故人迎熱甚令人寒熱如瘧身皮甲錯或效嗽或嘔膿唾血若脉見洪數膿已成也急宜排之設
遲擊其膿未就有瘀血也急下之否則邪毒內攻腐爛腸胃矣丹溪云內疽者因飲食之毒七情之火相鬱而
發用射干湯主之愚常以薏仁湯牡丹皮散太乙膏選用之亦效若吐膿血飲食少思宜助胃壯氣為主而佐
以前法不可專治其瘡

腹癰五十三

立齋曰腹癰謂瘡生於肚腹或生於皮裏膜外屬膏粱厚味七情鬱火所致○若漫腫堅硬肉色不變或脈遲
緊未成膿也四君加芎歸白芷枳壳或托裏散○腫軟色赤或脈洪數已成膿也托裏消毒散○膿成而不外
潰者氣血虛也卧鍼而刺之○焮腫作痛者邪氣寔也先用仙方活命餘隔蒜炙以殺其毒後用托裏以補其
氣○若初起欲其內消當助胃壯氣使根本堅固而以行經活血之藥佐之若用剋伐之劑欲其消散則腫者
不能潰潰者不能斂若用疎利之藥下其膿血則少壯者多為難治老弱者立見危亡若有食積疝氣類此者
當辨而治之

進士邊雲莊腹痛惡寒脈浮數余曰浮數之脈而反惡寒瘡疽之證也不信數日後復請視之左尺洪數余曰
內有膿矣仍不信至小腹痛脹連及兩臀始悟余曰膿潰膈矣氣血俱虛何以收斂急服活命飲一鍾膈潰一
孔出膿斗許氣息奄奄用大補藥一劑神思方醒每去後糞從瘡出痛不可當小腹間如有物上挺即發瘻不
省人事煩躁脉大舉按皆實省而細察之脈雖洪大按之如無以十全大補倍加參芪至四斤更加附子二枚
煎膏服足而瘻止又用十全大補湯五十餘劑而瘡斂○上舍周一元患腹癰三月不愈膿水清稀朝寒暮熱
服四物黃柏知母之類食少作瀉痰涎上湧服二陳枳寔之類痰涎愈盛胸膈痞悶謂余曰何也余曰朝寒暮
熱血氣虛也食少作瀉脾腎虛也痰湧胸痞脾肺虛也悉因真氣虛而邪氣寔也當先壯其胃氣使諸臟有所
養而邪自退矣遂用大君加黃芪當歸故利者登所起之月十全大補易凡日所改更月甫中五氣易周里而

孫真人云腸癰為病小腹腫強按之則痛小便如淋時時汗出復惡寒身皮甲錯腹皮急如腫甚者腹脹大轉側有水聲或繞臍生瘡或膿從臍出或大便膿血脈洪數者已有膿也血下則安若妄治者必殺人陳熙擇曰腸癰為病身甲錯腹皮急按之如濡腫狀腹無聚積身無熱脈數此為腸內有膿久積陰冷所成也故金匱有用附子溫子其脈遲緊者膿未成可下之當有血洪數者膿已成不可下此以內結熱所成也故金匱有用大黃利之

千金方灸法曲兩肘正肘頭銳骨灸百壯下膿而安

立齋曰此證因七情飲食所致○治法脈遲緊者未有膿也宜牡丹皮湯下之○脈洪數者已有膿也用薏苡仁湯排之○小腹疼痛小便不利膿壅滯也用牡丹皮散主之○若臍間出膿者不治經云腸癰為病不可驚驚則腸斷而死故患是者其坐卧轉側極宜徐緩時少飲薄粥及服八珍湯固其元氣靜養調理庶可保全其生

一男子裏急後重下膿脹痛此脾氣下陷也用排膿散蠟礬丸而愈後因勞役寒熱倦用補中益氣湯而安
 ○一婦人膿成腹脹痛小便不利脈滑數此膿毒內潰也服太乙膏丸三錢膿下升許脹痛頓退更以神效瓜蒌散二劑而全退又以蠟礬丸及托裏藥十餘劑而安○一產婦小腹疼痛小便不利以苡薏仁湯二劑痛止更以四物湯加桃仁紅花下瘀血升許而愈○一婦人產後惡露不盡小腹患痛服瓜子仁湯下瘀血而痊凡瘀血停滯宜急治之緩則腐化為膿最難治療若使流注骨節則患骨疽失治多為敗證薛按

附骨疽 五十五

附骨疽一證近俗呼為貼骨癰凡疽毒最深而結聚於骨際者皆可謂之附骨疽然尤惟兩股間肉厚處乃多

此證蓋此證之因有勞傷筋骨而殘損其脉者有恃酒力房而困憊其陰者有憂思鬱怒而留結其氣者有風邪寒濕而湊滯其經者凡人於環跳穴處無故痠痛久而不愈者便是此證之兆速當因證調治不可遲也蓋其初起不過少陽經一點逆滯逆而不散則以漸而壅壅則腫腫則潰至其延漫則三陰三陽無不連及而全體俱潰然此證無非元氣大虧不能運行故致留滯不散而後至決裂誠危證也若潰後脉和雖見困弱之甚只以大補氣血為主皆可保全若潰後脉反洪扎而煩躁不寧發熱口渴則必不可治○至若治此之法凡以勞傷筋骨而致者宜大營煎兼大防風湯治之○若酒濕傷陰者宜八味丸六味丸或右歸丸兼大防風湯主之○大抵此證初起即宜用大營煎溫補氣血或兼仙方活命飲通行毒氣有火者宜速用連翹歸尾煎以解散其毒仍宜速用隔蒜灸或豆豉餅尋頭灸之以速散其毒最為捷法其有濕熱痰飲等證當並求後法以治之庶免大害也○若環跳久痛不已或見臀股微腫度其已成勢不可散只宜速用托補專固根本使其速起速潰則根本既寔雖凶亦無大害必且易潰易斂而易愈也若脉見滑數按之更熟膿已成也速宜針之無使久留以防深蝕之患其有不明利害苟圖目前或用剋伐消散再傷元氣或用寒涼敷藥以遏其毒氣必致日延日甚而元氣日敗則一潰不敗可收拾矣考諸方書俱未詳及此證故悉其所因并附治案於後

立齋曰附骨疽有因露卧風寒深襲於骨者有因形氣損傷不能起發者有因剋伐之劑虧損元氣不能發出者有因外敷寒藥血氣凝結於內者凡此皆宜灸熨患處解散毒氣補接元氣溫補脾胃為主○若飲食如常先用仙方活命飲解毒散鬱隨用六君子湯補托營氣若体倦食少但用前湯培養諸臟使邪不得勝正○若膿已成即鍼之使毒氣不得內侵帶生用鍼亦無妨如用火針亦不痛且使易斂○其隔蒜灸能解毒行氣葱熨法能助陽氣行壅滯此雖不見於方書予常用之大效不能盡述其功惟氣血虛脫者不應 又曰大抵此證雖云腫有淺深感有輕重其所受皆因真氣虛弱邪氣得以深襲若真氣壯寔邪氣焉能為患也故附骨癰疽及鶴膝風登惟腎虛者多患之前人用附子者以溫補腎氣而又能行藥勢散寒邪也亦有奔虛之人秋夏

靈臥為冷風所襲寒邪伏結多成此證不能轉動乍寒乍熱而無汗按之痛應骨者是也若經久不消極陰生陽寒化為熱而潰也若被賊風所傷患處不甚熱而洒淅惡寒不時汗出熨之痛止少者須大防風湯及火龍膏治之若失治則為灣曲偏枯有堅硬如石者謂之石疽若熱緩積日不潰肉色赤紫皮肉俱爛名緩疽其始末皆宜服前湯欲其驅散寒邪以補虛托裏也 又曰此證亦有產後惡血未盡臍腹刺痛或流於四肢或注於股內疼痛如錐或兩股腫痛此由冷熱不調或思慮動作氣所壅遏血蓄經絡而然宜沒藥丸治之亦有經血不行流注四肢或股內疼痛如錐或因水濕所觸經水不行而腫痛者宜當歸丸治之凡惡血停滯為患匪輕治之稍緩則流注為骨疽多致不救

一婦人膝腫痛遇寒痛益甚月餘不愈諸藥不應脈弦緊此寒邪深伏於內也用大防風湯及火龍膏治之而消○一男子腿根近環跳穴患痛徹骨外皮如故脈數而滯滑此附骨疽膿將成也用托裏藥六劑腫起作痛脈滑數其膿已成鍼之出盈許更加補劑月餘而瘳○一男子患附骨疽腫硬發熱骨痛筋攣脈數而沈用當歸拈痛湯而愈○一男子腿內患癰漫腫作痛四肢厥逆咽喉閉塞發寒熱諸治不效乃邪鬱經絡而然也用五香連翹湯一劑諸證少退又服之大便行二次諸證悉退而愈○一男子先腿痛後四肢皆痛遊走不定至夜益甚服除濕敗毒之劑不應其脈滑而澹此濕痰濁血為患以二陳湯加蒼朮羌活桃仁紅花牛膝草烏治之而愈凡濕痰濕熱或死血流注關節非辛溫之劑開發膿理流通隧道使氣行血和焉能得愈○王時亨室產後腰間腫痛兩腿尤甚此由瘀血滯於經絡而然也不早治必作骨疽遂與桃仁湯二劑稍愈更以沒藥丸數服而痊按○一魏生者年三十餘素多勞碌忽患環跳痠痛數月後大股漸腫延余治之曰此附骨疽也速當治之與以活命飲二劑未及奏效而腫益甚因慌張亂投或清火或解毒遂致嘔惡發熱飲食不進其勢甚危然後懇求相救遂以參芪內托散大加炮姜數劑而嘔止食進其腫亦熱知其膿成速令針之針處出膿不多復以九味異功煎與之遂得大潰且辦辦出膿潰者五六處而腿肉盡去止刺皮骨矣潰後復嘔惡發熱不

食遂以十全大補湯及九味異功煎相間與之然後熱漸退食漸進稍有生色然足筋短縮但可豎膝仰臥左右挨繫毫不能動動則痛極自分已成廢物此後凡用十全大補湯八十餘劑人參三斤而腿肉漸生筋舒如故復成一精壯男子此全得救本之功也○一男子陳性者年近三旬素不節慾忽覺環跳痠痛月愈不愈予曰此最可畏恐生癰毒之患彼不信又謀之一庸醫反被其詬曰此等胡說真可笑也筋骨之痛亦常事耳不過風熱使然何言癰毒遂用散風清火等藥至半年後果見微腫復來求治余曰速用托補以救根本尚不遲也彼又不信而謀之瘍醫曰豈有腫瘍未潰而遽可溫補耶復用清火消毒之劑及其大潰而危再延余視則脉證俱敗方信余言而痛悔前失已無及矣○一膏梁子弟性者年未三旬素以酒色為事亦患此證早令服藥執拗不從及其腫而膿成令速針之亦畏痛不從而偏聽庸流敷以苦寒解毒之藥不知膿既已成尤不可解但見愈久愈深直待自潰而元氣盡去不可收拾矣新按

腎癰五十六

馬益卿曰腎癰證腎居小腹之下此陰中之陰也道遠位僻雖曰多血然氣運不到血亦罕來中年之後尤慮患此纔有腫痛叅之脉證但見虛弱便與滋補氣血無虧可保終吉

立齋曰凡治此者毋傷脾胃毋損脾氣但當以固根本為主○若焮痛尺脉緊而無力者托之○腫硬痛甚者隔蒜灸之更以解毒○不作膿者托裏為主○不作膿而痛者解毒為主○不潰或潰而不斂者托裏為主

又治法曰若腫硬作痛者形氣虛而邪氣實也用托裏消毒散○微腫微痛者形氣病氣俱虛也用托裏散補之○欲作膿者用內托羌活湯○若痛甚者用仙方活命飲○大勢既退用托裏消毒散○若脾虛不能消散

或不潰不斂者六君子加芎歸黃芪○若陰虛不能消散或作渴便淋者六味丸加五味子○若陽虛不能潰或膿清不能斂者用補中益氣湯○氣血俱虛者十全大補湯○若腫硬未成膿者用隔蒜灸及活命飲○潰

後宜巨鼓餅灸及補中益氣十全大補二湯○若災後大勢已退餘毒未消須用葱艾以補其氣以消餘毒為

血脉腫下而堅者發於筋骨肉色不變者發於骨髓也○膿血大泄之後當大補氣血為先雖有他證以未治之

巡按陳和峯脾胃不健常服消導之劑左腿股及臀患腫余曰此脾氣虛而下注非瘡毒也當用補中益氣倍加白朮彼惑於衆人云白朮能潰膿乃專以散腫消毒為主而腫益甚体益倦余用白朮一味煎飲而消儒者揚啟元左臀患此敷貼涼藥腫徹内股服連翹消毒散左体皆痛余以為足三陰虧損用補中益氣湯以補脾肺用六味丸加五味子以補肝腎股内消而臀間潰又用十全大補湯而瘡口斂○一儒者歎腫痛甚此邪毒壅滯用活命飲隔蒜灸而消後因飲食勞倦腫痛復作寒熱頭痛此元氣虛而未能復也與補中益氣湯頻用葱熨法兩月而愈○一男子患臀癰作膿而痛以仙方法活命飲二劑痛止更以托裏消毒散膿潰而瘡○一弱人臀癰膿成不潰以十全大補湯數劑始托起乃針之又二十餘劑而愈薛按

流注五十七

立齋曰流注之證多因鬱結或暴怒或脾氣虛濕氣逆於肉裏或腠理不密寒邪客於經絡或濕痰或閃撲或產後瘀血流通關節或傷寒餘邪未盡為患皆因真氣不足邪得乘之故氣凝血聚為患也然此證或生於四肢關節或生於胸腹腰臀或結塊或漫腫或痛或不痛悉宜用葱熨法及益氣養營湯固其元氣則未成者自消已成者自潰可全愈也若不補氣血及節飲食慎起居戒七情而專用寒涼劑伐者俱不治○又治法曰常治此證凡暴怒所致胞膈不利者調氣為主○抑鬱所致而不痛者宜調經脉補氣血○腫硬作痛者行氣和血○潰而不斂者補氣血為主○傷寒餘邪未盡者和而解之○脾氣虛濕熱凝滯肉理者健脾除濕為主○閃跌瘀血凝滯為患者和血氣調經絡○寒邪所襲筋掣骨痛或遍身痛宜温經絡養血氣○若久而不斂瘡口無傷者宜豆豉餅或附子餅灸之以祛散寒邪接補陽氣或外用琥珀膏貼之○若内有膿管或生瘀肉而

不斂者用銀頭散敷之自愈錢子尤效

醫林集要云骨疽乃流注之敗證也如用涼藥則內傷其脾外冰其血脾主肌肉脾氣受傷飲食必減肌肉不生血為脉絡血受冰則氣血不旺而愈滯宜用理脾健脾則血自生而氣自運行矣○又有白虎飛尸留連固基或展轉數歲冷毒朽骨出盡自愈若附骨腐者可痊正骨腐則為終身廢疾矣○有毒自手足或頭面腫起或兼疼痛上至頸項骨節去處如瘍癰貫珠此風濕流氣之證也宜以加減小續命湯及獨活寄生湯治之○有兩膝腫痛起或至遍身骨節疼痛者此風濕痺又名歷節風宜附子八物湯治之○又有結核在項腋或兩乳旁或兩胯夾肉處名曰瘰癧癰屬冷證也又有小兒宿痰失道致結核於頸項臂膊胸背之處亦冷證也俱宜熱藥敷貼○已上諸證皆緣於腎腎主骨腎虛則骨冷而為患也所謂骨疽皆起於腎亦以其根於此也故用大附子以補腎氣腎寔則骨有生氣而疽不附骨矣

一男子臀腫一塊微痛脉弦緊以瘡科流氣飲四劑而消○一婦人暴怒腰腫一塊胸膈不利時或氣走作痛用方脉流氣飲數劑而止更以小柴胡湯對四物加香附貝母月餘而愈○一婦人稟弱性躁脇腎腫痛胸膈痞悶服流氣敗毒葯反發熱以四七湯數劑胸寬氣利以小柴胡湯對四物加陳皮香附胸痛亦退大抵婦人情性執着不能寬解多被七情所傷遂致遍身作痛或肢節腫痛或氣填胸滿或如梅核塞喉嚨吐不出或痰涎壅盛上氣喘急或嘔逆惡心甚者渴悶欲絕產婦多有此證宜服四七湯先調滯氣更以養血之葯若因憂思致小便白濁者用此湯吞青州白丸子屢效○一老人傷寒表邪未盡股內患腫發熱以人參敗毒散二劑熱止災以香附餅又小柴胡湯加二陳羌活川芎歸朮枳殼數劑而散○一男子腿患潰而不斂用人參養營湯及附子餅更以補劑煎膏貼之兩月餘而愈○一男子腿患腫肉色不變不痛脉浮而滑以補中益氣湯加半夏茯苓枳殼木香飲之以香附餅熨之彼謂氣無補法乃服方脉流氣飲虛愈甚復求治以六君子湯加芎歸數劑飲食少進再用補劑月餘而消夫氣無補法俗論也以其為病痞塞似難於補殊不知正氣虛而不能

運行則邪氣滯而為病經云壯者氣行則愈怯者弱者則著而為病苟不用補法元氣何由而行乎○一婦人腿患筋掣骨痛諸藥不行脉遲緊用大防風湯二劑頓退又二劑而安又一婦人亦然先用前湯二服更服黑九子而痊此二患若失治必潰成敗證○一男子肩胛患之微腫形勞氣弱以益氣養營湯服黑九子及木香生地黃作餅覆患處熨之月餘膿成鍼之仍服前藥而愈○一男子臂腫筋掣骨痛年餘方潰不斂診其脉更虛以內塞散一料少愈以十全大補湯及附子餅炙之而愈精要云留積經久極陰生陽寒化為熱以此潰多成瘻宜早服內塞散排之○一男子臂患出腐骨三塊尚不斂發熱作渴脉浮大而澀乃氣血俱損須多服生血氣之藥庶可保全彼惑於火尚未盡仍用涼藥內服外敷幾危始求治其形甚瘁其脉愈虛先以六君子湯加芎歸月餘飲食漸進以八珍湯加肉桂三十餘劑瘡色乃赤更以十全大補湯外以附子餅炙之僅年而瘥

鶴膝風 五十八

凡肘膝腫痛臂胛細小者名為鶴膝風以其象鶴膝之形而名之也或止以兩膝腫大胛腿枯細不能屈伸俗又謂之鼓槌風總不過風寒濕三氣流注之為病也然腫痛者必有邪滯枯細者必因血虛凡治此者必宜以養氣滋血為主有風者兼散其風有寒濕者兼去其寒濕若果由邪鬱成熱者必宜滋陰清火自無不愈其有痢後而成者又名痢後風此以瀉痢亡陰尤宜壯腎凡寒勝者宜三氣飲五積散或大防風湯之類主之濕勝者宜五苓散理中湯之類主之熱勝者宜保陰煎大秦光湯之類主之若以陽氣不足而敗及四肢者非右歸丸理陰煎及八味地黃丸之類不可

立齋曰鶴膝風乃調攝失宜虧損足三陰經風邪乘虛而入以致肌肉日瘦內熱減食肢體掣痛久則膝大而腿細如鶴之膝故爾名之○若傷於脾胃者用補中益氣湯為主若傷於肝腎者六味地黃丸為主若欲其作膿或潰後者十全大補湯為主皆佐以大防風湯○初起者須用葱熨法可以內消○若津涸口乾中氣不足

也補中益氣湯加五味子 頭暈頭痛陽氣不升也補中益氣湯加蔓荊子○發熱晡熱陰血虛弱也用四物
參芪白朮○畏寒憎寒陽氣虛弱也用十全大補湯○飲食少思胸膈膨脹脾胃虛痞也用四君子湯○面色
痿黃飲食少思脾胃虛弱也用六君子湯膿水清稀肌肉不生氣血俱虛也用八珍湯○熱來復去有時而動
無根虛火也用十全大補湯○形瘦嗜臥寢息發熱痰盛作渴小便頻數五臟虛損也用六味丸○臍腹疼痛
夜多漩溺脚膝無力頭暈吐痰腎氣冷敗也用八味丸○發熱大渴不欲近衣面目赤色脉大而虛血虛發躁
用當歸補血湯○或有痢後而患者亦治以前法餘當臨證制宜○又曰夫立方之義各有所宜凡體氣虛弱
邪入骨節遏絕隧道若非用附桂辛溫之藥開散關節腠理之寒邪通暢隧道經絡之氣血決不能愈且本草
云附子治寒濕痿躄拘攣膝痛不能行步以白朮佐之為寒濕之聖藥又云桂通血脉消瘀血堅骨節治風痺
骨攣脚與宣導諸藥及十全大補湯以治前證不但不可去桂亦不可不加附子無此二味何以行參芪之功
健芍歸之性而補助血氣使之宣通經絡扶大虛之證以收必效之功哉况前證在骨節之間關鍵之地治之
不速使血氣循環至此鬱而為膿從此而泄氣血滯盡無可生之理矣亦有秋夏露臥為寒所襲拂熱內作遂
成附骨疽亦有賊風搏於肢節痛徹於骨遇寒尤甚以熱熨之則少減尤當以人防風湯治之更以蒜搗爛攤
患處用火鋪蒜上燒之蒜壞再易皮膚倘破無妨若經久不消則極陰生陽潰而出水必致偏枯或為漏證宜
服內塞散及附子餅灸之或脉大或發渴者俱不治以其真氣虛而邪氣寔也

張上舍患前證伏枕半載流膿三月彼云初服人防風湯去附子將潰服十宣散今用十全大補湯而去肉桂
俱不應視其脉證甚弱予以十全大補湯每貼加熟附子一錢服三十餘劑少愈乃去附子五分又服三十餘
劑將愈却全去附子更三十餘劑而痊○一男子左膝腫大三月不潰予謂体虛之人風邪襲於骨節使氣滯
而不行故膝愈大而腿愈細名曰鶴膝風遂以人防風湯三十餘劑而消○州守張天澤左膝腫痛胸膈痞悶
飲食少思持飲作匾額量皮篋日補益卷此脾肺氣虛也用葱熨及六君加炮姜諸證頓退飲食少進用補中

益氣加蔓荊子頭目清升間與大防風湯十餘劑又用補中益氣湯三十餘劑而消

多骨疽五十九

立齋曰多骨疽者由瘡瘍久潰氣血不能營於患處邪氣陷襲久則爛筋腐骨而脫出屬足三陰虧損之證也
用補中益氣湯以固根本○若陰火發熱者佐以六味丸壯水之主以鎮陽光○陽氣虛寒者佐以八味丸益
火之源以消陰翳○外以附子餅葱熨法祛散寒邪補接營氣則骨自脫瘡自斂也○夫腎主骨若腎氣虧損
其骨漸腫在再歲月潰而出骨亦用前法若投以剋伐之劑復傷真氣鮮有不誤者

下疳瘡六十

下疳一證本肝腎濕熱證也若無外因而病者不過去其濕熱或滋真陰濕熱既清其瘡自愈無慮也惟感
觸淫毒而患者毒有淺深則病有微甚皆宜用百草煎薰洗外以蝶蛸散敷之則輕者自愈若濕熱甚而為腫
為痛者宜用芍藥蒺藜煎兼而治之如毒甚者必用萆薢湯方可○若感觸淫邪毒自少陰直入精宮者不易
愈即治如前法然必見便毒廣瘡發出而後下疳始愈既見瘡毒即當於本證條下求法治之○余嘗治一少
年因偶觸毒穢遽患下疳始潰龜頭敷治不效隨從馬口延入尿管以漸而深直至肛門逐節腫痛形如魚骨
每過夜則膿結馬口脹不得出潤而通之則先膿後尿傳洗皆不能及甚為危懼余嘗遇一山叟傳得槐花蕊
方因以治之不十日而莖根漸愈半月後即自內達外退至馬口而全愈疳愈後即見此微廣瘡復與五加皮
飲十餘劑而全愈向彼傳方者曰此方善治淫瘡熱毒悉從小便泄去所以能治此疳但服此者可免終身瘡
毒後患然猶有解毒奇驗則在瘡發之時但見通身忽有雲片紅斑數日而沒者即皆瘡毒應發之處瘡毒已
解而瘡形猶見是其驗也予初末之信及此人瘡發之時瘡固不多而通身紅斑果見凡兩日而沒予始知瘡
之有奇一至如此新按

立齋曰下疳屬肝經濕熱下注或陰虛火燥治法腫痛發熱者血虛而有熱也四物湯加柴胡山梔○腫痛寒

熱者肝經濕熱也小柴胡湯加龍膽草黃連○腫痛便溼者濕熱壅滯也龍膽瀉肝湯○腫痛腐潰者氣血虛而有火也八物湯加柴胡山梔○日晡熱甚者陰血虛而有火也小柴胡湯加參朮芎歸○日晡倦怠者陽氣虛而下陷也補中益氣湯○有經久不愈而發寒熱者腎水不能生肝木也宜六味丸○若筋縮或縱或為痺痛或出白津此筋衰也用龍胆瀉肝湯○氣虛者補中益氣湯加炒山梔炒龍膽○陰虛火燥者用六味丸○莖中痒出白津用補中益氣湯與清心蓮子飲間服○蓋此證肝經陰虛為本腫痛寒熱等證為標須用六味丸以生肝血凡脾土虛不能生金水而見一切肝證者當佐以補中益氣湯加麥門冬以滋化源

一男子腫痛不消一男子潰而腫痛發熱小便秘澀日晡或熱一小兒腫痛諸藥不應俱以小柴胡湯吞蘆薈丸數服而愈○一小兒十五歲患前證雜用消毒之藥虛證悉具二年餘矣詢之乃稟所致用草薺湯月餘諸證漸愈又用補陰八珍湯補中益氣二湯而痊○庶吉士劉華甫或莖中作痛或竅出白津或小便秘澀先用小柴胡湯加山梔澤瀉黃連木通胆草茯苓二劑以清肝火導濕熱諸症漸愈後因勞倦忽然寒熱此元氣復傷也用補中益氣而安又用六味丸以生肝血滋腎水而全愈 一男子玉莖腫痛小便如淋自汗甚苦時或尿血少許尺脉洪數按之則澹先用清心蓮子飲加牛膝山梔黃柏知母柴胡數劑少愈更以滋腎丸一劑而痊○玉機微義曰如自汗小便少不可以藥利之既已自汗則津液外亡小便自少若再利之則營衛枯竭無以制火而煩熱愈甚當俟熱退汗止小便自行也兼此證乃陽明經病大忌利小便 俱薛按

海藏治下疳久不愈方 椽料子二個合盛黃丹令滿以亂髮厚纏定燒烟盡為度同研為細末先以葱白熱漿水洗瘡膿盡次上藥甚者不過三次如神

又下疳方 下疳瘡內毒盛者必須治內方愈外治者須蟬蛸散或此方亦佳

人中白生用 宮粉 煨黃 紅丹 飛炒 右等分為末先用藥湯或濃茶洗淨然後敷藥每日二三次或用猪油

或用藥水調敷之

便毒論治如薛氏之法固已詳矣然又惟交感不潔遭淫毒而患者為最多每每先起下疳下疳未已便毒繼之此濕熱穢毒之為患也凡初起腫痛尚未成膿而元氣尚強者速宜先去其毒惟會膿散或牡蠣散為最善○若已膿成則或鍼或砭惟速去其膿隨因證調補使速收口為善○若初起一核其痛微其腫漫者此有二證一以邪輕一以元氣虛弱毒深而然若邪輕者只用會通膏加麝香貼之無有不散或降癰散亦可若元氣虛弱而毒深者既不肯散又不早潰愈久必愈甚最為可畏及其潰後多不能收輕則為癰重則殞命此惟大補元氣方不致害○若焮腫痛甚膿已將成勢不能消宜用降癰散留頭圍之則勢可斂痛可解膿可速成而潰也

立齋曰便癰屬足厥陰肝經內熱外寒或勞役過度或房慾不節或慾火不遂或強固其精或肝經濕熱而致大抵多患於勞役不足精氣俱虛之人俗云一石米瘡此言百日方可愈若大補血氣不旬日可愈何用百日蓋瘡之收斂在乎血氣之盛也亦有內蘊熱毒而生者須辨虛實及成膿與否不可概投攻藥凡婦人患此者多在兩拘腫痛或腹中結塊小便澀滯苟治者得法患者又能調攝無慮也常見治此證者概用大黃之類下之以求內消或其膿成令膿從大便而出鮮有見其痊也人多欲內消者蓋恐收口之難也若知補養血氣不旬日而收矣何難之有若膿既成豈有可消之理如再用剋伐之劑必致難治○又曰便癰者血疔也俗呼為便毒言於不便處為癰也乃足厥陰之經絡及衝任督脈亦屬肝之旁絡此氣血流通之道路今壅而腫痛是則熱毒所致宜先疏導其滯更以托裏之劑此臨證制宜之法也又治法曰內熱外寒者牛黃雙解散○濕熱壅滯者宜用龍胆瀉肝湯疎肝導滯○慾心不遂致逆精氣者先用五苓散加大黃疎其逆滯後用地黃丸以補肝腎強固其精○房慾不節者六味丸料○勞倦過度者補中益氣湯

一男子患便毒焮腫作痛大小便秘脈有力以玉燭散二劑頓退更以龍胆瀉肝湯四劑而消○一男子膿未

成大痛服消毒托裏等藥不應診之脉洪大毒尚在以仙方活命飲一劑痛止又劑而消○一儒者腫痛便澀用八正散二劑以清肝火導濕熱而腫痛愈再以小柴胡加芎歸澤瀉山梔二劑以清火補血而小便利○一男子已潰而痛不止小便澀滯此肝火未解與小柴胡加黃柏知母芎歸痛止便利更以托裏當歸湯而瘡斂若毒未解而痛不止者須用活命飲○府瘻沈尼文年二十左拗患之余以肝腎陰虛先用托裏藥潰而將愈因入房發熱作渴右邊亦作痛膿水清稀虛證悉至脉洪大而無力勢甚可畏用十全大補加附子一錢脉證頓退再劑全退後用大補湯三十餘劑而愈○一男子腫而不潰此因陽氣虛弱用參芪歸朮以補托元氣用白芷皂刺柴胡甘草以排膿清肝數劑而潰以八珍加柴胡補其氣血數劑而愈○春元凌待之虛而服剋伐藥幾至危殆余用補裏健脾藥而愈秀才王文遠因勞苦患之服小柴胡湯而表證散後用托裏藥膿成鍼之而旬日愈又胡判官膿清脉弱以大補之藥而愈因新婚復發自用連翹消毒散致瀉利不止竟致不救可見此證屬不足者多矣非補不可大抵便毒屬肝經初起堅硬肝主筋故也五七日後當赤莢膿成故也若尚堅硬乃元氣不能腐化往往人見堅硬只欲內消反服攻散藥多致虛虛之禍前此治者即其驗也○一婦人兩拗腫痛小腹痞滿小便數白帶時下寒熱往來小水淋瀝余謂脾氣滯而血病用龍膽瀉肝湯漸愈又用加味逍遙散六味丸而痊愈○一婦人小腹內如有所梗兩拗並人門俱腫小便淋澀經候不調內熱作渴飲食少思腹內初如雞卵而漸大脉洪數而虛左關尤甚屬肝胆鬱結之證也用加味歸脾湯肝火退而脾土健間以逍遙散下蘆薈丸而愈俱薛按

楊梅瘡六十二

楊梅瘡一證以其腫突紅爛狀如楊梅故爾名之其在西北人則名為天泡瘡東南人又謂之廣東瘡凡毒輕而小者狀如茱萸故名茱萸瘡毒甚而大者泛爛可畏形如棉花故名棉花瘡大都此證必由淫毒傳染而生蓋此淫穢之毒由精泄之後氣從精道乘虛直透命門以貫衝脉所以外而皮毛內而骨髓凡衝脉所到之處

則無虞不到此其為害最深最惡設初起時去毒不淨或治失其宜而隨至敗爛殞命者蓋不少矣或至二三十年之後然猶發為瘋毒或至爛頭或至爛鼻或四肢隱幽之處臭爛不可收拾或遺毒兒女致患終身其惡如此靜而思之則有見此惡道而不為寒心知避者其愚亦甚矣故凡治之之法最當知要切不可不慎也○亦有不因淫毒傳染偶中濕熱而患者此不過在皮毛肌肉之間清去濕熱自當全愈無足慮也

一今人每遭此患或畏人知或畏毒甚而大用攻擊峻利等藥多致邪毒未除而元氣先敗或成勞瘵或即殞命或愈久愈甚以致敗壞不能收斂皆元氣先敗之故也余見之多矣故凡被此病者切不可驚慌亦不可專肆攻擊但按法漸解其毒務使元氣毫無損傷則正能勝邪雖毒無害若正不勝邪則微毒亦能殺人此其要也不可不察○一瘡瘡治法凡其初起而元陽未傷毒亦未甚宜速用清利使從小便利去其毒惟換肌消毒散為第一其次則五加皮飲亦妙或兼火邪者宜秘仙方遺糧湯或稟氣多弱者宜茯苓膏凡此諸藥或十日或半月甚者一月無不見效○一凡生瘡毒者宜服槐花蕊至二三升則毒從小便泄去可免終身之患真神方也有按在下疔瘡條中○一此瘡初起時多有先下疔次便毒而後瘡出是為一套若便毒勢甚腫痛熱秘而元氣素強者即宜用會膿散或牡蠣散先去其毒之大勢而後用前方諸藥亦要著也○一此瘡或久而不愈或元氣素弱或因剋伐致虛但見有正不勝邪之勢則當察其輕重或以純補元氣為主凡脾腎陰陽氣血皆宜隨證用方但使氣血得復則雖毒無害最忌見不真而執兩端則終歸無益亦是要著○一飲食宜否有謂宜忌口者有謂不宜忌口者而任其發透總之亦有其要蓋瘡毒初染毒本未甚此時只宜清利使毒漸消為善若食發物則愈發愈多而毒愈甚矣此則宜忌之時也若瘡毒已久元氣已弱膿汁既多血氣既耗斯時也非以藥食滋補則日見消敗何以收效此則不宜忌者也宜忌不宜忌是亦宜補不宜補之法耳使不知辨安能無誤○一瘡生頭面或遍身不便處欲其速愈但用點藥則二三日可以脫落亦神妙者也但此惟治標之法耳方在新因四十二○一瘡毒久蓄發為瘋毒亦名楊梅癰漏或蝕筋或腐骨潰爛不收最為惡候近來

治法惟五寶丹為最效及徐東臯楊梅癰漏方或秘傳水銀膏宜擇用之

立齋曰天泡瘡屬元氣不足邪氣所乘亦有傳染而患受證在肝腎二經故多在下體發起有先筋骨痛而後患者有先患而後痛者有瘡凸赤作痛熱毒熾甚也瘡微作痛毒將殺也瘡色白而不結痂陽氣虛也色赤而不結痂陰血虛也瘰癧脈虛浮氣不相榮也瘰癧脈浮數血不相榮也臂背間或頸間作瘰癧膀胱陰虛也陰器股內作瘰癧肝經血虛也陰囊作瘰癧重墜肝經陰虛濕熱也小便頻數短少色赤肝經陰虛也小便頻數短少色白脾肺氣虛也面目瘰癧或變赤外邪相搏也眉間瘰癧或毛落肝胆血燥也飲食少思口乾飲湯胃氣虛也飲食不化大便不實脾氣虛也侵晨或夜間泄瀉脾腎虛也○又治法曰若表實者先用荆防敗毒散解散之○裏實者先用內疎黃連湯通導之○表裏俱實者防風通聖散雙解之○邪熱在肝經者龍胆瀉肝湯清解之○後用換肌消毒散為主愈後再無筋骨疼痛之患氣虛者四君子湯血虛者四物湯氣血俱虛者八珍湯俱加兼證之藥治之自無不愈○若治失其法有蝕傷眼目腐爛玉莖拳攣肢體者但用九味蘆薈丸以清肝火六味丸以生腎水蠲痺消毒散以養血祛邪亦有可生者○若服輕粉等藥反收毒於內以致迭發或概服防風通聖散氣血愈虛因而不治者多矣○凡有腫硬或作痛外用蒜灸及敷冲和膏內服補藥並效

一男子遍身皆患脈浮而數以荆防敗毒散治之表證乃退以仙方活命飲六劑瘡漸愈兼飲草薢湯月餘而愈○一男子下部生疔諸葯不應延及遍身突腫狀似翻花筋攣骨痛至夜尤甚此肝腎二經濕熱所致先以導水丸五服次以龍胆瀉肝湯數劑再與除濕健脾之葯外貼神異膏吸其膿隔蒜灸拔其毒而愈○一童子玉莖患之延及小腹數枚作痛發熱以小柴胡湯吞蘆薈丸更貼神異膏月餘而愈○一儒者患前證先玉莖作癢出水後陰囊股內小腹脇臂發小癰或乾或膿窠誤服祛風等葯肢體倦怠惡寒發熱飲食漸減大便不寔脈見浮弦兩尺浮數此腎水虛熱肝木乘脾土也用六味地黃丸補中益氣湯為主佐以換肌消毒散而愈○一婦人患此症年久愈處凸而色赤乍痛支本卷愈更甚後熱脈浮而虛比元氣復傷而邪氣寔也用補

中益氣湯二劑而愈○進士劉華甫患之數月用輕粉珠砂等藥頭面背唇各結一塊二十許瀆而形氣消弱
寒熱口乾舌燥唇裂小便淋漓痰涎上壅飲食少思此脾胃傷諸藏弱而虛火動也先用六君子二十餘劑又
用補中益氣湯加山藥山茱萸麥門五味服之胃氣復而諸證愈惟小便未清痰涎未止用加減八味丸而痊
○一男子患楊梅瘡後兩腿一臂各潰二寸許一穴膿水淋漓少食無睡久而不愈以八珍湯加茯神棗仁炒
服每日以蒜搗爛塗患處災良久隨貼膏藥數日少可即用豆豉餅灸之更服十全大補湯而愈○一婦人患
之皆愈惟兩腿兩膝各爛一塊如掌兼筋攣骨痛三載不愈諸藥不應日晡熱甚飲食少思以萆薢湯兼逍遙
散倍用茯苓白朮數劑熱止食進貼神異膏更服八珍湯加牛膝杜仲木瓜三十餘劑而痊○一婦人患此燃
輕粉藥於被中薰之致遍身皮爛膿水淋漓不能起居以滑石黃柏綠豆粉末等藥鋪席上令可卧更服神功
托裏散月餘而痊俱薛按

囊癰六十三

立齋曰囊癰屬肝腎二經陰虛濕熱下注也○腫痛未作膿者疎肝導濕○腫硬發熱者清肝降火○已潰者
滋陰托裏○大抵此證屬陰道虧濕熱不利所致故滋陰除濕藥不可缺常治腫痛小便秘澀者用除濕為主
滋陰佐之○腫痛已退便利已和者除濕滋陰藥相兼用之○欲其成膿用托裏為主滋陰佐之候膿成即鍼
之仍用托裏滋陰○濕毒已盡者專用托裏○如膿清或多或少或做遲者用大補之劑及豆豉餅灸之○若潰後
虛而不補少壯者成漏老弱者不治○膿清作渴脉大者亦不治○又法曰若小便澀滯者先用分利以泄其
毒繼補陰以令其自消○若濕熱退而仍腫痛宜補陰托裏以速其膿○膿腫而便秘者熱毒壅秘也先用托
裏消毒散後用針以泄之膿去即解○若膿去而腫痛不減者熱毒未解也用清肝益營湯○口乾而小便數
者腎經虛熱也六味丸○內熱晡熱者肝經血虛也四物加參朮○倦食少者脾胃氣虛熱也補中益氣湯○
膿水清稀者氣血俱虛也十全大補湯○此證雖大潰而畢丸懸掛治得其法旬日間肉可漸生而愈若專攻

其瘡陰道益虛則腫者不能潰潰者不能斂少壯者多成痼疾老弱者多致不起○亦有患痔久漏而串及於囊者當兼治其痔切忌寒藥剋伐虧損胃氣

馬益卿曰囊癰者濕熱下注也有作膿者此濁氣下流入滲道因陰道或虧水道不利而然膿盡自安不藥可也惟在善於調攝耳○又有因腹腫漸流入囊腫甚而囊自裂開罽丸懸掛水出以鞅炭末敷之外以紫蘇包裏仰卧而養之○癰疽入囊者予嘗治數人悉以濕熱入肝經施治而用補陰佐之雖膿潰皮脫罽丸懸掛皆不死

一男子患此未作膿而腫痛以加味龍胆瀉肝湯二劑少許更以四物湯加水通知母黃柏而愈○一男子焮腫痛甚小便澀發熱脈數以龍膽瀉肝湯倍用車前子木通茯苓四劑勢去其半仍以煎湯止加黃柏金銀花四劑又減二三便利如常惟一處不消此欲成膿也再用煎湯加金銀花白芷皂角刺六劑數腫痛脈滑數乃膿已成令針之腫痛悉退投滋陰托裏藥及紫蘇末敷之而愈○一耆梁之客陰囊腫脹小便不利此中焦積熱乘虛下注先用龍膽瀉肝湯加黃柏牛膝四劑漸愈後用補陰八珍湯加柴胡山梔而愈後不守禁忌前證復作仍用補陰八珍湯補中益氣湯六味丸而痊又因勞倦發熱自用四物黃柏知母之類虛證悉具瘡口大開余謂五臟氣血俱虛也朝用補中益氣夕用六君如當歸各五十餘劑瘡口始斂又用六味丸調補全愈○儒者陳時用考試不利一夕飲燒酒入房其妻不納翌日陰囊腫脹焮痛遣人求治與以清肝火除濕熱之劑城門夜閉不及歸服翌日報云夜來陰囊悉腐玉莖下面貼囊者亦腐此肝火挾酒毒而濕熱熾甚也仍以前清火除濕之劑加參芪歸朮四劑腐肉盡脫罽丸懸掛用大補氣血並塗當歸膏囊益全復而愈○一男子醉而入房陰囊腫脹大如斗小腹脹悶小水淋赤發熱口乾痰涎壅盛此膀胱陰虛酒毒所乘也用六味丸料加車前牛膝作飲下滋腎丸諸證頓退再加五味麥冬二劑而愈却以補中益氣湯加麥冬五味調理而瘳若全用炭漆復慎直陰決至不起俱詳按

立齋曰懸癰謂瘡生於玉莖之後穀道之前屬足三陰虧損之證輕則為漏瀝盡氣血而亡重則內潰而即殞大抵此證原屬肝腎陰虛故不足之人多患之雖一於補猶恐不治况膿成而又剋伐不死何俟即寒涼之劑亦不可過用恐傷胃氣惟製甘草一藥不損血氣不動臟腑其功最捷最宜用之不可忽也○焮腫或發熱者清肝解毒腫痛者解毒為主○腫痛而小便赤澀者肝經濕熱也宜分利清肝○不作膿或不潰者氣血虛也宜補之○又治法曰凡初起濕熱腫痛或小便赤澀宜先以製甘草一二劑及隔蒜灸更飲龍胆瀉肝湯○焮腫痛甚宜仙方活命飲以製甘草佐之○若發熱腫痛者以小柴胡湯加車前黃柏芎歸○若不成膿或膿成不潰者八珍湯補之○若膿已成者急針之○已潰者用八珍湯加製甘草柴胡稍酒炒黃柏知母○小便澀而脈有力者仍用龍胆瀉肝湯加製甘草○小便澀而脈無力者清心蓮子飲加製甘草○膿清不斂者用大補之劑間以豆豉餅灸之久而不斂者用附子餅灸之並效○欲其生肌收斂腎虛者六味地黃丸血虛者四物加參朮氣虛者四君加芎歸脾虛者補中益氣湯氣血俱虛者八珍湯並十全大補湯若用寒涼消毒則誤矣

陳良甫曰治穀道前後生癰謂之懸癰用粉草一兩截斷以潤水浸潤炙令透內細剉用無灰酒煎服有人患此已破服兩劑瘡即合

一弱人莖根結核如大豆許勞則腫痛先以十全大補湯去桂加車前麥冬酒製黃柏知母少愈更服製甘草漸愈仍以四物車前之類而消○一男子患此焮痛發熱以龍胆瀉肝湯二劑及製甘草四劑而潰再用滋陰之劑而愈若或膿未成以葱炒熟敷上冷即易之隔蒜灸之亦可數日不消或不潰或潰而不斂以十全大補湯加柴胡梢為主間服製甘草並效若不保守必成漏矣○一儒者患懸癰服坎離丸及四物黃柏知母之類不應脈浮洪按之微細余以為足三陰之虛用托裏散及補陰八珍湯漸愈又用六味丸補中益氣湯調補化

源半載而痊大凡瘡瘍等證若腎經火氣亢盛致陰水不能生化而患陰虛發熱者宜用坎離丸取其苦寒能化水中之火令火氣衰而水自生若陽氣衰弱致陰水不能生化而患陰虛發熱者宜用六味丸取其酸溫能生火中之水使陽氣旺而陰自生况此證屬腎經精氣虧損者十有八九屬腎經陽氣亢盛者十無一二然江南之人患此者多屬脾經陰血虧損元氣下陷須用補中益氣湯升補陽氣使陽生而陰長若嗜慾過多虧損真陰者宜用六味丸補腎經元氣以生精血仍用補中益氣湯以培脾肺之生氣而滋腎水經云陰虛者脾虛也但多誤認為腎經火證用黃柏知母之類復傷脾肺絕其化源反致不起惜哉○通府張敬之患前證久不愈日晡熱甚作渴煩而喘或用四物湯黃柏知母之類病益甚肢體倦少食大便不寔小便頻數謂余曰何也余曰此脾虛之證前葯復傷而然遂用補中益氣加茯苓半夏數劑飲食漸進前證漸愈更加麥冬五味調理乃痊經曰脾屬太陰為陰土而生血故東垣云脾虛元氣下陷發熱煩渴肢體倦怠等證用補中益氣湯以升補陽氣而生陰血若誤認為腎虛火盛而用四物黃柏知母之類反傷脾胃生氣是虛其虛矣况黃柏知母乃瀉陽損陰之劑若非膀胱陽火盛而不能生陰水以致發熱者不可用也俱詳按

脫疽六十五

立齋曰脫疽以疔患於足或足趾重者潰脫故名之亦有患於手指者名曰蛀節疔重者腐去本節輕者筋掣此證因膏梁厚味酒麵炙燻積毒所致或不慎房勞腎水枯竭或服丹石補葯致有先渴而後患者有先患而後渴者皆腎水虧涸不能制火也此證形勢雖小其惡甚大不問腫潰皆須隔蒜灸之不痛者宜明灸之庶得少殺其毒凡初發而色黑不潰者不治毒延入腹者不治色黑不痛者亦不治色赤作痛自潰者可治若失解其毒以致肉死色黑者急斬去之亦有因修手足口咬等傷而致者若元氣虛弱或犯房事或外淫寒涼內服剋伐損傷脾胃以致患處不潰或黑延上足亦多致死重者須當用腳刀轉解周骨輕拽去之使筋隨骨出而毒得泄亦不痛不則毒筋內斷雖去而仍潰且偏僻之處氣血罕致葯難導達况攻毒之劑必先傷脾胃反損

元氣不若災法為良重者須解去為善故孫真人云在肉則割在指則截使不如此則必致天殛而害尤甚矣
况患處已壞雖解不痛又何憚而不為乎患者當知之○若女人患此又多因扎縛血脉不通遂成死肉惟當
壯其脾胃行其經絡生其血氣則愈○又治法曰色赤作痛者元氣虛而濕毒壅盛也先用隔蒜灸更用解毒
藥如活命飲托裏散之屬仍速用補劑如十全大補湯加減八味丸則毒氣不致上侵元氣不致虧損庶可保
生 作渴者宜滋陰降火色黑者不治

崔氏方治手足甲疽或因修甲傷肉或因損足成瘡潰爛上脚用綠礬置鉄板上煨沸色赤如溶金色者為真
沸定取出研末以鹽湯洗而搽之

一男子足指患之焮痛色赤發熱隔蒜灸之更以人參敗毒散去桔梗加金銀花白芷大黃二劑痛止又用十
宣散去桔梗官桂加天花粉金銀花數劑而痊○一男子足指患之色紫不痛隔蒜灸五十餘壯尚不知痛又
明灸百壯始痛更投仙方活命飲四劑乃以托裏藥潰脫而愈○一膏梁之人先作渴足熱後足大指赤痛六
脉洪數而無力左尺為甚予謂此足三陰虛證當滋化源為主彼固服除濕敗毒等劑元氣益虛色黯延足余
乃朝用補中益氣湯夕用補陰八珍湯各三十餘劑及桑枝灸潰而膿清作渴不止遂朝以前湯送加減八味
丸夕用十全大補湯三十餘劑而痊是時同患此證服敗毒之藥者俱不救○一膏梁人年逾五十亦患此色
紫黑脚焮痛喜其飲食如故動息自寧為瘡瘍之善證尚可治遂以連翹消毒散六劑更以金銀花甘草節瓜
薑二十餘劑患指潰脫再以當歸川芎連翹生地金銀花白芷二十餘劑而愈○一蕘菟左足指患一泡麻木
色赤次日指黑五日其足黑冷不知疼痛脉沈細此脾胃受毒所致以飛龍奪命丹一服翌日令割去足上死
肉割後骨始痛而可救遂以十全大補湯治之而愈蓋死肉乃毒氣甚而拒絕營氣所致况至陰之下氣血難
達經曰風淫末疾即此是也向若攻伐之則元氣愈虛邪氣愈盛乘虛上侵必致不救

俱詳按

立齋曰脚氣之證屬足三陰精血虧損或足三陽濕熱下注若色赤腫痛而潰膿者屬濕熱下注為可治若色微赤微腫而膿清者屬精血虧損為難治若黑黯不腫痛不潰膿煩熱作渴小便淋瀝者陰敗未傳惡證也為不治○治法濕熱下注者先用隔蒜灸活命飲以解壅毒次服益氣湯六味丸以補精氣若色黯不痛者着肉灸桑枝灸以行壅氣助陽氣更用十全大補湯八味丸以壯脾土滋化源多有復生者若專治其瘡復傷生氣吾未見其生者

閣老靳介菴脚指縫作癢出水腫焮脚面敷止癢之藥不應服除濕之藥益甚余以為陰虛濕熱下注用六味地黃丸補中益氣湯而愈○大叅李北溪左足赤腫作痛此足三陽經濕熱下注先用隔蒜灸與活命飲一劑其痛頓止災患處出水赤腫頓消次用托裏消毒散四劑災患處出膿而愈○一儒者患此腫硬色白兩月餘矣此足三陰虧損為外寒所侵也用大防風湯及十全大補湯兼服而消後塲屋不利飲食勞倦前證復作盜汗內熱飲食不化便滑肌瘦此脾土虛寒而命門火不能相生用八味丸益氣湯百餘劑喜其年壯得愈○一男子脚心發熱作渴引飲或用四物苓連知柏之類腹痛作嘔煩熱大渴此足三陰虧損前藥復傷脾胃也先用六君加炮姜數劑而脾胃醒再用補中益氣加茯苓半夏而脾胃健乃以加減八味丸兼服半載而愈○一儒者脚心發熱作痒以滾湯浸漬而出水肌体骨立作渴吐痰此脾腎虛而水泛為痰也服益氣湯六味丸九年餘元氣復而諸證愈俱薛按

足跟瘡六十七

立齋曰足跟乃督脉發源之所腎經所過之地若飲食失節起居失宜虧損足三陽經則成瘡矣○若漫腫寒熱体倦少食屬脾虛下陷也用補中益氣湯○若晡熱作痛頭目不清屬脾虛陰火也前湯並六味丸○若痰涎上升或口舌生瘡屬腎水乾涸也前湯並加減八味丸○凡此皆當滋其化源若治其外則誤矣俗云兔齒

蒼首蓋獸人披毛交卸根或蒼久而不斂必氣血滯盡而死若人脚跟患此亦終難愈因名兔齒也

一男子素不慎起居內熱飲作渴倦兩足發熱後足跟作痛或用清熱除濕之劑更加發腫又腫敗毒之藥燉赤痛甚復用清熱祛毒潰裂翻張狀如赤瘤熱痛如錐內熱晡熱此以足三陰虧損朝用十全大補湯夕用加減八味丸外敷當歸膏兩月餘而愈其服消毒等藥而死者不能枚舉○太尹陳汝鄰兩腿痠爽或赤或白足跟患腫或痛或癢後痛而或如無皮或如皸裂日晡至夜脹痛焮熱用補中益氣湯加八味丸料補其肝腎而愈○一男子患足跟瘡腫痛服消毒散搽追蝕藥虛證疊出形骨立自分必死余用十全大補湯兼山藥山茱萸兩月餘而愈○一婦人兩足發熱兩跟作痛日晡熱甚余以為肝腎血虛用加味道遙散六味地黃丸五十餘劑而愈○楊錦衣脚跟生瘡如豆許痛甚狀似傷寒以還少丹內寒散治之稍可次因納寵作痛反服攻毒致血氣虛弱腿膝痿弱而死蓋足跟乃二矯發源之處腎經所由之地若瘡口不合則躄氣不能發生腎氣由此而泄故為終身之疾况彼瘡先得於虛復不知戒雖大補氣血猶恐不及安可服暴悍攻毒之藥以戕賊之乎俱薛按

腎藏風瘡六十八

立齋曰腎藏風屬腎虛風邪乘於瞳脛以致皮膚如癬或漸延上腿久則延及遍身外證則癢癢成瘡膿水淋漓眼目昏花內證則口燥舌乾腰腿倦怠吐痰發熱盜汗倅疲治法用六味丸為主佐以四生散若脾胃虛弱者用補中益氣湯為主佐以六味丸四生散為善

欽天薛循齋年六十有一兩賺患之膿水淋漓發熱吐痰四年矣此腎藏風證也與六味丸四生散而瘡年餘復作延及遍身日晡益甚痰渴盜汗唇舌生瘡兩目昏赤皆腎經虛火而水泛為痰也用加減八味丸而愈三年後小便淋漓莖中澀痛此思色精不出而內敗也用前丸及補中益氣湯加麥門五味而愈薛按一凡腎囊濕癢抓破成瘡俗名腎上風也外治之法但以黃丹枯礬生牡蠣共為末搽擦即愈或以蛇床子同白礬煎湯洗之亦可

腫瘡六十九

立齋曰腫瘡生於兩脇初起赤腫久而腐潰或津淫搔癢破而膿水淋漓蓋因飲食起居虧損肝腎或因陰火下流外邪相搏而致外腫屬足三陽濕熱可治內腫屬足三陰虛熱難治○若初起惡寒壯熱焮腫作痛者屬濕熱用栝蘇散○若漫腫作痛或不腫不痛者屬陰虛用補陰八珍湯若膿水淋漓倦食少內熱口乾者屬脾虛用補中益氣湯加茯苓酒炒白芍藥○若午後熱或作痛頭目不清者屬陰火前湯加酒炒黑黃柏及六味地黃丸○若午後發熱至子時方止是血虛前湯加芍歸熟地○若鬱結傷脾而甚者用歸脾湯加柴胡山梔○若怒動肝火而甚者用補中益氣湯加川芎山梔黃芩○若內熱口乾肢倦倦怠或痰涎上升或口舌生瘡屬脾腎虛熱用六味地黃丸補中益氣湯○若患處黑黯肢體畏寒飲食少思屬脾腎虛敗用八味地黃丸若誤用攻伐復損胃氣絕其化源治亦難也

鴻臚程少溪兩脇生瘡漸至遍身發熱吐痰口燥咽乾盜汗心煩弱赤足熱日晡益甚形體日瘦此腎經虛火也用六味丸不一月諸證悉退三月元氣平復○陳湖陸懋誠素因陰虛過飲入房發熱腿痛因腫瘡用發表之劑兩腿腫黯熱氣如霧欲發瘰疬皆洪數兩尺尤大余曰屬三足陰虛酒濕所乘元氣損而邪益甚耳用十全大補加山藥山茱萸附子一劑瘰疬頓退却去附子又二劑全愈薛按

天泡瘡七十

天泡瘡形如水泡皮薄而澤或生頭面或生遍身乃太陰陽明風熱所致故見於皮毛肌肉之間宜清血涼血熱解則愈如兼表邪而發熱脈數者宜荊防敗毒散如火盛者或加芩連連翹金銀花元參之屬如焮腫疼痛脈數便結者此表裏俱實也宜防風通聖散雙解之如外多毒水以金黃散敷之無有不愈

赤白遊風七十一

赤白遊風為卑市氣虛寒理不密風熱相搏或寒閉裏里內熱弗覺或因虛火內動外邪所乘或汗火

血熱風熱所致治法若風熱用小柴胡湯加防風連翹○血熱用四物湯加柴胡山梔丹皮○風熱相搏用荆防敗毒散○內熱外寒用加味羌活湯○胃氣虛弱用補中益氣湯加羌活防風及消風散○血虛用加味道遙散○陰虛道遙散六味丸○肝腎虛熱用六味丸則火自息風自定痒自止若用祛風辛熱之劑則肝血愈燥風火愈熾元氣愈虛腠理不閉風客內淫腎氣受傷相火翕合血隨火耗反為難治矣

一男子秋間發疙瘩此元氣虛而外邪所侵也先用九味羌活湯二劑又用補中益氣加羌防而愈後不慎起居盜汗晡熱口乾唾痰倦懶言用補中益氣湯加減八味丸而愈○一婦人身如丹毒接破膿水淋漓熱渴頭暈日晡益甚用加味道遙散而愈○一女子赤暈如霞作癢發熱用加味小柴胡湯加生地連翹丹皮而愈俱詳按

翻花瘡七十二

立齋曰翻花瘡者由瘡瘍潰後肝火血燥生風所致或瘡口腐肉突出如菌大小不同或出如蛇頭長短不一治法當滋肝補氣外塗藜蘆膏腐肉自入須候元氣漸復膿毒將盡塗之有效不然雖入而復潰若誤用刀針蝕藥火炙其勢益甚或出血不止必至寒熱嘔吐等證須大補脾胃為善

判官張承恩內股患癰將愈翻出一肉如菌余曰此屬肝經風熱血燥當清肝熱養肝血彼為不然乃內用降火外用追蝕蝕而復翻翻而復蝕其肉益大元氣益虛始信余言遂內用梔子清肝散外用藜蘆膏而痊○一上舍素膏梁善怒耳下結一核從潰而瘡口翻張如菌焮連頭痛或胸脇作脹或內熱寒熱或用清熱消毒之藥年餘未瘥余用補中益氣湯六味地黃丸而尋愈○一男子背瘡斂如豆許翻出肉寸餘用消蝕割擊法屢去屢大此肝經血虛風熱余用加味道遙散三十餘劑塗藜蘆膏而消又用八珍湯倍用參芪當朮而斂○一婦人素善怒臂患癰瘡口出肉長二寸許此肝腎鬱怒氣血虛而風內動也用加味道遙散塗藜蘆膏而愈後因怒患處脹悶遍身汗出如雨此肝經風熱風能散氣故耳仍用前散並八珍湯而愈俱詳按

丹溪云漏瘡須先服補藥以生氣血即參芪歸朮芎大劑為主外以泡附子為末唾津和為餅如三錢厚安瘡上以艾炷灸之漏大艾炷亦大漏小艾炷亦小但灸令微熱不可令痛乾則易之如困則止來日如前再灸直至肉平為效亦有用附片灸之以補氣血藥作膏貼之

立齋曰痔屬肝脾腎三經凡陰精虧損者難治多成漏證若肺與大腸二經風熱濕熱者熱退自愈若不守禁忌者亦成漏證此因醉飽入房筋脉橫解精氣脫泄熱毒乘虛流注或淫極強固其精以致水乘火勢而侮金或灸燔厚味過多或勞傷元氣陰虛火熾皆成斯疾○若破而不愈即成漏矣有串臂者有串腸者有穢從瘡口而出者形雖不同治頗相似○其腸頭腫成塊者濕熱也作痛者風熱也大便燥結者火也潰而為膿者熱勝血也當各推其所因而治之○治法曰凡初起焮痛便秘小便不利者宜清熱涼血潤燥疎風○若氣血虛而為寒涼傷損者宜調養脾胃滋補陰精○大便秘澇或作痛者潤燥除濕○肛門墜痛者瀉火導濕○下墜腫痛而癢者祛風勝濕○小便澀滯腫痛者清肝導濕○其成漏者養元氣補陰精為主○大凡痔漏下血服涼血藥不應者必因中氣虛不能攝血非補中升陽之藥不能愈切忌寒涼之劑○亦有傷濕熱之食成腸癖而下膿血者宜苦寒之劑內疎之○脉弦絕澀者難治滑大柔和者易治○經云因而飽食筋脉橫解腸癖為痔其屬肝脾腎也明矣若有患痔而兼疝患疝而兼下疳皆屬肝腎不足之變證但用地黃丸益氣湯以滋化源為善若專服寒涼治火者無不致禍○一男子患痔成漏每登廁則痛以秦艽防風湯加條芩枳壳四劑而愈以四物加升麻苓連荊防不復作○一男子患痔漏每登廁則痛以秦艽防風湯加條芩枳壳防風湯數劑少愈乃去大黃加黃芪川芎芍藥而痛止更以補中益氣湯二十餘劑後再不脫○一儒者膿血淋漓口乾作渴晡熱便血自汗盜汗余謂此肝腎陰虛也不信仍服四物苓連知柏之類食少瀉嘔余先用補

晨去後不寔食少倦口乾作渴小腹重墜余用補中益氣湯而下墜頓止用四神丸而食遂便寔用地黃丸而瘡尋愈俱薛按

一男子臟毒下血服涼藥敗毒藥不惟不能止且飲食日減肢體愈倦脉數而濇先以補中益氣湯數劑少止更以六君子湯加升麻炮姜四劑而止乃去炮姜加芎歸月愈脾胃亦愈嘗治積熱成風下血者先以敗毒散散之胃寒氣弱者用四君子湯或參苓白朮散補之並效○一男子臟毒下血脾氣素弱用六君子湯加芎歸枳壳地榆槐花治之而愈後因謀事血復下諸藥不應余思慮傷脾所致遂投以歸脾湯四劑而瘡大抵此證所致之由不一當究其因而治之丹溪云芎歸湯一劑乃調血之上品熱加赤茯苓槐花冷加白茯苓木香此則自根自本之論也雖然血氣出於穀氣故大腸下血以胃約收功宜四君子湯或參苓白朮散以枳壳散小烏沈湯和之胃氣一回血自循經絡矣○凡腸風者邪氣外入隨感隨見藏毒者蘊積毒久而始見○又云人惟坐卧風濕醉飽房勞生冷停寒酒麵積熱以致營血失道滲入大腸此腸風藏毒之所由作也挾熱下血者清而色鮮挾冷下血者濁而色黯清則為腸風濁則為藏毒先便而後血者其來遠先血而後便者其來近治法大要先當解散脾胃風邪熱則敗毒散冷則不換金正氣散加川芎當歸後隨其冷熱治之○一婦人素患痔漏每因熱則下血數滴以四物湯加黃連治之即愈後為大勞瘡發腫痛經水不止脉洪大無力此勞傷血氣火動而然也用八珍湯加苓連蒲黃二劑而止後去蒲黃苓連加地骨皮數劑而安丹溪曰婦人崩中者由藏府損傷衝任二脉血氣俱虛故也若勞動過極藏府俱傷以致衝任氣虛不能約制經血故忽然而下謂之崩中暴下治宜大補氣血之藥舉養脾胃微加鎮墜心火之劑以治其心補陰瀉陽經自正矣俱薛按

一論外通用方

枯痔水登膏外二百

能瞻膏外二七

如神千金方外二

水銀養子膏外二六

三品錠子外二

蝸牛膏外二八

羊瞻膏外二

張氏醫全書 卷四十七
一方 凡痔瘡初起痛癢不止以舊布鞋底烘熱頻頻敷之冷則再烘再敷其痛癢則止

一灸法 命門灸七壯治五種痔漏○長強灸隨年壯治五痔便血最效 一法 治痔疾大如胡瓜貫於腸

頭發則疼痛僵仆先以荊芥湯洗之次以艾灸其上三五壯若覺一道熱氣貫入腸中必大瀉鮮血穢血一時

許覺痛甚後其疾乃愈

跌打損傷七十四

凡跌打損傷或從高墜下惡血流於內不分何經之傷皆肝之所主蓋肝主血也故凡敗血凝滯從其所屬而

必歸於肝多在脇肋小腹者皆肝經之道也若其壅腫痛甚或發熱自汗當皆酌其虛寔而以調血行經之藥

治之

一脉法如內經曰肝脉搏堅而長色不青當病墮若搏因血在脇下令人嘔逆○金匱云寸口脉浮微而瀦然

當亡血若汗出設不汗出者當身有瘡被刀斧所傷亡血故也○脉經云金瘡出血太多其脉虛細沈小者生

浮數實大者死○欬刺出血不止其脉來大者七日死滑細者生○從高顛仆內有瘀血腹脹脉堅強者生小

弱者死○破傷有瘀血在內者脉堅強寔則生虛小弱則死○若血亡過多者脉細小則生浮大數寔則死皆

為脉病不相應故也○一治法凡胸滿脇脹者宜行血○老弱者宜行血活血○腹痛者宜下血○瘀肉不潰

或潰而不斂者宜大補氣血○若打撲墜墮稍輕別無瘀血等證而疼痛不止者惟和氣血調經脉其痛自止

更以養氣血健脾胃則無有不效○亦有痛傷胃氣作嘔或不飲食者以四君子湯加當歸砂仁之類調之○

若有瘀血不先消散而加補劑則成寔寔之禍設無瘀血而妄行攻利則致虛虛之禍故凡治此證須察所患

輕重有無瘀血及元氣虛寔不可概行攻下致成敗證蓋打撲墜墮皮肉不破肚腹作痛者必有瘀血在內宜

以復元活血湯攻之老弱者四物湯加紅花桃仁川山甲補而行之若血去多而煩躁此血虛也名曰亡血宜

補其血如不應當以獨參湯補之○一凡員寡不問老弱及有無瘀血專責其宜服熱童更以酒佐之惟陳致

其功甚大若服或作痛或發熱煩躁口乾喜冷惟飲熱童便一盞勝服他藥他藥雖亦可取效但有無病血恐不能盡識反致誤人惟童便不動藏府不傷氣血萬無一失嘗詢之諸營操軍常有墜馬傷者何以愈之俱對曰惟服熱童便即愈此其屢試之驗亦明矣然惟胃虛作嘔及中寒泄瀉者不可服○大凡腫痛或傷損者以葱搗爛炒熱覆之或用生姜葱白同搗爛和麵炒熱覆之尤妙或用生姜陳酒糟同搗爛炒熱覆之亦可○外治損傷諸方如秘傳正骨丹沒藥降聖丹當歸道滯散黑丸子本事接骨方十味沒藥丸洗損傷等十餘方俱有妙用所當詳察

立齋曰予於壬申年被重車輓傷悶督良久復蘇胸滿如築氣息不通隨飲熱童便一碗胸寬氣利惟小腹作痛吾鄉銀臺徐東濠先生與復元活血湯一劑便血數升腫痛悉退更服養血氣藥而痊○戊辰年公事居庸見覆車被傷者七八人仆地呻吟一人未蘇予俱令以熱童便灌之皆得無事

杖瘡 七十五

杖瘡一證凡其甚者必以瘀血為患血瘀在外者淺則砭之深則刺之內潰者開之腐肉者取之瘀血在內者宜以活血流氣之藥和之甚者利之行之此治血凝之法也然其受刑之時號叫則傷氣忍痛則傷血悲憤則傷志血氣情志俱傷虛所必致若不培補則羸困日甚矣况脾主肌肉脾氣受傷則飲食必減血脉損壞則肌肉俱病故凡既傷之後但察其虛多滯少者則宜以參芪歸朮熟地甘草之屬專理脾氣以托氣血脾健則元氣日復肌肉自生可保無虞矣其有傷筋骨而作痛者宜沒藥降生丹治之若牙關緊急或腰背反張者以玉真散治之並效總之此證宜先察其有瘀無瘀及形氣虛實酌而治之凡諸變證治法有未盡者宜與前跌打損傷條互參通用○外杖瘡四方見外科方中

文刑部用晦伏 闕諫南巡受杖瘀血已散壞肉不潰用托裏之藥稍潰而膿清此氣血虛也非大劑參芪不能補文君亦善醫以為恐腹滿予強之而飲食少思遂加大補劑飲食日進肉潰膿稠而愈○又治江翰林諸

公與文同事者九人皆先散其瘀血漸用排膿托裏之藥俱愈○夏鳳北京人因杖瘡醫勝通潰膿未出時發昏憤此膿毒內作而然也急與開之昏憤愈甚此虛也以八珍湯一服少可數服死肉自腐頓取之令用猪蹄湯洗淨以神效當歸膏塗貼再以十全大補湯兩月而愈若更投破血之劑則危矣薛按

破傷風 七十六

病機云破傷風者有因卒暴傷損風寒襲之傳播經絡致使寒熱更作身體反張口噤不開甚者邪氣入臟○有因諸瘡不瘥營衛俱虛肌肉不生瘡眼不合邪亦能外入於瘡為破傷風之候○有諸瘡不瘥舉世皆言者災為上是為熱瘡而不知火熱客毒遂經為變不可勝數微則發熱甚則生風而搐或角弓反張口噤目斜○亦有破傷不災而病此者因瘡者白痂瘡口閉塞氣難通泄故陽熱易為鬱結熱甚則生風也

徐用誠曰此論所因有三一者因瘡口入風似屬外因一者因災生熱似屬不內外因一者因瘡口閉塞內熱生風似屬內因也○又云破傷風證古方論甚少豈非以此疾與中風同論故不另立條目也惟河間論與傷寒表裏中三法同治其言病因有因外傷於風者有因災者有因內熱所作者然與中風相似也但中風之人尚可淹延歲月而破傷風者犯之多至不救蓋中風有在經在腑在臟之異獨入臟者最難治破傷風或始而出血過多或瘡早閉合瘀血停滯俱是陰虛受病乃五臟之所主故此風所傷始雖在表即隨必傳入臟故多死也此病或因瘡口坦露或因瘡口閉密皆能為之若病已十分安全而忽有此大抵皆由內氣虛而有鬱熱者乃得之若內氣壯寔而無鬱熱者雖害而無所害也

立齋曰大法破傷中風風熱燥甚佛鬱在表而裏氣尚平者必善伸數欠筋脉拘急時或惡寒或筋惕而播脉浮數而弦皆表證也宜以辛熱治風之藥開散結滯是與傷寒表熱佛鬱而以升麻湯辛熱發散者同也然凡用辛熱開其風熱結滯者宜以寒藥佐之則免其藥雖中病而風熱轉甚也如治傷寒發熱用麻黃桂枝而加

之意也○若裏熱已甚而舌強口噤項背反張驚搐惕搦涎唾稠粘胸腹滿塞或便溺閉結或時汗出脉洪數而弦然出汗者由風熱甚於裏而表邪已罷滕理疎泄心火內盛故汗出也法宜除風散結以寒藥下之後用退風熱開鬱滯之寒藥調之熱退結散則風自愈矣○凡治此者亦宜用按摩導引之法及以藥斡開牙關勿令口噤使粥藥得下也

一婦人臂癱將愈患破傷風發熱搐搦脉浮數予以當歸地黃湯治之彼不信乃服敗毒發散藥果甚始信而服之數劑而痊○一男子背瘡未痊做以膏藥剪孔貼之患破傷風證而殁此先失於內補外邪襲其虛耳余見此證貼膏藥剪孔欲其通氣而反患破傷風搥斂藥生肌欲其收口而反助餘毒以致殁者多矣可不慎哉
薛按

一破傷風通用方

菴酒外二

羌活湯外二

養血當歸地黃湯外二

類破傷風七十七

防風湯外二

白朮防風湯外二

蜈蚣散外二

玉真散外二

大芎黃湯外二

敷藥外二

立齋曰大凡癰疽潰後筋糜肉爛膿血大泄陽隨陰散或筋脉拘急惡寒惕搦甚者舌強口噤項背反張痰涎壅盛便閉汗出不時發熱此氣血俱虛而變見若此雖與破傷風相類而主治之法但當大補血氣若果有風證亦須以大補氣血為主而兼以治風之藥設若不審是非而妄藥之則誤矣

司徒邊華泉肩患癱而發熱自直或矐殊類中風日晡熱甚脉益數此足三陰氣血虧損虛火妄動也用參芪歸朮炙甘草加酒炒黑黃柏五味子麥冬肉桂四劑而愈又數劑而斂○一儒者患腿癱深蓄於內肉色不變

久不穿潰針出膿瘰五碗許惡證駢臻全類中風此脾胃虛而變證也用六君子湯加當歸炮姜及聖愈湯各四劑而安又勞心不寐用歸脾湯而愈按

斑疹丹毒七十八

斑疹一證雖已有正門詳載然彼以小兒麻疹為言其有非麻疹而無論大人小兒忽患斑疹小瘡者此雖與彼相類而寔有小異也是亦不可不辨而治之蓋多由風熱外感之證耳治此之法脉浮而身熱有表證者惟散風邪為主脉浮而數者祛風兼清熱脉沈滑而無表證者清火為主脉浮沉俱滑數而表裏兼見者宜表裏雙解之然惟小兒多有此證須察其表裏虛寔酌而治之可也總之小兒脆弱宜安裏之藥多攻發之藥少秘則微泄之結則微導之但令邪氣不壅而散之則證輕而兒自安矣大抵身温煖者順身涼者逆

王海藏曰前人云首尾俱不可下者何也曰首不可下者為斑未見於表下則邪氣不得伸越此脉證有表而無裏故禁首不可下也尾不可下者為斑毒已顯於外內無根蒂大便不秘不無一切裏證下之則斑氣陷逆故禁尾不可下也

潔古曰斑疹之病其為證各異發焮腫於外者屬少陽三焦相火也謂之斑小紅靨行皮膚之中不出者屬少陰君火也謂之疹凡見斑證若自吐瀉者多吉慎勿亂治謂邪氣上下俱出也若斑疹並出者其邪必甚小兒難勝是以多生別證也然首尾皆不可下

立齋曰凡小兒丹毒遍身俱赤不從砭治以致毒氣入腹則不救蓋此證乃惡毒熱血蘊蓄於命門遇相火而合起也如霞片者須砭去惡血為善如腫起赤色遊走不定者宜先以生麻油塗患處砭之以泄其毒凡從四肢起入腹者不治雖云丹有數種治有數法無如砭之為善常見患稍重者不用砭法俱不救○一婦人患斑作癢脉浮以消風散四劑而愈○一婦人患斑作癢脉浮數以人參敗毒散二劑少愈更以消風散四劑而安○一男子患斑色赤紫焮痛發熱喜冷脉沉寔以防風透聖散一劑頓退又以荆防敗毒散加荅連四劑而愈

○一老人患疹色微赤作癘發熱以人參散毒散二劑少愈以補中益氣湯加黃芩山梔而愈○一小兒患疹發熱作痛煩渴欲以清涼飲下之診其脉不實舉指不數此邪在經絡也不可下遂以解毒防風湯二劑而愈此證小兒多患之須詳審在表在裏及邪之微甚而治之○一兒作癘發熱以犀角散一劑作吐瀉此邪氣上下俱出也毒必自解少頃吐瀉俱止其疹果消吐瀉後脉見七至此小兒和平之脉也邪已盡矣不須治果愈俱薛

按薛 一男子患丹毒焮痛便秘脉數而寔服防風通聖散不應令砭患處去惡血仍用前藥而愈○一小兒腿患丹如霞遊走不定先以麻油塗患處砭出惡血毒即漸散更以神功托裏散一劑而安○一小兒患丹毒外勢雖輕內則大便不利此患在藏也服大連翹飲散神功散而瘥○一小兒遍身皆赤砭之投解毒藥而愈

○嘗治小兒丹毒便秘或煩躁者服五福化毒丹亦效 俱薛按

一白虎丹方治在外科方二九二

癰癤 七十九

立齋曰內經云肝主筋而藏血心裏血而主脉脾統血而主肉肺司腠理而主氣腎統骨而主水○若怒動肝火血涸而筋攣者自筋腫起按之如筋久而或有赤縷名曰筋瘤若勞役火動陰血沸騰外邪所搏而為腫者自肌肉腫起久而有赤縷或皮俱赤者名曰血瘤若鬱結傷脾肌肉消薄外邪所搏而為腫者自肌肉腫起按之實軟名曰肉瘤若勞傷肺氣腠理不密外邪所搏而墜腫者自皮膚腫起按之浮軟名曰氣瘤若勞傷腎水不能榮骨而為腫者自骨腫起按之堅硬名曰骨瘤夫瘤者留也隨氣凝滯皆因藏府受傷氣血乖違當求其屬而治其本○大凡屬肝胆二經結核宜八珍加山梔胆草以養氣血清肝火六味丸以養肺金生腎水○若屬肝火血燥須生血涼血用四物二地丹皮酒炒黑胆草山梔○若中氣虛者補中益氣湯兼服之○若治失其法脾胃虧損營氣虛弱不能濡於患處或寒氣凝於瘡口營氣不能滋養於患處以致久不生肌而成漏者悉宜調補脾氣則氣血壯而肌肉自生矣若不慎飲食起居及七情六慾或用寒涼蝕藥蛛絲纏光花線等法

以治其外則誤矣

張氏景岳全書 卷四十一

二十五

按癰贅一證如前薛論已盡其略然此五瘤之外又惟粉瘤為最多蓋此以腠理津沫偶有所滯聚而不散則漸以成癰是亦粉刺之屬但有淺深耳深者在皮裏則漸大成癰也余嘗聞之先輩曰癰贅既大最畏其破非成膿者必不可開開則牽連諸經漏竭血氣最難收拾無一可活及詳考薛按所載數人凡其潰破者皆至不治誠信然也不可不知○核紀子於三旬之外忽於臂下肛門前骨際皮裏生一小粒初如菘豆許不以為意及半年而如黃豆矣又一年而如皂子復如栗矣此時乘馬坐椅皆有所碍而漸至痛矣然料此非敷藥可散又非煎藥可及使其日漸長大則如升如斗懸掛腰股間行動不便豈不竟成廢物乎抱憂殊甚謀之識者皆言不可割刺恐為禍不小予熟籌數月莫敢妄動然竊計此時乘小不取則日後愈大愈難矣將奈之何嘗見人臂股間受箭傷者未必即死此之利害不過如是遂決意去之一日飲酒微醺乘醉以柳葉針刺之所出者皆如豆腐白皮之屬蓋即粉瘤也刺後頓消予甚快然及兩日後則腫如熟癰予以會通膏貼三日膿潰而愈予又快然不兩日又腫起更熱更大予則大懼大悔謂癰贅誠不可刺也然而無奈復以會通膏貼之又三日而大潰則潰出一囊如魚胞者然後收口全愈今愈後數十年此間仍有一小竅誠險證也向非予之勇決則此後不知作何狀使開之再遲則真不可收拾矣是以病不早治則不知所終此亦可為治病者之鑑新按一刺灸法向一人於眼皮下弦生一小瘤初如米粒漸大如豆其人疑畏求治於外科彼用攢針三四枚翻轉眼皮刺其內膜少少出血如此二三次其瘤日縮竟得盡消○又一人於手臂上生一瘤漸大如龍眼其人用小艾於瘤上灸七壯竟爾漸消不長亦善法也或用隔蒜灸之亦無不可○一凡於不便處有生此物者當以此二法酌宜用之大都筋病宜灸血病宜刺或有以蘿蔔子南星朴硝之類敷而治者亦可暫消若欲拔根無如前法○一蛛絲纏法可治癰贅未甚大者其法最妙予嘗見一人於腹上生一瘤其大如胡桃一治者取蛛絲然成粗線纏其根數日其絲漸緊瘤根漸細屢易屢縮不十日竟爾脫落誠奇法也可見諸線日鬆惟蛛

薛氏按曰一男子左腿外側近臀腫一塊上有赤縷三年矣飲食起居如常觸破湧出膿血發熱惡寒此膽經

受證故發於腿外側診其脉左尺洪數左關弦洪此腎水不能生肝木用補中益氣湯六味地黃丸而痊○一男子小腹患之膿水淋漓此足三陰之證用補中益氣加麥門五味以培脾土用六味地黃丸以生腎水更用蘆薈丸以清肝火而斂○一老儒眉間患之三年其狀如紫桃下墜蓋目按之如水囊此肝脾之證膿瘀內潰而然耳遂刺出血膿目即開以炒黑膽草山梔芎歸芍藥柴胡白朮茯苓等證而愈

疣八十

立齋曰疣屬肝膽經風熱血燥或怒動肝火或肝客淫氣所致蓋肝熱水涸腎氣不榮故精亡而筋孿也宜以地黃丸滋腎水以生肝血為善若用蛛絲纏螳螂蝕著艾炙必致多誤大抵此證與血燥結核相同故外用腐蝕等法內服燥血消毒則精血愈虛肝筋受傷瘡口翻突開張卒成敗證

府庠朱宏仁年二十右手背近中指患五疣中一大者如黃豆餘皆如聚黍拔之如絲長三四寸許此血燥筋縮也用清肝益榮湯五十餘劑而愈○府庠沈樞文幼嚙指甲及長不能自禁余曰此肝火血燥也又頸側常生小疣子屢散屢發又臂生一塊如菜豆大若蠟碎則如斷束縷扯之則長縱之則縮後兩鬢發白點求治余曰子素肝病此部亦屬肝胆經也夫爪為筋之餘胆行人身之側正與嚙爪生疥等證相應須滋補腎水以生肝膽則諸病自愈矣乃與六味地黃丸服之二年白點自退疣亦不生○一男子小腹中一塊不時攻痛或用行氣化痰等藥不應猶以為血瘀服行氣逐血之劑後手背結一疥子漸長寸許形如蠶狀肢體間如豆大者甚多彼疑蠶生子今發於外亦用行血虛證悉至左尺洪數關脉洪數而弦余以為腎水不能生肝木以致肝火血燥而筋孿用六味地黃丸生腎水滋肝血三月餘諸證悉愈○一婦人左手背並次指患五六枚如熟棗內熱晡熱月經素不及期余曰此因肝脾血虛而有熱也當調補二經使陰血生而諸證自愈不信乃用艾炙

手即腫脹發熱手指皆攣兩脇項及胸乳間皆患疣經行無期余用加味道遙散少加炒黑黃連數劑漸愈乃去黃連更佐以歸脾湯各患漸愈又百餘劑經行如期再用地黃丸三料而痊俱薛按

論列方 外科下

四物湯 補八
八正散 寒百
三氣飲 新熱
六味丸 補一七
理中湯 熱一
還少丹 補一
內塞散 外三
玉露散 補八
寧肺湯 補六
射干湯 外六
栝蘇散 外八
通關散 因八
必效散 外七
會膿散 外七
草薺湯 外百
導水丸 攻一

八珍湯 補十
五積散 散三
十宣散 散十
四神丸 熱二
歸脾湯 補三
右歸丸 新補
保陰煎 新寒
托裏散 外三
連翹湯 外五
消風散 散四
搜風湯 未八
奪命丹 外七
枳殼散 寒百
桃仁湯 外九
槐花酒 外百
蠟卷丸 外七

一陰煎 新補
五苓散 和八
四七湯 和九
二神丸 熱五
生脈散 補五
芎歸湯 痘十
聖愈湯 補九
排膿散 外六
桔梗湯 外六
漏蘆湯 外九
涼膈散 攻九
通氣散 外八
承氣湯 攻一
槐花蕊 新因
苦參丸 外八
當歸丸 外百

四順散 外四
四生散 外七
五寶丹 外五
八味丸 補二
大陰煎 新補
坎離丸 寒五
托裏黃芪湯 外八
寧肺散 固六
犀角散 痘六
化毒丹 外七
回生丹 外七
大黃湯 外七
清涼飲 外九
牡蠣散 外八
滋腎丸 外二
黑丸子 外三

茯苓膏百外
 小柴胡湯散九
 大秦朮湯和四
 瓜仁湯外六
 五加皮飲百外
 人參敗毒散散六
 荆防敗毒散散六
 參朮補脾湯散九
 九味異功煎散九
 加味地黃丸丸九
 加減八味丸丸八
 內托羌活湯湯二
 清肝益營湯湯三
 龍膽瀉肝湯湯三
 升麻黃連湯湯九
 梔子清肝湯湯十
 柴胡清肝散散九
 白芷胃風湯湯四
 解毒防風湯湯三

四君子湯補一
 小青龍湯散八
 大蘆薈丸丸十
 薏苡仁湯湯六
 製甘草湯湯八
 神功托裏散散外
 參芪補肺湯湯十
 人參養營湯湯一
 加味歸脾湯湯四
 當歸川芎湯湯外
 益氣養營湯湯一
 補陰八珍湯湯二
 復元活血湯湯四
 加味龍膽瀉肝湯湯十
 連翹歸尾煎煎新
 芩連消毒飲飲寒
 清心蓮子飲飲寒
 內疎黃連湯湯三
 秦朮防風湯湯二

六君子湯補五
 大防風湯補九
 牡丹皮湯湯六
 紫苑茸湯湯外
 金銀花散散外
 補中益氣湯湯一
 內補黃芪湯湯外
 人參平肺散散七
 當歸補血湯湯五
 加味道遙散散四
 托裏當歸湯湯外
 加味羌活湯湯三
 當歸拈痛湯湯寒
 黃連解毒湯湯寒
 連翹消毒散散外
 五香連翹湯湯一
 黃連消毒散散外
 犀角地黃湯湯六
 神效瓜蔓散散八

仙遺糧湯湯九
 小烏沉湯湯和
 牡丹皮散散外
 梔子仁湯湯外
 仙方活命飲飲外
 十全大補湯湯十
 參苓白朮散散五
 參芪內托散散七
 加味四物湯湯補
 附子八物湯湯外
 托裏消毒散散外
 九味羌活湯湯散
 芍藥蒺藜煎煎新
 普濟消毒飲飲寒
 蠲痺消毒散散外
 換肌消毒散散百
 葛根牛蒡湯湯外
 犀角升麻湯湯外
 獨活寄生湯湯七

外科餘下

防風通聖散 攻六十七
 飛龍奪命丹 八外七
 瘡科流氣飲 五外五
 不換金正氣散 一和二
 祕傳正骨丹 三外二二
 洗損傷方 九外二
 水香餅 十外八
 百草煎 三新七
 神功散 三外四
 冲和膏 三外八
 琥珀膏 一外七
 藜蘆膏 四外八
 本草正目錄大集

卷四十八

山草部

人參

肉從蓉

沙參

土貝母

當歸導滯散 三外九
 方脉流氣飲 四外五
 加減小續命湯 二外五
 十味沒藥丸 三外二
 揚梅瘰癧方 六外二
 杖瘡四方 二外六
 桑枝炙 二外五
 葱敷法 二外一
 金黃散 九外一
 太乙膏 百外八
 神異膏 百外三
 光花線 二外九

黃芪
 丹參
 玄參
 山慈姑
 白朮
 遠志
 茅根
 柴胡

五利大黃湯 九外八
 牛黃雙解散 百外九
 青州白丸子 十和百
 本事接骨方 三外二
 雄黃解毒散 二外四
 附子餅 十外六
 豬蹄湯 二外五
 鐵頭散 四外一
 如神散 七外四
 當歸膏 一外三
 會通膏 百外九
 祕傳水銀膏 五新七

蒼朮
 巴戟天
 淫羊藿
 桔梗
 甘草
 仙茅
 苦參
 防風

五福化毒丹 六外七
 遇仙無比丸 七外五
 沒藥降聖丹 三外二
 葶蘆大棗瀉肝湯 四和十
 廣瘡點藥 四新二
 豆豉餅 十外七
 騎竹馬法 十外四
 降瘰散 三新六
 蟪蝟散 三新八
 火龍膏 二外三
 烏金膏 四外二

黃精
 天麻
 貝母
 細辛

羌活
白朮
黃連
濕草部
獨活
三七
胡黃連
升麻
白鮮皮
前胡
秦光
龍膽草
延胡索
地榆
紫草
黃芩

地黄
白蒺藜
益母草
夏枯草
蒼耳子
連翹
瞿麥
紅花
牛膝
麥門冬
續斷
甘菊花
青蒿
鼠粘子
劉寄奴
木賊
王不留行
海金沙

蔓草部
三棱
鬱金
紫蘇
草葉
當歸
芳草部
燈心草
艾
蒼耳子
佛耳草
烟
藍靛
漏蘆
旋覆花
茵陳
紫苑
茵陳
青蒿
鼠粘子
劉寄奴
木賊
王不留行
海金沙

天門冬
兔絲子
五味子
何首烏
瓜蒌仁
天花粉

川芎
破故紙
薄荷
蘆黃
蓬朮
芍藥
木香
荊芥
澤蘭
蛇牀子
丹皮
藿香
白芷
薑本
香附
香需
萆薢
肉豆蔻
砂仁
良薑

蔓草部
三棱
鬱金
紫蘇
草葉
當歸
芳草部
燈心草
艾
蒼耳子
佛耳草
烟
藍靛
漏蘆
旋覆花
茵陳
紫苑
茵陳
青蒿
鼠粘子
劉寄奴
木賊
王不留行
海金沙

蔓草部
三棱
鬱金
紫蘇
草葉
當歸
芳草部
燈心草
艾
蒼耳子
佛耳草
烟
藍靛
漏蘆
旋覆花
茵陳
紫苑
茵陳
青蒿
鼠粘子
劉寄奴
木賊
王不留行
海金沙

蔓草部
三棱
鬱金
紫蘇
草葉
當歸
芳草部
燈心草
艾
蒼耳子
佛耳草
烟
藍靛
漏蘆
旋覆花
茵陳
紫苑
茵陳
青蒿
鼠粘子
劉寄奴
木賊
王不留行
海金沙

蔓草部
三棱
鬱金
紫蘇
草葉
當歸
芳草部
燈心草
艾
蒼耳子
佛耳草
烟
藍靛
漏蘆
旋覆花
茵陳
紫苑
茵陳
青蒿
鼠粘子
劉寄奴
木賊
王不留行
海金沙

本草正目錄

金銀花

防已

青水香

毒草部

附子

膽星

鳳仙花

卷四十九

水石草部

石斛

竹木部

竹瀝

白檀香

棗仁

金榆子

五加皮

郁李仁

蜜蒙花

猪苓

葛根

草薺

白斂

白附子

射干

蓖麻子

菖蒲

淡竹葉

沉香

杜仲

槐蕊

川棟子

訶子

雷丸

桑寄生

茵草

鉤藤

木通

大黃

大戟

續隨子

蒲黃

天竹黃

枸杞

山茱萸

柏子仁

女貞子

側柏

大楓子

琥珀

土茯苓

山豆根

常山

甘遂

甘鼈子

澤瀉

官桂

地骨皮

川椒

枳實

黃檗

皂角

茯苓

乳香

使君子

威靈仙

半夏

芫花

海藻

丁香

厚朴

胡椒

蔓荊子

梔子

巴豆

茯神

沒藥

牽牛

馬兜鈴

天南星

玉簪

骨碎補

淡竹茹

烏藹

蘇木

枳殼

桑白皮

辛夷

蕪荑

松香

阿魏
蘇合油

樟腦
孩兒茶

龍腦

血竭

蘆薈

乾漆

穀部
麥芽

神麩

白藜豆

薏仁

綠豆

粟壳

麻仁

果部

艾實

檳榔

菜部

山藥

葱

金石部

金箔

靈砂

石脂

滑石

伐赭石

禽獸部

雞血

鴨血

虎骨

象牙

鹿角膠

鹿茸

烏梅

山楂

甜瓜蒂

陳皮
大腹皮

青皮
吳茱萸

乾薑

大茴香

小茴香

白芥子

蘿蔔子
蒲公英

水銀

輕粉

銅青

硃砂

銀硃

硫黃

雄黃

自然銅

黃丹

白礬

爐甘石

蓬砂

水粉

蜜陀僧

石膏

青礬石

朴硝

玄明粉

海石

花蕊石

礪砂

青鹽

石灰

犀角 羚羊角 牛黃 阿膠 熊膽 麝香

蟲魚部 龍骨 海螵蛸 牡蠣 穿山甲 青魚膽 白蛇花

真珠 龜板 鱘魚 蟾蜍 水蛭 鱉甲

蜈蚣 蟬脫 班蝥 蜂房 五靈脂 全蝎

文蛤 百藥煎 蝸牛 蚯蚓 桑螵蛸

人部 童便 紫河車 血餘 人中白

山草部 味甘微苦微溫氣味頗厚陽中微陰氣虛血虛俱能補陽氣虛竭者此能回之於無何有之

人參反藜蘆 陰血崩潰者此能障之於已决裂之後惟其氣壯而不辛所以能固氣惟其味甘而純正所以能補血故凡虛

而發熱虛而自汗虛而眩暈虛而困倦虛而驚懼虛而短氣虛而遺泄虛而濕利虛而頭疼虛而腹痛虛而飲

食不運虛而痰涎壅滯虛而嗽血吐血虛而淋瀝便閉虛而嘔逆躁煩虛而下血失氣等證是皆必不可缺者

第欲以氣血相較則人參氣味頗輕而屬陽者多所以得氣分者六得血分者四總之不失為氣分之藥而血

分之所不可缺者為未有氣不至而血能自至者也故扁鵲曰損其肺者益其氣須用人參以益之肺氣既王

餘藏之氣皆王矣所以人參之性多主於氣而凡藏府之有氣者皆能補之然其性溫故積溫亦能成熱若云

人參不熱則可云人參之性涼恐未必然雖東垣云人參黃芪為退火之聖藥丹溪云虛火可補參朮之類是

也此亦皆言虛火也而虛火二字最有關係若內真寒而外假熱者是為真虛火非虛火也

會稽 張介賓 會卿著

會稽 張介賓 會卿著

會稽 張介賓 會卿著

會稽 張介賓 會卿著

有一等元陰虛乏而邪火熾於表裏神魂躁動內外枯熱真正陰虛一證誰謂其非虛火者過用人參果能助熱若王節齋云陽旺則陰愈消及節要云陰虛火動者勿用又曰肺熱還傷肺等說固有此理亦不可謂其盡非而近之明哲如李月池輩皆極不然之恐亦未必然也夫虛火二字最當分其寔中有虛虛中有寔陽中有陰陰中有陽惟勿以成心而執已見斯可矣如必欲彼此是非是所謂面東方不見西牆皆未得其中也予請剖之曰如龍雷之火原屬虛火得水則燔得日則散是即假熱之火故補陽即消矣至若亢旱塵飛赤地千里得非陽亢陰虛而亦可以補陽生陰乎或必曰此正寔火也得寒則已予曰不然夫炎暑酷烈熱令大行此為實火非寒莫解而乾枯燥旱泉源斷流是為陰虛非水莫濟此寔火之與陰虛亦自判然可別是以陰虛而火不盛者自當用參為君若陰虛而火稍盛者但可用參為佐若陰虛而火大盛者則誠有暫忘人參而惟用純甘壯水之劑庶可收功一證不可不知也予非不善用人參者亦非畏用而不知人參之能補陰者蓋以天下之理原有對待謂之曰陰虛必當忌參固不可謂之曰陰虛必當用參亦不可要亦得其中和用其當而已矣觀者詳之

黃芪 二 味甘氣平氣味俱輕升多降少陽中微陰生者微涼可治癰疽蜜炙性溫能補虛損因其味輕故專於氣分而達表所以能補元陽充腠理治勞傷長肌肉氣虛而難汗者可發表疎而多汗者可止其所以止血崩血淋者以氣固而血自止也故曰血脫益氣其所以除瀉痢帶濁者以氣固而陷自除也故曰陷者舉之然其性味俱浮純於氣分故中滿氣滯者當酌用之

白朮 三 味甘辛氣溫氣味俱厚可升可降陽中有陰氣中有血其性溫燥故能益氣和中補陽生血煖胃消穀益津液長肌肉助精神寔脾胃止嘔逆補勞倦進食利小便除濕運痰消浮除脹治心腹冷痛胃虛下痢瘕癥癥瘕制以人乳欲潤其燥炒以壁土欲助其固佐以黃芩清熱安胎以其性溫壯氣故能止汗寔表而癰疽得之必反多膿奔豚遇之恐反增氣及上焦燥熱而氣多壅滯者皆宜酌用之然冬尤甘而柔潤夏尤苦而

燥烈此其功用大有不同不可不為深辨也若於飢時擇肥而甘者嚼而服之服之久久誠為延壽之物是實人所未知

蒼朮^四 味苦甘辛性溫而燥氣味俱厚可升可降陽也用此者用其溫散燥濕其性溫散故能發汗寬中調胃進食去心腹脹疼霍亂嘔吐解諸鬱結逐山嵐瘴疫散風頭眩疼消痰癖氣塊水腫脹滿其性燥濕故治冷痢冷泄滑瀉腸風寒濕諸瘡與黃柏同煎最逐下焦濕熱瘰癧若內熱陰虛表疎汗出者忌服然惟茅山者其質堅小其味甘醇補益功多大勝他朮

甘草^五 味甘氣平生涼炙溫可升可降善於解毒反甘遂海藻大戟芫花其味至甘得中和之性有調補之功故毒藥得之解其毒劇藥得之和其性表藥得之助其升下藥得之緩其速助參芪成氣虛之功人所知也助熱地瘴陰虛之危誰其曉焉祛邪熱堅筋骨健脾胃長肌肉隨氣藥入氣隨血藥入血無往不可故稱國老惟中滿者勿加恐其作脹速下者勿入恐其緩功不可不知也

黃精^六 一名救窮草 味甘微辛性溫能補中氣氣安五臟療五勞七傷助筋骨益脾胃潤心肺填精髓耐寒暑下三蟲久服延年不飢髮白更黑齒落更生張華博物志言天老曰太陽之草名黃精食之可以長生太陰之草名鈎吻不可食之入口立死此但以黃精鈎吻對言喜惡原非謂其相似也而陶弘景謂黃精之葉與鈎吻相似誤服之害人蘇恭曰黃精葉似柳鈎吻蔓生葉如柿葉殊非比類陳藏器曰鈎吻乃野葛之別名二物全不相似不知陶公憑何說此是可見黃精之內本無鈎吻不必疑也

肉從蓉^七 味甘鹹微辛酸氣微溫味重陰也降也其性滑其味重而甘溫故助相火補精興陽益子嗣治

女人血虛不孕煖腰膝堅筋骨除下焦寒痛以其補陰助陽故禁虛寒遺瀝泄精止血崩尿血以其性滑故可除莖中寒熱澀痛但驟服反動大便若虛不可攻而大便閉結不通者洗淡暫用三四錢一劑即通神效

丹參^八 味微苦微甘微澀性微涼無毒反藜蘆能養血活血生新血行宿血故能安生胎落死胎血崩帶下

可止經脈不勻可調此心脾肝腎血分之藥所以亦能養陰定志益氣解煩癢眼疼脚痺通利關節及惡瘡疥癬赤眼丹毒排膿止痛長肉生肌

遠志九 味微苦微辛氣溫陽也升也製以甘草湯浸一宿晒乾炒用功專心腎故可鎮心止驚辟邪安夢壯

陽益精強志助力以其氣升故同人參甘草廉仁極能舉陷攝精交接水火但可為佐用不宜多神氣上虛者所宜痰火上實者當避

巴戟天十 味甘微溫陰中陽也雖曰足少陰腎經之約然亦能養心神安五臟補五勞益智氣助精強陰治

陰痿不起腰膝疼痛及夜夢鬼交遺精溺濁小腹陰中相引疼痛等證制宜酒浸去心微炒或滾水浸剝亦可

仙茅十一 味辛溫有小毒陽也能助神明強筋骨益肌膚培精血明目填骨髓開胃消食助益房事溫利

五藏補暖腰脚此西域婆羅門僧獻方於唐明皇服之有效久秘而後得傳按許真君書云仙茅久服可以長

生其味甘能養肉辛能養節若能養氣鹹能養骨滑能養膚酸能養筋宜和苦酒服之必效也然仙茅性熱性

陽弱精寒稟賦素怯者宜之若俸壯相火熾盛者服之大能動火不可不察凡制用之法於八九月採得用竹

刀刮去黑皮切如豆粒糯米泔浸兩宿去赤汁用酒拌蒸之從已至亥制之極熟自無毒矣然後曝乾搗篩熟

蜜丸桐子大每空心酒飲任下二三十九忌食牛乳及黑牛肉恐減藥力也若隨羣補藥中為丸服之無所不

可 天麻十二 一名定風草 一名赤箭 味辛平陰中有陽治風虛眩暈頭旋眼黑頭痛諸風濕痺四肢拘攣利腰膝強筋骨

安神志通血脈止驚恐恍惚殺鬼精蟲毒及小兒風癩驚氣然性懦力緩用須加倍或以別藥相佐然後見功

沙參十三 一名鈴兜草 反藜蘆 味微甘苦氣味俱輕性微寒能養肝氣治多眠除邪熱益五藏陰氣清肺涼肝滋養血

脈散風熱癢痒頭面腫痛排膿消腫長肌肉止驚煩除疔痛然性緩力微非堪大用易老云人參補五藏之陽

沙參補五藏之陰特以其甘涼而和補中清火反而言之故有是論若云對待人參則相去遠矣

玄參反藜蘆 味苦甘微鹹氣寒此物味苦而甘苦能清火甘能滋陰以其味甘故降性亦緩本草言其惟入

腎經而不知其尤走肺藏故能退無根浮游之火散周身痰結熱癰逐頸項咽喉痺毒瘰癧結核毆男女傳尸

煩躁骨蒸解溫瘧寒熱往來治傷寒熱班支滿亦療女人產乳餘疾或腸中血瘕熱癥并瘰癧傷痰嗽熱煩補

腎滋陰明目解渴

茅根即白茅 味甘涼性純美能補中益氣此良藥也善理血病凡吐血衄血瘀血血閉及婦人經水不調崩

中漏下且通五淋除客熱止煩渴堅筋骨療肺熱嘔逆喘急解酒毒及黃疸水腫久服大是益人若是癰疽癩

毒及諸毒諸瘡諸血或用根搗傳或用此煮汁調傳毒等約或以酒煮服無不可也茅有數種處處有之惟白

者為勝春生芽布地如針故曰茅針可以生噉甚益小兒功用亦同

淫羊藿十六 味甘氣辛性溫乃手足陽明少陰三焦命門藥也主陽虛陽痿莖中作痛化小水益精氣強志

意益筋骨煖下部一切冷風勞氣筋骨拘攣補腰膝壯真陰及年老昏耄中年健忘凡男子陽衰女子陰衰艱

於子嗣者皆宜服之服此之法或單用浸酒或兼佐丸散無不可者制法每擇淨一斤以羊脂四兩同炒油盡

用之

苦參十七 味苦性寒反藜蘆沉也陰也乃足少陰腎經之藥能祛積熱黃疸止夢遺帶濁清小便利水除癰

腫明目止淚平胃氣能令人嗜食利九竅除伏熱狂邪止渴醒酒療慈瘡斑疹疥癩殺疳虫及毒風煩躁眇眉

炒黃為末米飲調服治腸風下血熱痢

貝母十八 味苦氣平微寒氣味俱輕功力頗緩用須加倍善解肝藏鬱愁亦散心中逆氣祛肺痿肺癰痰

膿喘嗽研末為丸合醴最佳降胸中因熱結胸及乳癰流突結核若足生人而者瘡竟天由濁項文產難

肥衣不出研酒和吞亦余瘕疝喉痺

自母性經夏散寒自母清熱生味陰陽大有不同俗有代用者其誤甚

土貝母反為頭 味大苦性寒陰也降也乃手太陰少陽足陽明厥陰之藥大治肺癰肺痿效喘吐血衄血最

降痰氣善開鬱結止痛消脹滿清肝火明目除時氣煩熱黃疸淋閉便血瀉血解熱毒殺諸蟲及療喉痺

瘰癧乳癰發背一切癰瘍腫毒濕熱惡瘡痔漏金瘡出血火瘡疼痛為末可敷煎湯可服性味俱厚較之川貝

母清降之功不啻數倍

山慈姑一名金燈籠 味甘微辛有小毒治癰瘍疔腫瘡癰癰結核破皮攻毒俱宜醋磨敷之除黧斑剝人

面皮宜搗汁塗之并治諸毒蟲毒蛇蟲狂犬等傷或用酒調服或乾搽之亦治風痰癩疾以茶清研服取吐可

愈

柴胡二一 味苦微辛氣平微寒氣味俱輕升也陽中之陰用此者用其涼散平肝之熱入肝胆三焦心胞四

經其性涼故解寒熱往來肌表潮熱肝胆火炎胸脅痛結兼治瘡瘍血室受熱其性散故主傷寒邪熱未解溫

瘧熱或少陽頭痛肝經鬱證總之邪實者可用直虛者當酌其宜雖引清氣上升然升中有散中虛者不可散

虛熱者不可寒豈容誤哉兼之性滑善通大便凡瀉泄脾薄者當慎用之熱結不通者用佐當歸黃芩正所宜

也○愚謂柴胡之性善泄善散所以大能走汗大能泄氣斷非滋補之物凡病陰虛水虧而孤陽勞熱者不可

再損營氣蓋未有散而不泄營氣者未有動汗而不傷營血者營即陰也陰既虛矣尚可再損其陰否然則

用柴胡以治虛勞之熱者果亦何所取義耶觀寇宗奭衍義曰柴胡本經並無一字治勞今人治勞方中鮮有

不用者嗚呼凡此誤世甚多嘗原病勞之人有一種藏本虛損復受邪熱者當須斟酌用之如經驗方中治勞

青蒿煎之用柴胡正合宜耳若或無邪得此愈甚雖至死人亦不怨曰擊甚多曰華子又謂補五勞七傷約性

論亦謂治勞之蠱瘦若此等病尚無寔熱醫者執而用之不死何待注釋本草一字不可忽蓋萬世之後所誤

無窮可不謹哉觀此寇氏之說其意專在邪熱二字謂但察有邪無邪以決可用不可用此誠得理之見而復

有非之者抑又何也即在王海藏亦曰苟無實熱而用柴胡不死何待凡此所見略同用者不可不察

桔梗二二 味微辛氣微涼氣輕於味陽中有陰有小毒其性浮用此者用其載藥上升故有舟楫之

號入肺胆胸膈上焦載散藥表散寒邪載涼藥清咽疼喉痺亦治赤目腫痛戴肺藥解肺熱肺癰鼻塞腫腹效

嗽載痰藥能消痰止咳亦可寬胸下氣引大黃可使上升引青皮平肝止痛能解中惡蠱毒亦治驚癇怔忡若

欲專用降劑此物不宜同用

防風二三 味甘辛氣溫升也陽也用此者用其氣平散風雖脾胃經約然隨諸經之藥各經皆至氣味

俱輕故散風邪治一身之痛療風眼止冷淚風能勝濕故亦去濕除遍體濕瘡若隨寔表補氣諸藥亦能收汗

升舉陽氣止腸風下血崩漏然此風藥中之潤劑亦能走散上焦元氣誤服久服反能傷人

細辛二四 反藜蘆 味大辛氣溫氣味俱厚升也陽也有小毒用此者用其溫散善祛陰分之寒邪除陰經

之頭痛益肝溫胆利竅逐諸風濕痺風癩疥癩癢鼻鼾不聞香臭開闕通竅散風淚目疼口臭牙虫煎湯含漱過

服亦散真氣不可不知此味辛甚故能逐陰分之邪陰分且然陽分可知舊云少陰厥陰之藥然豈有辛甚而

不入陽分者但陽證忌熱用當審之

羌活二五 味微苦氣辛微溫升也陽也用此者用其散寒定痛能入諸經太陽為最散肌表之寒邪利周身

項脊之疼痛排太陽之癰疽除新舊之風濕緣非柔懦之物故能撥亂反正惟其氣雄大能散逐若正氣虛者

忌用之

獨活二六 味苦氣香性微涼升中有降善行滯氣故入腎與膀胱兩經專理下焦風濕兩足痛痺濕癢拘攣

或因風濕而齒痛頭眩喘逆奔豚疝瘕腰腹疼痛等證皆宜用之

升麻二七 味微苦氣平氣味俱輕浮而升陽也用此者用其升散提氣乃脾胃肺與大腸四經之藥善散陽

月經風寒肌表邪熱是元氣之下陷舉太陽之瀉泄除陽明瘟疫表邪解膚腠風熱斑疹引石膏除齒牙臭爛

脫肛陽虛下陷之類用佐補劑皆所宜也若上寔氣壅諸火炎上及太陽表證皆不宜用且其味苦氣散若血氣大虛及水火無根者並不可用

前胡 二 味苦氣寒降也陰中微陽去火痰寔熱開氣逆結滯轉筋霍亂除胸中痞滿氣喘嘔逆欬煩悶

治傷寒寒熱風熱頭疼解嬰兒疳熱

延胡索 二 味苦微辛氣微溫入肝脾二經善行滯氣破滯血血中氣藥故能止腹痛通經調月水淋滯心

氣痠痛破癥瘕跌撲凝瘀亦善落胎利小便及產後逆血上衝俱宜以酒煮服或用酒磨服亦可然性惟破氣

逐血必真有血逆氣者方可用若產後血虛或經血枯少不利氣虛作痛者皆大非所宜

紫草 三十 味苦性寒此手厥陰足厥陰血分之藥性寒而利能涼血滑血通利二便故痘疹家宜用之凡治

痘疹無論已出未出但血熱毒甚或紫或黑而大便秘結者宜用之若已出紅活不紫不黑而大便如常通利

者即不可用故曾世榮活幼心書云紫草性寒小兒脾氣寔者猶可用脾氣虛者反能作瀉又若古方惟用其

茸亦取其氣輕味薄而有清涼升發之功也此外可用以解黃疸消腫脹及一切斑疹惡瘡亦以其能利九竅

通水道去濕涼血而然也

白芨 三一 味苦澀性收斂微寒反烏頭能入肺止血療肺癰肺痿治癰疽敗爛惡瘡刀箭湯火損傷生肌止

痛俱可為末傅之凡吐血不能止者用白芨為末米飲調服即效

三七 三二 味甘氣溫及陽明厥陰血分之藥故善止血散血定痛凡金刃刀箭所傷及跌撲杖瘡血出不止

嚼爛塗之或為末摻之其血即止亦治吐血衄血下血血崩崩漏經水不止產後惡血不下俱宜自嚼或為末

米飲送下二三錢若治虎咬蛇傷等證俱可服可傅 葉之性用與根大同凡折傷跌撲出血傅之即止青腫

白蘇皮 三三

味苦寒性燥而降乃手足太陰陽明之藥解熱黃酒黃急首黃勞黃通關節九竅利血脈小

水治時行大熱飲水狂躁叫呼及婦人陰中腫痛小兒風熱驚癇尤治一切毒風風瘡疥癬赤爛楊梅瘡毒眉

髮脫落此雖善理瘡瘍而寔為諸黃風痺要藥

秦光 三四

味苦性沉寒沉中有浮手足陽明清火藥也治風寒濕痺利小水療通身風濕拘攣手足不遂清

黃疸解溫疫熱毒除口噤牙疼口瘡腸風下血及虛勞骨蒸發熱潮熱煩渴及婦人胎熱小兒疳熱瘦弱等證

地榆 三五

味苦微瀋性寒而降既清且瀋故能止血衄血清火明目治腸風血痢及婦人崩漏下血月經

不止帶濁痔漏產後陰氣散失亦做盜汗療熱痞除惡肉止瘡毒疼痛凡血熱者當用虛寒者不相宜也作膏

可貼金瘡搗汁可塗虎犬蛇蟲傷毒飲之亦可

黃芩 三六

味苦氣寒氣輕於味可升可降陰中微陽枯者善於入肺寔者善入大腸飲其上者酒炒飲其下

者生用枯者清上焦之火消痰利氣定喘嗽止失血退往來寒熱風熱濕熱頭痛解瘟疫清咽療肺痿肺癰乳

癰發背尤祛肌表之熱故治斑疹鼠瘻瘡瘍赤眼寔者涼下焦之熱能除赤痢熱蓄膀胱五淋澀痛大腸閉結

便血漏血胎因火盛不安酌佐砂仁白朮腹因火滯為痛可加黃連厚朴大腸無火滑泄者最當慎用

黃連 三七

味大苦氣大寒味厚氣薄沉也降也降中微升陰中微陽專治諸火火在上炒以酒火在下炒以

童便火而嘔者炒以姜汁火而伏者炒以鹽湯同吳茱萸炒可以止火痛同陳壁土炒可止熱瀉同枳寔用可

消火脹同天花粉用能解煩渴同木香丸和火滯下痢腹痛同吳茱萸丸治胃熱吐吞酸水總之其性大寒故

惟平肝涼血肅胃清腸涼胆止驚瀉瀉心除痞滿上可治吐血衄血下可治腸游便紅瘰婦人陰戶腫痛除小

兒食積熱疳殺虻蟲消惡瘰腫除濕熱鬱熱善治火眼亦消痔漏解烏附之熱殺巴豆之毒然其善瀉心脾

實火虛熱妄用必致格陽故寇宗奭曰虛而冷者慎勿輕用王海藏曰夏月久血痢不用黃連陰在內也○景

岳曰人之脾胃所以盛載萬物發生萬物本象地而屬土土煖則氣行而燥土寒則氣凝而濕土燥則寔土濕

弘景別錄中有調胃厚腸之一言而劉河間復證之曰諸苦寒藥多泄惟黃連黃檗性冷而燥因致後世視為奇見無不謂黃連性燥而厚腸胃凡治瀉痢者開手便是黃連不知黃連黃柏之燥於何見之呼嗚一言之謬流染若此難洗若此諄理感人莫此為甚雖曰黃連治痢亦有效者然必其素稟陽臟或多縱口腹濕熱為痢者乃其所宜且凡以縱肆不節而血氣正強者即或誤用未必殺人久之邪去亦必漸愈而歸功黃連何不可也此外則凡以元氣素弱傷脾患痢或本無火邪而寒濕痛脾者其病極多若妄用黃連則脾腎日敗百無一生凡患痢而死者率由此類可不寒心余為此言而人有未必信者多以苦燥二字有未明耳故余於傳忠錄辨河間條中復詳言苦味之理以俟衛生仁者再為贊正庶是非得明而民生有攸賴矣○道書言服黃連犯猪肉令人泄瀉

胡黃連

三八

味大苦大寒其性味功用大似黃連能涼肝明目治骨蒸勞熱三消吐血衄血五心煩熱瘵婦

人胎熱虛驚熱痢及小兒疳熱驚癩浸人乳點目甚良

知母

三九

味苦寒陰也其性沉中有浮浮則入手太陰手少陰沉則入足陽明足厥陰足少陰也故其在上

則能清肺止渴却頭痛潤心肺解虛煩喘嗽吐血衄血去喉中腥臭在中則能退胃火平消瘰在下則能利小

水潤大便去膀胱肝腎濕熱腰脚腫痛并治勞瘵內熱退陰火解熱淋崩潰古書言知母佐黃柏滋陰降火有

金水相生之義蓋謂黃柏能制膀胱命門陰中之火知母能消肺金制腎水化源之火去火可以保陰是即所

謂滋陰也故潔古東垣皆以為滋陰降火之要約繼自丹溪而後則皆用以為補陰誠大謬矣夫知母以沉寒

之性本無生氣用以清火則可用以補陰則何補之有第其陰柔其順似乎有德倘元氣既虧猶欲藉此以望

補益是亦猶小人在朝而國家元氣日受其削有陰移焉而莫之覺者是不可不見之真而辨之早也

龍胆草

四十

味大苦大寒陰也沉也乃足厥陰少陽之正藥大能瀉火但引以佐使則諸火皆治故能退骨

蒸疔熱除心火驚癇狂躁胃火煩熱黃瘰咽喉腫痛肝腎膀胱伏火小水淋閉血熱瀉痢下焦濕熱癰腫瘡毒
痰痛婦人血熱崩淋小兒熱疔客忤去目黃睛赤腫痛殺蠱毒腸胃諸蟲及風熱盜汗凡肝腎有餘之火皆其
所宜

濕草部

地黃^{四一}

生地黄味甘苦氣涼氣薄味厚沉也陰也鮮者更涼乾者微涼能生血補血涼心火退血熱去煩
躁骨蒸熱痢下血止嘔血衄血脾中濕熱或婦人血熱而經枯或上下三消而熱渴總之其性頗涼若脾胃有
寒者用宜斟酌 熟地黄味甘微苦味厚氣薄沉也陰中有陽本草言其入手足厥少陰經大補血衰滋培腎
水填骨髓益真陰專補腎中元氣兼療藏血之經此雖泛得其概亦豈足以盡是之妙夫地黃產于中州沃土
之鄉得土氣之最後者也其色黃土之色也其味甘土之味也得土之氣而曰非本陰陽明之藥吾弗信也惟
是生者性涼脾胃喜煖故脾陽不足者所當慎用至若熟則性平稟至陰之德氣味純靜故能補五臟之真陰
而又於多血之藏為最要得非為胃經藥耶且夫人之所以有生者氣與血耳氣主陽而動血主陰而靜補氣
以人參為主而芪朮但可為之佐補血以熟地為主而芎歸但可為之佐然在芪朮芎歸則又有所當避而人
參熟地則氣血之必不可無故凡諸經之陽氣虛者非人參不可諸經之陰血虛者非熟地不可人參有健運
之功熟地稟靜順之德此熟地之與人參一陰一陽相為表裏一形一氣互主生成性味中正無踰於此誠有
不可假借而更代者矣凡諸真陰虧損者有為發熱為頭痛為焦渴為喉痺為嗽痰為喘氣或脾腎寒逆為嘔
吐或虛火載血於口鼻或水泛于皮膚或陰虛而泄利或陽浮而狂躁或陰脫而仆地陰虛而神散者非熟地
之守不足以聚之陰虛而火升者非熟地之重不足以降之陰虛而躁動者非熟地之靜不足以鎮之陰虛而
剛急者非熟地之甘不足以緩之陰虛而水邪泛濫者舍熟地何以自制陰虛而真氣散失者舍熟地何以歸
原益氣而青玉貝員旨膏麥冬首烏也

少用亦可成功陰性煖熱地非多難以奏效而今人有畏其滯膩者則崔氏何以用腎氣丸而治痰浮有畏其滑澤者則仲景何以用八味丸而醫腎泄有謂陽能生陰陰不能生陽者則陰陽之理原是互根彼此相須缺一不可無陽則陰無以生無陰則陽無以化故內經曰精化為氣得非陰亦生陽乎孰謂陽之能生而陰之不能長也又若制用之法有用姜汁拌炒者則必有中寒兼嘔而後可用砂仁制者則必有脹滿不行而後可用酒拌炒者則必有經絡壅滯而後可使無此數者而必欲強用制法是不知用熟地者正欲用其靜重之妙而反為散動以亂其性何以畫蛇而添足今之人即欲用之補陰而必兼以滲利則焉知補陰不利水利水不補陰而補陰之法不宜滲即有用之補血而復疑其滯膩則焉知血虛如燥土旱極望雲霓而枯渴之腸極喜滋設不明此則少用之尚欲兼之以利又孰敢單用之而任之以多單用而多且不敢又孰敢再助以甘而盡其所長是又何異因咽而廢食也嗟嗟熟地之功其不伸於時用者久矣其有不可以筆楮盡者尚多也予今特表而出之尚祈明者之自悟焉

牛膝四二

味苦甘氣微涼性降而滑陰也忌牛肉酒潰咬咀走十二經絡助一身元氣主手足血熱痿痺血

燥拘攣通膀胱瀆秘大腸乾結補髓填精益陰活血治腰膝痠疼滋鬚髮枯白其性下走如奔故能通經閉破血癥引諸藥下降同麝香用墜胎尤速凡藏寒便滑下元不固者當忌用之

麥門冬四三

味甘微苦性微寒降也陽中陰也去心用恐令人煩其味甘多苦少故上行心肺補上焦之津

液清胸膈之渴煩解火炎之嘔吐退血燥之虛熱益精滋陰澤肌潤結肺痿肺癰欬吐血衄血經枯乳汁不行肺乾欬嗽不絕降火清心消痰補怯復脈須仗人參便滑中寒者忌用

續斷四四

川者色灰黑尖瘦多蘆形如雞脚皮斷而皺者是味苦而渣苦重澀輕氣味涼他產者味甘微辛

澀少用川者良凡用此者用其苦澀其味苦而重故能入血分調血脉消腫毒乳癰瘰癧痔漏治金損跌傷續

筋骨血脈其味澀故能止吐血衄血崩淋胎漏便血尿血調血刺縮小便止遺精帶濁佐之以甘如甘草地黃人參山藥之類其效尤捷

蜀葵子 四五 味甘性寒能利小便通淋閉消水腫潤大腸推生落胎通乳汁亦治一切瘡疥并癩疵赤屬苗

葉可作菜茹古以葵為五菜之主今不復用之矣 黃葵花 性滑利與蜀葵大同若治諸惡瘡膿水久不瘥

者用花為末傳之即愈為瘡家要藥浸油可塗湯火瘡

車前子 四六 味甘微鹹氣寒入膀胱肝經通尿管熱淋澀痛毆風熱目赤翳膜利水能除濕痺性滑極善

推生兼治濕熱瀉痢亦去心胸煩熱 根葉 生搗汁飲治一切尿血衄血熱痢尤逐氣癰利水

白蔞藜 四七 味苦微辛微甘微涼能破癥瘕結聚止遺弱泄精療肺痿肺癰腎膜自赤除喉痺癩疥痔瘻癥

風通身濕爛惡瘡乳岩帶下俱宜推生止煩亦用涼血養血亦善補陰用補宜炒熟去刺用涼宜連刺生搗去

風解毒白者最良 沙苑疾藜性亦大同若用固精補腎止遺瀝尿血縮小便止煩渴去燥熱則亦可用此

紅花 四八 味甘微苦微辛氣微涼陰中微陽惟入血脈多用女科少用可活血引經多用能破血通瘀可下

死胎亦療血暈達痘瘡血熱難出散癥疹血滯不消潤燥活血止痛通經亦消腫毒

紫苑 四九 味苦平微辛辛能入肺苦能降氣故治欬嗽上氣痰喘惟肺寔氣壅或火邪刑金而致欬唾膿血

者乃可用之若以勞傷肺腎水虧金燥而欬嗽失血者則非所宜觀陶氏別錄謂其補不足治五勞七傷虛其亦

言之過也

甘菊花 五十 白菊花根善利水搗汁和酒服之大治癰閉 味甘色黃者能養血散風去頭目風熱眩暈疼

痛目中翳膜及遍身遊風風疹作枕明目葉亦可用 味苦者性涼能解血中鬱熱清頭目去風熱眼目腫痛

流淚根葉辛香能消癰毒止疼痛

或為末酒服亦可

蒜發五二 味苦氣微寒有小毒此物氣味頗峻善逐風濕諸毒用蜜酒層層和酒九蒸九曝蜜九空心酒吞

多寡隨宜善治中風口眼歪斜除濕痺腰痛痲木生者酒煎逐破傷風危急如神散撒麻疔惡毒惡瘡浮

腫虎傷狗咬蜘蛛蟲毒或搗爛傳之或煎湯或散傳並良其掃蕩功力若此似于元氣虛者非利

益母草五三 子名茺蔚 味微苦微辛微寒性滑而利善調女人胎產諸證故有益母之號能去死胎滑生胎活血

涼血行血故能治產難胎衣不下子死腹中及經脈不調崩中漏下尿血瀉血瘀血等證然惟血熱血滯及胎

產艱澀者宜之若血氣素虛兼寒及滑陷不固者皆非所宜不得以其益母之名謂婦人所必用也蓋用其滑

利之性則可求其補益之功則未也本草言其久服益精輕身誠不足信此外如退浮腫下水氣及打撲瘀血

通大小便之類皆以其能利也若治疔腫乳癰丹毒惡毒則可搗汁飲之其渣亦可敷貼 子名茺蔚功用畧

同但子味微甘稍溫故能涼血補血亦益陰氣明目

瞿麥五四 味苦微寒降也性滑利能通小便降陰火除五淋利血脈兼涼藥亦消眼目腫痛兼血藥則能通

經破血下胎凡下焦濕熱疼痛諸病皆可用之

茵陳五五 味苦微辛氣微寒陰中微陽入足太陰經用此者用其利濕逐熱故能通關節解熱滯瘰疔行時

疾熱狂頭痛利小水專治黃疸宜佐梔子黃而濕者多腫再加滲利黃而燥者乾澀再加涼潤只有陰黃一證

因以中寒不運此非所宜又解傷寒瘡瘧火熱散熱痰風熱痰痛濕熱為痢尤其所宜

青蒿五六 味苦微辛性寒陰中有陽降中有散主肝腎三焦血分之病瘰疔陰火伏留骨節故善治骨蒸勞熱

尸疰鬼氣降火滋陰潤顏色長毛髮治瘧瘵寒熱殺虫毒及惡瘡濕疥生搗可傅金瘡止血止痛

欵冬花五七 味微甘微辛而溫其氣浮陽也入手太陰經能溫肺氣故療欵嗽及肺癰肺痿咳唾膿血寇宗

藥曰有人病嗽多日或教以燃欵冬花三兩於無風處以筆管吸其烟滿口則藥之數日果效

麻黃五八 味微苦微瀼氣溫而辛升也陽也此以輕揚之味而兼辛溫之性故善達肌表走經絡大能表散

風邪祛除寒毒一應瘟疫瘧疾瘴氣山嵐凡足三陽表寔之證必宜用之若寒邪深入少陰厥陰筋骨之間非

用麻黃肉桂不能逐也但用此之法自有微妙則在佐使之間或兼氣藥以助力可得衛中之汗或兼血藥以

助液可得營中之汗或兼溫藥以助陽可逐陰凝之寒毒或兼寒藥以助陰可解炎熱之瘟邪此寔傷寒陰瘧

家第一要藥故仲景諸方以此為首寔千古之獨得者也今見後人多有畏之為毒藥而不敢用又有謂夏月

不宜用麻黃者皆不達可哂也雖在李氏有云若過發則汗多亡陽若自汗表虛之人用之則脫人元氣是皆

過用及誤用而然若陰邪深入則無論冬夏皆所最宜又何過之有此外如手太陰之風寒欵嗽手少陰之風

熱癰疹足少陰之風水腫脹足厥陰之風痛目痛凡宜用散者惟斯為最然柴胡麻黃俱為散邪要藥但陽邪

宜柴胡陰邪宜麻黃不可不察也○制用之法須折去粗根入滾湯中煮三五沸以竹片掠去浮沫晒乾用之

不爾令人動煩 麻黃根 味甘平微苦微瀼同甘敏葯煎服可以止汗同牡蠣粉米粉或用舊蕉扇杵末等

分以生絹袋盛貯用撲盜汗或夏月多汗用之俱佳

萱草五九 一名忘憂 一名鹿葱 萱草者詩作諼草凡樹此者可解憂思故名忘憂烹食其苗氣味如葱而

鹿喜食之故名鹿葱婦人佩其花則生男故名宜男花葉氣味甘而微涼故能去濕熱利小便赤瀼除煩渴酒

濕黃疸安五藏利胸膈令人和悅亦能明目 根治沙淋帶濁利水氣解酒疸宜搗汁服之治吐血衄血研汁

一大盞和薑汁細細呷之治吹乳乳癰腫痛須搗酒服以渣封之

連翹六十 味苦微辛氣微寒氣味俱薄輕清而浮升也陽中有陰入手少陰手足少陽陽明瀉心經客熱降

脾胃濕熱去寸白虻蟲通月水五淋以其味苦而輕故善達肌表散鼠瘻癰癭癰結熱蠱毒癰毒斑疹治瘡

癰止痛消腫排膿瘡家號為聖丹以其辛而能散故又走經絡通血凝氣滯結聚所不可無

旋覆花 六一 味苦甘微辛陰也降也乃手太陰肺經手陽明大腸經藥開結氣降痰涎通水道消腫滿凡氣

壅濕熱者宜之但其性在走散故凡見大腸不寔及氣虛陽衰之人皆所忌用

鼠粘子 六一 一名大力子 一名牛蒡子 味苦辛降中有升治風毒斑疹諸瘰散瘡瘍腫毒喉痺及腰膝凝寒痺滯之氣

以其善走十二經而解中有散也

決明 六三 味微苦微甘性平微涼力薄治肝熱風眼赤而多淚及肝火目昏可為佐使惟多服久服方可得

效或作枕用治頭風明目其功勝于黑豆

葶藶 六四 味苦大寒沉也陰也氣味俱厚有毒善逐水氣不減大黃但大黃能泄血閉葶藶能泄氣閉氣行

而水自行也若肺中水氣積滿脹急者非此不能除然性急利甚凡涉氣虛者不可輕用淮南子曰大戟去水

葶藶愈脹用之不慎乃反成病即此謂也第此有甜苦二種雖曰為甜然亦非真甜但消痰耳稍淡者其性亦

稍緩

夏枯草 六五 味微苦微辛氣浮而升陰中陽也善解肝氣養肝血故能散結開鬱大治瘰癧鼠瘻乳癰瘰癧氣

并治頭瘡目疾婁全善云夏枯草治目珠痛至夜則甚者神效或用苦葶藶反甚者亦神效一男子目珠痛

至夜則重用黃連點之更甚諸葯不效乃用夏枯草二兩香附二兩甘草四錢為末每服一錢半清茶調服下

咽即疼減至四五服良愈也

蒼耳子 六一 一名羊負來 味苦微甘治頭風寒痛風濕周痺四肢拘攣去風明目養血煖腰膝及癩瘡瘡疥亦治

鼻淵宜炒熟為末白湯點眼一二錢久之乃效忌猪肉馬肉

漏蘆 六七 味微鹹性寒有小毒主熱毒惡瘡癰疽乳癰痔漏排膿長肉止金瘡血出亦下乳汁通經脈消赤

眼利小便止尿血腸風淋瀝遺溺及小兒壯熱瘰癧跌撲損傷可續筋骨

劉寄奴 六八 味苦性溫能破瘀血活新血通婦人經脈產後餘血損傷瘀血下氣止心腹痛及小便去血俱

可為散或茶或酒調服搗敷金瘡出血不止其效捷用治湯火傷大效但為末搽之

為蓄六九 味苦滑利小便除黃疸殺三蟲去下部濕熱浸淫陰蝕瘡疥痔漏瘡汁飲之療小兒蛇蟲上攻心

腹作痛大效有海上歌云心頭急痛不能當我有仙人海上方為蓄醋煎通口噤管教時刻即安康

青箱子七十 野鴉冠子也 味微苦微寒能清肝火血熱故治赤眼退赤瘡消翳腫鎮肝明目亦去風濕惡瘡疥

癩

艾七一 味微苦氣辛生用微溫熟用微熱能通十二經而尤為肝脾腎之藥善於溫中逐冷除濕行血中之

氣氣中之滯凡婦人血氣寒滯者最宜用之故能安胎止心腹痛治帶下血崩煖腰膝止吐血下痢辟風寒寒

濕瘴瘧霍亂轉筋及一切冷氣鬼氣殺蛇蟲并下部蠱瘡或生用搗汁或熟用煎湯或用炙百病或炒熟敷慰

可通經絡或袋盛包裹可溫臍膝表裏生熟俱有所宜

佛耳草七二 一名鼠麴草 味微酸性溫大溫肺氣止寒嗽散痰氣解風寒寒熱亦止泄瀉鋪艾捲作烟筒用薰久

嗽尤效

藍靛七三 藍葉氣味苦寒微甘善解百蟲百毒及治天行瘟疫熱毒發狂風熱斑疹癰瘍腫痛除煩渴止

鼻衄吐血殺疔蝕金瘡箭毒凡以熱兼毒者皆宜搗汁用之○靛青乃藍與石灰所成性與藍葉稍異其殺蟲

止血傳諸熱毒熱瘡之功似有勝於藍葉者○青黛味微鹹而寒性與靛青大同解諸熱毒蟲毒金瘡熱瘡或

乾搽或水調敷若治諸熱瘡毒或用馬齒莧加青黛同搗敷之若治天行頭痛瘟疫熱毒及小兒諸熱驚癇發

熱並宜水研服之

水賊七四 味微苦微甘性溫而升陽也性亞麻黃故能發汗解肌治傷寒瘧疾去風濕散火邪療目疾退翳

障止腸風下血下痢及婦人崩中帶漏月水不調亦治風濕疝痛大腸膀胱

王不留行七五 一名金盞銀匙 味苦平性滑利乃陽明衝任血海藥也治風毒通血脉療婦人難產及經滯不調

海金沙七六 此草出黔中七月收其全料晒乾以杖擊之則細沙自莖葉中落味甘性寒乃小腸膀胱血分

藥也善通利水道解鬱熱濕熱及傷寒熱狂小便癃閉腫滿熱淋膏濁血淋石淋莖中疼痛解諸熱毒或丸或

散皆可用

燈心草七七 味淡性平能通水道澀結癃閉治五淋瀉肺熱降心火除水腫止血通陰氣散腫止渴但用敗

蔗煮服更良若治喉痺宜燒燈草灰吹之若治下疳瘡亦用燒灰加輕粉麝香為末搽之

烟七七 味辛氣溫性微熱升也陽也燒烟吸之大能醉人用時惟吸一口或二口若多吸之令人醉倒久而

後甦甚者以冷水一口解之即醒若見煩悶但用白糖解之即安亦奇物也吸時須開喉長吸嚥下令其直達

下焦其氣上行則能溫心肺下行則能溫肝脾腎服後能使通身溫暖微汗元陽陡壯用以治表善逐一切陰

邪寒毒山嵐瘴氣風濕邪閉膝理筋骨疼痛誠頃刻取效之神劑也用以治裏善壯胃氣進飲食祛陰濁寒滯

消膨脹宿食止嘔噦霍亂除積聚諸蟲解鬱結止疼痛行氣停血瘀舉下陷後墜通達三焦立刻見效此物自

古未聞也近時我明萬歷時始出於閩廣之間自後吳楚間皆種植之矣然總不若閩中者色微黃質細名為

金絲烟者力強氣勝為優也求其習服之始則向以征滇之役師旅深入瘴地無不染病獨一營安然無恙問

其所以則眾皆服烟由是徧傳而今則西南一方無分老幼朝夕不能間矣予初得此物亦甚疑貳及習服數

次乃悉其功用之捷有如是者因著性於此然此物性屬純陽善行善散惟陰滯者用之如神若陽盛氣越而

多躁多火及氣虛氣短而多汗者皆不宜用或疑其能頃刻醉人性必有毒今彼處習服既久初未聞其妨今

者抑又何也蓋其陽氣強猛人不能勝故下咽即醉既能散邪亦必耗氣理固然也然烟氣易散而人氣隨復

陽性留中旋亦生氣此其耗中有補故人多喜服而未見其損者以此○後檳榔條中有說當與此參閱

芳草部

本草正上 醫草部 芳草部

當歸七八

味甘辛氣溫氣輕味重可升可降陰中有陽其味甘而重故專能補血其氣輕而辛故又能行血

補中有動行中有補誠血中之氣藥亦血中之聖藥也頭止血上行身養血中守尾破血下流全活血不走大

約佐之以補則補故能養營養血補氣生精安五藏強形體益神志凡有形虛損之病無所不宜佐之以攻則

通故能祛痛通便利筋骨治拘攣癱瘓燥濕等證營虛而表不解者佐以柴葛麻桂等劑大能散表衛熱而表

不斂者佐以六黃之類又能固表惟其氣辛而動故欲其靜者當避之性滑善行大便不固者當避之凡陰中

火盛者當歸能動血亦非所宜陰中陽虛者當歸能養血乃不可少若血滯而為痢者正所當用其要在動滑

兩字若婦人經期血滯臨產催生及產後兜枕作痛俱當以此為君小兒痘疹驚癇凡屬營虛者必不可少

川芎七九

味辛微甘氣溫升也陽也其性善散又走肝經氣中之血藥也反藜蘆畏硝石滑石黃連者以其

沉寒而劑其升散之性也芫歸俱屬血藥而芫之散動尤甚於歸故能散風寒治頭痛破瘀蓄通血脈解結氣

逐疼痛排膿消腫逐血通經同細辛煎服治金瘡作痛同陳艾煎服驗胎孕有無三四月後服此微動者胎也

以其氣升故兼理崩漏眩暈以其甘少故散則有餘補則不足惟風寒之頭痛極宜用之若三陽火壅於上而

痛者得升反甚今人不明升降而但知川芎治頭痛謬亦甚矣多服久服令人走散真氣能致暴亡用者識之

芍藥八十

味微苦微甘畧酸性頗寒氣薄于味微降多而升散少陰也有小毒白者味甘補性多赤者味

苦瀉性多生者更涼酒炒微平其性沉陰故入血分補血熱之虛瀉肝火之寔固滕理止熱瀉消癰腫利小便

除眼疼退虛熱緩三消諸證於因熱而致者為宜若脾氣寒而痞滿難化者忌用止血虛之腹痛斂血虛之發

熱白者安胎熱不寧赤者能通經破血此物乃補藥中之消寒者非若極苦大寒之比若謂其白色屬金恐傷

肝木寒伐生氣產後非宜則凡白過芍藥寒過芍藥者又將何如如仲景黑神散芍藥湯之類非皆產後要藥

耶用者還當詳審若產後血熱而陰氣散失者正當用之不必疑也

丹皮八十一味辛苦微寒氣味具經陰中陽也赤者行性多白者行性緩入足少陰及手厥陰經忌胡蒜蔥

性味和緩原無補性但其微涼而辛能和血涼血生血除煩熱善行血滯滯去而鬱熱自解故亦退熱用此者用其行血滯而不峻

白豆蔻 八二 味辛氣溫味薄氣厚陽也入脾肺兩經別有清爽之氣散胸中冷滯溫胃口上痰除嘔逆翻胃

消宿食膨脹治噎膈除瘧疾解毒祛穢惡能退翳膜亦消痰氣飲其速效嚼嚙甚良或為散亦妙

肉豆蔻 八三 味苦辛而溫性溫理脾胃虛冷穀食不消治大腸虛冷滑泄不止以其氣香而辛故能行滯止

痛和腹脹治霍亂調中下氣開胃進食解酒毒化痰飲溫胃逐蟲辟諸惡氣療小兒胃寒傷乳吐瀉以其能固

大腸腸既固則元氣不走脾氣自健故曰理脾胃虛冷而實非能補虛也麵包煨熟用或剉如豆大以乾麵拌

炒熟去麵用之尤妙蓋但欲去其油而用其熟耳

草果 八四 亦名草豆蔻 味辛性溫熱陽也浮也入足太陰陽明能破滯氣除寒氣消食療心腹疼痛解酒毒治瘴

癘寒瘧傷暑嘔吐瀉痢脹滿反胃吐酸開痰飲積聚噎膈殺魚肉毒開鬱燥濕辟除口臭及婦人惡阻氣逆帶

濁此有二種惟建寧所產辛香氣和者佳宜以麵裹微火煨熟用之或麵拌炒熟亦可滇廣者氣辛而臭大能

損人元氣

破故紙 八五 味苦辛氣大溫性燥而降能固下元煖水藏治下焦無火精滑帶濁諸冷頑痺脾腎虛寒而為

瀉泄下痢以其煖腎固精所以能療腰膝痠疼陰冷囊濕縮小便煖命門小腹止腹中疼痛腎泄以其性降所

以能納氣定喘惟其氣辛而降所以氣虛氣短及有煩渴眩暈者當少避之即不得已用於丸中可也忌羊肉

芸薹

木香 八六 味苦辛性溫氣味俱厚能升能降陽中有陰行肝脾肺氣滯如神止心腹脇氣痛甚擾和胃氣止

吐瀉霍亂散冷氣除脹疼呃逆治熱痢可佐荅連固大腸火煨方用順其氣癥積惡逆自除調其氣安胎月經

亦用亦治疫癘溫瘧亦殺蠱毒鬼精若下焦氣逆諸病亦可縮小便亦能通閉結亦能止氣逆之動血亦能消風熱之癰腫

藿香八七 味辛微甘氣溫氣味俱薄陽也可升可降此物香甜不峻善快脾順氣開胃口寬胸膈進飲食止霍亂嘔吐理肺化滯加烏藥等劑亦能健脾入四君煎能除口臭亦療水腫亦解酒穢

香附八八 味苦辛微甘氣溫氣味俱厚陽中有陰血中氣藥也專入肝胆二經兼行諸經之氣用此者用其行氣血之滯童便炒飲其下行醋炒則理氣痛開六鬱散寒邪利三焦行結滯消飲食痰涎痞滿腹脹附腫脚

氣止心腹肢體頭目齒耳諸痛療霍亂吐逆氣滯泄瀉及吐血下血尿血婦人崩中帶下經脈不調胎前產後氣逆諸病因能解鬱故曰婦人之要藥然其味辛而動若陰虛燥熱而汗出血失者概謂其要則大誤矣此外

凡癰疽瘰癧瘡瘍但氣滯不行者皆宜用之為要藥
砂仁八九 味辛微苦氣溫和平行氣消食逐寒除霍亂止惡心消脹滿安氣滯之胎却腹痛治藏寒之瀉止

小便泄痢快胸膈開痰平氣逆欬嗽口齒浮熱止女子崩中鬼氣奔豚欲其溫暖須用炒研入肺腎膀胱各隨使引亦善消化銅鐵骨哽

紫蘇九十 味辛氣溫氣味香竄者佳用此者用其溫散解肌發汗祛風寒甚捷開胃下食治脹滿亦佳順氣宜用口臭亦辟除霍亂轉筋祛脚氣通大小腸消痰利肺止痛溫中安胎定喘解魚鱖毒治蛇犬傷或作羹或

生食俱可 梗 能順氣其性緩体虛者可用 子 性潤而降能潤大便消痰喘除五膈定霍亂順氣滯薄荷九一 味辛微苦氣微涼氣味俱輕升也陽也其性涼散通關節利九竅乃手厥陰太陰經藥清六陽會

首散一切毒風治傷寒頭痛寒熱發毒汗療頭風腦痛清頭目咽喉口齒風熱諸病除心腹惡氣脹滿霍亂下氣消食消痰辟邪氣穢惡引諸藥入營衛開小兒之風涎亦治癩瘡癰腫瘡疥風癢癭疹作菜食之除口臭搗汁含漱去舌胎語澀採葉塞鼻止衄血亦治蜂螫蛇傷病新痊者忌用恐其泄汗亡陽

破結氣消飲食通血脉行瘀滯助脾胃辟諸邪毒氣醒酒逐濕療頭痛頭旋脊背疼痛手足筋急痛痺脚氣筋
骨煩疼風濕疝氣止下血血痢崩淋帶濁若產後中風強直宜研末酒服甚妙搗爛醋調傅疔瘡腫毒最佳亦
鼠瘻瘰癧血風瘡疥必用之要藥

白芷 九三

味辛氣溫氣厚味輕升也陽也其性溫散敗毒逐陽明經風寒邪熱止頭痛頭風頭眩目痛目瘡

淚出散肺經風寒皮膚斑疹燥痒治鼻軌鼻淵齒痛眉稜骨痛大腸風秘腸風尿血其氣辛香達表故治瘡瘍

排膿止痛定痛托癰疽肺癰瘰癧痔瘻長肉生肌炒黑用之治女人血崩漏下赤白血閉陰腫欲去黥斑宜以

生用可作面脂亦治蛇傷砒毒金瘡傷損

香薷 九四

味苦辛氣寒氣輕能升能降散暑熱霍亂中脘絞痛小便澀難清肺熱降胃火除躁煩解鬱滯為

末水服可止鼻衄者汁頓飲可除風熱轉筋去口臭濕熱水腫者可消中寒陰藏者須避之

益智 九五

氣味辛溫能調諸氣辟寒氣治客寒犯胃煖胃和中去心腹氣滯疼痛理下焦虛寒溫腎氣治遺

精餘瀝夢泄赤白帶濁及夜多小便者取二十餘枚研碎入鹽少許同煎服之有奇驗此行陽退陰之藥凡脾

寒不能進食及三焦命門陽氣衰弱者皆宜之然其行性多補性少必兼補劑用之斯善若單服多服未免過

於散氣

鬱金 九六

味苦辛氣溫善下氣破惡血去血積止吐血衄血血淋尿血及失心癲狂蠱毒單用治婦人冷氣

血積結聚氣滯心腹疼痛及產後敗血衝心欲死或散或丸或以薑汁童便并花水俱可隨宜調服若治

痔漏腫痛宜水調敷之耳內腫痛宜水調灌入少頃傾出即可愈

薑黃 九七

味苦辛性熱善下氣破血除心腹氣結氣脹冷氣食積疼痛亦治癥瘕血塊通月經產後敗血攻

心及撲損瘀血祛邪辟惡散風熱消癰腫功與鬱金稍同而氣味則尤烈

澤蘭九八 味微苦微辛善清血和血治吐血衄血療婦人產前產後諸血不調破宿血除腹痛清新血利關節通水道除癥瘕消撲損瘀血并治金瘡癰腫瘡膿用在清和故為婦人要藥

藁本九九 味甘辛性溫氣厚味薄升也陽也療諸惡風鬼注除太陽頂顛頭痛大寒犯腦痛連齒頰及鼻而皮膚酒黷野刺風濕泄瀉冷氣腰疼婦人陰中風邪腫痛此足太陽經風癰露瘡疫之要藥

萆薢一百 味辛大熱陽也浮也入手足陽明亦入肝腎善溫中下氣除胃冷辟陰寒療霍亂心腹疼痛冷痰嘔逆吞酸及虛寒瀉痢腸鳴其味大辛須同參朮歸地諸甘溫補劑用之尤效為末搐鼻可解偏風頭痛指齒可殺牙虫牙痛又牛乳煎治唐太宗氣痢方詳列痢疾門

良薑百一 子各紅豆蔻 味辛熱純陽浮也入足太陰陽明治胃中逆冷嘔吐清水惡心霍亂氣寒腹痛解酒毒消

宿食健脾胃寬膈除反胃破冷癖解瘴瘧轉筋瀉痢同草豆蔻煎飲亦治口臭子名紅豆蔻治用畧同

三稜百二 氣味苦平能行血中之氣善破積氣逐瘀血消飲食脹滿氣滯腹痛除痞癥瘕積聚結塊通月水亦墜胎及產後惡血撲損瘀血并治瘡腫堅硬制宜酸浸炒熟入藥此與蓬朮稍同但蓬朮峻而此則差緩耳

蓬朮百三 一名蓬莪菹 味苦辛氣溫有小毒走肝經善破氣中之血通月經消瘀血療跌撲損傷血滯作痛在中焦攻飲食氣滯不消胃寒吐酸膨脹在下焦攻奔豚瘕癖冷氣積聚氣腫水腫制宜或酒或醋炒用或入灰火

中煨熟搗切亦可但其性剛氣峻非有堅頑之積不宜用

蛇牀子百四 味微苦氣辛性溫乃少陽三焦命門之藥辛能去風煖能溫腎故可溫中下氣利關節除疼痛開鬱滯療陰濕惡瘡疥癬縮小便去陰汗止帶濁逐寒疝漱齒痛治男子陽痿腰疼大益陽事女人陰中腫痛善煖子宮男婦陽衰無子小兒驚癇撲傷俱可服去皮壳微炒用之凡治外證瘡痒腫痛風瘡俱宜煎湯熏洗

亦可為末參專具宜生用

天門冬 百五

味苦微甘氣大寒味厚氣薄沉也陰也入肺腎兩經除虛勞內熱其味苦寒故上定熱喘下去

熱淋苦殺三蟲潤滋骨髓解渴除煩消痰止咳降火保肺退熱滋陰大潤血熱燥結虛寒假熱脾腎瀉泄最忌

使宜貝母地黃去皮去心方用

兔絲子 百六

味甘辛氣微温其性能固入肝脾腎三經先用甜水淘洗淨浸漲次用酒漬煮熟晒乾炒之更妙補髓添精助陽固泄續絕傷滋消渴縮小便止夢遺帶濁餘瀝暖腰膝寒疼壯氣力筋骨明目開胃進食肥

肌禁止鬼交尤安夢寐湯液丸散任意適用古人不入煎劑亦一失也欲止消渴煎湯任意飲之

五味子 百七

皮甘肉酸性平而斂核仁微辛苦性温而暖俱兼鹹味故名五味入肺腎二經南者治風寒效嗽北者療虛損勞傷整用者用其酸生津解渴止瀉除煩療耗散之肺金滋不足之腎水能收斂虛火亦解除酒毒敲碎者用其辛温補元陽壯筋骨助命門止霍亂但感寒初嗽當忌恐其斂束不散肝旺吞酸當忌恐其

助木傷土

何首烏 百八

味甘瀋微苦陰中有陽性温此其甘能補澀能固温能養陽雖曰肝腎之藥然白者入氣分赤者入血分凡血氣所在則五陰之臟何所不至故能養血養神助氣壯筋骨強精髓黑鬚髮亦治婦人帶濁失

血產後諸虛等疾第其性效稍緩暫服若不甚顯必久服之誠乃延年益壽滋生助嗣之良劑至如斷瘧疾安

久痢活血治風療癰腫瘰癧風濕瘡瘍及一切冷氣腸風宿疾總由其温固收斂之功血氣固則真元復真元

復則邪自散也故唐之李翱著有何首烏傳即李時珍亦曰此物不寒不燥功在地黃門冬之上誠非誣也若

其制用之法則有用黑豆層鋪九蒸九晒者有單用米泔浸三宿切焙為末而用者有用壯健人乳拌晒三次

生杵為末而用者總之生不如熟即單用米泔浸透蒸之極熟則善矣或不必人乳與豆也服此之後須忌生

蘿蔔并諸血敗血等物

瓜蒌仁百九 味甘氣寒氣味俱厚性降而潤能降實熱痰涎開鬱結氣閉解消渴定脹喘潤肺止咳但其氣味悍劣善動惡心嘔吐中氣虛者不宜用本草言其補虛勞殊為大謬

天花粉百十 味甘性寒氣味頗輕有升有降陰中有陽最涼心肺善解熱渴大降膈上熱痰消乳癰腫毒痔瘻瘡癬排膿生肌長肉除跌撲瘀血通月水除狂熱去黃疸潤枯燥善解酒毒亦通小腸治肝火疔痛

金銀花百十一 味甘氣平其性微寒善於化毒故治癰疽腫毒瘡癬楊梅風濕諸毒誠為要藥毒未成者能散毒已成者能潰但其性緩用須倍加或用酒煮服或搗汁攪酒頓飲或研爛拌酒厚傳若治癰癤上部氣分諸毒用一兩許時常煎服極效

葛根百十 味甘氣平寒氣輕於味淨而微降陽中微陰用此者用其涼散雖善達諸陽經而陽明為最以其氣輕故善解表發汗凡解散之藥多辛熱此獨涼而甘故解溫熱時行疫疾凡熱而兼渴者此為最良當以為君而佐以柴防甘桔極妙尤散鬱火療頭痛治溫瘧往來瘡疹未透解酒除煩生津止渴除胃中熱狂殺野葛

巴豆毒箭 金瘡等傷但其性涼易於動嘔胃寒者所當慎用

茵草百廿 味苦甘氣微寒陰中微陽血中要藥其味苦故能行滯血其性涼故能止動血治勞傷吐血時來除虛熱漏崩不止亦通經滯又療乳癰散跌撲血凝瘀聚解毒敗血爛肝凡諸血熱血瘀並建奇功若女人經血不通以一兩酒煎服之一日即通甚效若氣虛不攝血及脾寒者勿用

土茯苓百十四 味甘淡性平能健脾胃強筋骨去風濕利關節分水道止瀉痢治拘攣骨痛癰腫喉痺除周身寒濕惡瘡尤解楊梅瘡毒及輕粉留毒潰爛疼痛諸證凡治此者須忌茶酒牛羊鷄鵝及一應發風動氣等物

使君子百十 味甘氣溫有小毒性善殺蟲治小兒疳積小便白濁凡大人小兒有蟲病者但於每月上旬清晨空腹食數枚或即以殺煎湯嚥下次日蟲皆死而出也或云七生七煨食亦良或云一歲食一枚食後忌飲

使君子百十 味甘氣溫有小毒性善殺蟲治小兒疳積小便白濁凡大人小兒有蟲病者但於每月上旬清晨空腹食數枚或即以殺煎湯嚥下次日蟲皆死而出也或云七生七煨食亦良或云一歲食一枚食後忌飲

君子樞子甘而殺蟲亦異也但使君子專殺虻蟲樞子專殺寸白蟲巨

牽牛一百廿六味苦辛熱氣雄烈性急疾有毒下氣逐水通大小便善走氣分通水道消氣實氣滯水腫攻癥

積落胎殺蟲瀉蟲毒去濕熱痰飲開氣秘氣結古方多為散丸若用救急亦可佐葶藥煎服然大泄元氣凡虛

弱之人須忌之

防已七十味苦性寒陰也降也去濕熱水腫利大小便解諸經熱壅腫痛濕熱脚氣通九竅熱閉逐膀胱肝

腎濕熱及熱毒諸瘡濕熱生蟲等證

萆薢八十味微甘而淡氣溫能溫腎去濕理陰痿陰寒失溺白濁莖中作痛及四肢癱瘓不隨周身風濕惡

瘡性味純緩用宜大劑

鈎藤九十味微甘微苦性微寒能清手厥陰之火足厥陰足少陽之風熱故專理肝風相火之病凡大人小

兒驚癇眩運斑疹天釣頭旋煩熱等證用之而風靜火息則諸證自除矣

山豆根一百二味大苦大寒解諸藥熱毒消癰腫瘡毒殺寸白諸蟲含而嚥汁解咽喉痺痛研末湯服五七分

解內熱喘滿腹脹磨汁服解熱厥心痛研汁塗諸熱毒熱瘡腫痛及諸蟲熱毒所傷

威靈仙一百二味微辛微鹹性溫可升可降陰中陽也善逐諸風行氣血走經絡宣通五藏去腹內冷滯心膈

痰水癥瘕疫癘氣塊積聚膀胱宿水腰膝肢體冷痛亦療折傷此藥性利善走乃治痛風之要藥故崔元亮言

其去衆風通十二經脈朝服暮效其法採得根陰乾月餘搗末溫酒調服一錢七空腹服之如人本性殺藥可

加及六錢微利兩行則減之病除乃停藥其性甚善不觸諸藥但惡茗及麪湯李時珍曰威靈仙辛能泄氣鹹

能泄水故於風濕痰飲之病氣壯者服之有捷效其性大抵峻利久服恐損真氣氣弱者亦不可服之

馬兜鈴一百二味微苦微辛性寒氣薄陰中微陽入手太陰肺經降肺火清肺氣除熱痰欬喘急不得卧多

喘者犯之則作瀉凡小兒食此亦不宜頻而多大兒性滑多見前傷也李時珍曰凡殺蟲藥多是苦辛惟使

用則作吐凡蠱毒蛇毒於飲食中得之咽中如有物噤不下吐不出者以此一兩煎湯服之即毒從吐出若治痔瘻腫痛用馬兜鈴於瓶中燒烟熏病處良

青木香 百二三 即馬兜鈴根 味苦微辛性寒有毒能吐能利不可多服煮汁服可吐蠱毒鬼疰諸毒搗末水調塗疔腫熱毒蛇毒日三四次立瘥亦可傳瘙癢禿瘡

白薇 二 味苦微寒性斂取根搗傳癰毒及面上瘡疤刀箭傷湯火毒諸瘡不斂生肌止痛俱宜為末傅之

若為丸散亦治眼目赤痛小兒驚癇婦人陰中腫痛赤白帶下

木通 百二五 亦名通草 味苦氣寒沉也降也能利九竅通關節消浮腫清火退熱除煩渴黃疸治耳聾目痛天行時

疾頭痛鼻塞目眩瀉小腸火鬱利膀胱熱淋道痰濕嘔噦消腫壅滯熱毒惡瘡排膿止痛通婦人血熱經閉

下乳汁消乳癰血塊催生下胎若治小水急數腹痛小腹虛滿宜加葱煎飲若治喉痹咽痛宜濃煎含嚥

毒草部

附子 百二 氣味辛甘醜者大鹹性大熱陽中之陽也有毒畏人參黃耆甘草黑豆綠豆犀角童便烏韭防風

其性浮中有沉走而不守因其善走諸經故曰與酒同功能除表裏沉寒厥逆寒噤温中強陰煖五藏回陽氣

除嘔噦霍亂反胃噎膈心腹疼痛滿瀉脹痢肢體拘攣寒邪濕氣胃寒寒蟲寒痰寒疝風濕麻痺陰疽癰毒久

漏冷瘡格陽喉痺陽虛二便不通及婦人經寒不調小兒慢驚等證大能引火歸源制伏虛熱善助參耆成功

尤贊朮地建效無論表證裏證但脈細無神氣虛無熱者所當急用故虞搏曰附子稟雄壯之質有斬關奪將

之氣能引補氣藥行十二經以追復散失之元陽引補血藥入血分以滋養不足之真陰引發散藥開腠理以

驅逐在表之風寒引温煖藥達下焦以祛除在裏之冷濕吳綬曰附子乃陰證要藥凡傷寒傳變三陰及中寒

夾陰雖身大熱而脈沉者必用之或厥冷脈沉細者尤急須用之有退陰回陽之力起死回生之功近世陰證

傷寒往往疑似而不敢用直待陰極陽竭而用已遲矣

傷寒往往疑似而不敢用直待陰極陽竭而用已遲矣

之言皆至言也不可不察惟孕婦忌服下胎甚速合慈涎塞耳亦可治聾 辨製法 附子製法稽之古者則

有單用童便者有用薑汁鹽水者有用甘草黃連者有數味皆兼而用者其中宜否最當詳辨夫附子之性

熱而剛急走而不守土人醃以重鹽故其味鹹而性則降今之所以用之者正欲用其熱性以回元陽以補脾

腎以行參耆熟地等功若制以黃連則何以藉其回陽若制以鹽水則反以助其降性若制以童便則必不免

於尿氣非惟更助其降而凡脾氣大虛者極易嘔噦一聞其臭便動惡心是藥未入口而先受其害且其沉降

尤速何以遠脾惟是薑汁一制頗通第其以辛助辛似欠和平若果直中陰寒等證欲用其熱此法為良至若

常用而欲得其補性者不必用此又若煮法若不浸脹而煮則其心必不能熟即浸脹而煮及其心熟則邊皮

已太熟而失其性矣雖破而為四煮亦不勻且煮者必有汁而汁中所去之性亦已多矣皆非制之得法者

製法 用甘草不拘大約酌附子之多寡而用甘草煎極濃甜湯先浸數日剝去皮臍切為四塊又添濃甘草

湯再浸二三日揅之軟透乃切為片入鍋文火炒至將乾庶得生熟勻等口嚼尚有辣味是其度也若炒太乾

則太熟而全無辣味并其熱性全失矣故制之太過則但用附子之名耳效與不效無從驗也其所以必用甘

草者蓋以附子之性急得甘草而後緩附子之性毒得甘草而後解附子之性走得甘草而後益心脾附子之

性散得甘草而後調營衛此無他亦不過濟之以仁而後成其勇耳若欲急用以厚紙包裹沃甘草湯或煨或

炙待其柔軟切開再用紙包頻沃又炙以熟為度亦有用麵裹而煨者亦通若果真中陰寒厥逆將危者緩不

及制則單用炮附不必更用他製也 辨毒 附子之性剛急而熱制用失宜難云無毒故欲制之得法夫天

下之制毒者無妙於水火之所以能制毒者以能革物之性故以氣而遇火則失其氣味而遇火則失其味剛

者革其剛柔者失其柔故制附之法但用白水煮之極熟則亦全失辣味并其熱性俱失形如蘿蔔可食矣尚

何毒之足慮哉今制之必用甘草者蓋欲存留其性而柔和其剛耳今人但知附子之可畏而不知太熟之無

用也故凡食物之有毒者但制造極熟便當無害即河豚生蟹之屬諸有病於人者皆其欠熟而生性之未盡

本草正 毒草部

也故凡食物之有毒者皆可因此以類推矣至若藥劑之中有當煨煉而用者又何以然凡物之輕火煨者其味皆鹹澀而所以用煨者非欲去其生剛之性則欲用其鹹澀之味而留性與不留性則其中各有宜否故凡當煨煉而用者皆可因此以類推矣又如藥之性毒者何可不避即如本草所云某有毒某無毒余則甚不然之而不知無藥無毒也故熱者有熱毒寒者有寒毒若用之不當凡能病人者無非毒也即如家常茶飯本皆養人之正味其或過用誤用亦能毒人而况以偏味偏性之藥乎但毒有大小用有權宜此不可不察耳矧附子之性雖云有毒而實無大毒但制得其法用得其宜何毒之有今之人不知其妙且并人參熟地而俱畏之夫人參熟地附子大黃實乃藥中之四維病而至於可畏勢非庸庸所濟者非此四物不可設若逡巡必誤乃事今人直至必不得已而後用附子事已無濟矣事無濟則反罪之將附子為廢物乎嗟夫人之所以生者陽氣耳正氣耳人之所以死者陰氣耳邪氣耳人參熟地者治世之良相也附子大黃者亂世之良將也兵不可久用故良將用於暫亂不可忘治故良相不可缺矧夫附子雖烈而其性扶陽有非硝黃之比硝黃似緩而其性陰泄又非桂附可例華元化曰得其陽者生得其陰者死內經曰門戶不要是倉廩不藏也得守者生失守者死今之人視芒硝大黃若坦途視參附熟地為蛇蝎愚耶知耶

白附子百二 味甘辛大温有小毒其性升能引藥勢上行辟頭風諸風冷氣心疼風痰眩暈帶濁瘰癧小兒驚

風痰播及面鼻遊風野班風刺去面痕可作面脂亦治疥癬風瘡陰下濕癢風濕諸病凡欲入藥炮而用之

大黃百二 味苦氣大寒氣味俱厚陰中之陰降也有毒其性推陳致新直走不守奪土鬱滯滯破積聚堅癥

療瘟疫陽狂除班黃譫語滌實緩導瘀血通水道退濕熱開燥結消癰腫固有峻烈成風積垢蕩之頃刻欲速

者生用湯泡便吞欲緩者熟用和藥煎服氣虛同以人參名黃龍湯血虛同以當歸名玉燭散佐以甘草桔梗

可緩其行佐以芒硝厚朴益助其銳用之多寡酌人虛實假實誤用與鳩相類

常山百二 味大苦生寒有毒改温瘧瘧瘧及傷寒寒熱痰結氣逆狂癩癩厥推胸腹多帶邪實氣壯而病瘧

毒及頭項瘰癧鼠瘻
者宜之者老人須人俱當忌用蓋此物性悍善逐痰飲得甘草則上行發吐得大黃則下行發瀉也亦治鬼毒

半夏十三 味大辛微苦氣溫可升可降陽中陰也有毒其質滑潤其性燥濕降痰入脾胃胆經生嚼戟喉制

用生薑下肺氣開胃健脾消痰飲痞滿止欬嗽上氣心痛脇痛除嘔吐反胃霍亂轉筋頭眩腹脹不眠氣結痰

核腫突去痰厥頭痛散風閉喉痞治脾濕泄瀉遺精帶濁消癰疽腫毒殺蜈蚣蜂蠆蟲毒性能墜胎孕婦雖忌

然胃不和而嘔吐不止加薑汁微炒但用無妨若消渴煩熱及陰虛血證最忌勿用李時珍曰半夏能主痰

飲及腹脹者為其體滑味辛而性溫也滑則能潤辛溫能散亦能潤故行濕而通大便秘而泄小便所謂辛

走氣能化液辛以潤之是矣丹溪曰二陳湯能使大便潤而小便長成聊攝云半夏辛而散行水而潤腎燥又

局方用半硫丸治老人虛秘皆取其滑潤也世俗皆以半夏南星為性燥誤矣濕去則土燥痰涎不生非二物

之性燥也古方治咽痛喉痺吐血下血多用二物非禁劑也二物亦能散血故破傷打撲皆主之

南星百三 味苦辛氣溫可升可降陽中陰也性烈有毒薑汁制用善行脾肺墜中風實痰利胸膈下氣攻堅

積治驚癇散血墜胎水磨蝱蛇蟲咬毒醋調散腫破傷風金瘡折傷瘀血宜搗傅之功同半夏酌用可也

膽星百三 七製丸製者方佳降痰因火動如神治小兒急驚必用總之實痰實火壅閉上焦而氣喘煩躁焦

渴脹滿者所當必用較之南星味苦性涼故善解風痰熱滯

射干百三 味苦性寒有毒陰也降也治咳逆上氣喉痺咽疼散結氣不得息除胸腹邪熱脹滿清肝明目消

積痰結核痘癩熱疔降實火利大腸消瘀血通女人經閉若酒磨塗可消腫毒

大戟百三 味苦大寒有毒反甘草性峻利善逐水邪痰涎瀉濕熱脹滿消急痛破癥結下惡血攻積聚通二便

殺蠱毒藥毒療天行瘟疫黃病及頸腋癰腫然大能瀉肺損真氣非有大實堅者不宜輕用若中其毒惟葛蒲
可以解之

甘遂百三 味苦性寒有毒反甘草專於行水能直達水結之處如水結胸者非此不除若留痰留飲宿食癥堅積聚無不能逐故善治腹脚陰囊腫脹去面目浮腫通二便瀉膀胱濕熱及痰逆癩癩噎膈痞塞然性烈傷陰不宜妄用

芫花百三十六 味甘 味苦微溫有毒專逐五藏之水去水飲寒痰痲痺脇下痛咳逆上氣心腹肢體脹滿瘡瘡鬼瘡

濕毒寒毒蠱毒肉毒蟲毒魚毒除疔瘰癧腫逐惡血消咽腫根療瘡疥亦可毒魚若搗汁浸線亦能繫落痔瘡惟其多毒虛者不可輕用

玉簪百三 味甘辛性寒有小毒用根搗汁解一切諸毒下一切骨哽塗消癰瘍婦人乳癰初起 但取根搗酒

服之仍以渣傅腫處即消然性能損齒故亦可落齒取牙

鳳仙花百三 味微苦性微溫有小毒子名急性子治產難下胎消積塊開噎膈下骨哽亦善透骨通竅故又名透骨草若欲取牙但用子研末入砒少許點在牙根即可取之然此不生蟲蠹即蜂蝶亦不近似非無毒者

也

蓖麻子百三 味甘辛性熱有毒能逐風散毒療口眼喎斜失音口噤腫毒丹瘤鍼刺入肉止痛消腫追膿拔

毒俱可研貼若治舌腫喉痺宜研爛紙捲燒烟薰吸立通催生下胎可同麝香巴豆研貼臍中李時珍曰一人

病偏風手足不舉用此油同羊脂麝香穿山甲前膏日摩數次兼服搜風養血之藥而愈一人病手臂一塊腫

痛用此搗膏貼之一夜而愈一人病氣鬱偏頭痛用此同乳香食鹽搗貼太陽一夜痛止一婦產後子腸不收

搗仁貼其丹田一夜而上此藥外用屢奏奇效但內服不可輕率爾或云搗膏以筋點於鵝鴨六畜舌根下即

不能食點於肛門內即下血死其毒可知凡服蓖麻者一生不得食炒豆犯之必脹死

續隨子百四十 味辛性溫有毒能逐瘀血消痰飲食積癥瘕疔瘰癧除蠱毒鬼疰水氣冷氣心腹脹滿疼

痛腹內諸疾利大小腸祛惡滯及婦人血結血閉瘀血等證研碎酒服不過三顆當下惡物甚者十五粒若瀉多

以酸漿水或薄醋粥食之即止亦可研塗疥癬惡瘡此物之功長於逐水殺蟲是亦甘遂大戟之流也
木鱉子似栝味苦微甘微辛氣雄劣性大寒有大毒本草言其甘溫無毒謬也今見毒狗者能斃之於頃刻
使非大毒而有如是乎人若食之則中寒發噤不可解救按劉續霏雪錄云木鱉子有毒不可食昔一薊門人
有兩子患痞食之相繼皆死此不可不慎也若其功用則惟以醋磨用敷腫毒乳癰痔漏腫痛及喉痺腫痛用
此醋漱於喉間引痰吐出以解熱毒不可嚥下或同珠砂艾葉捲筒薰疥殺蟲最效或用熱麻油擦癬亦佳
番木鱉味極苦性大寒大毒功用與木鱉大同而寒烈之性尤甚

水石草部

石斛百四十一 此藥有二種力皆微薄圓細而肉實者味甘而淡其力尤薄本草云圓細者為上且謂其益精

強陰壯筋補虛健脚膝酸冷痺却驚悸定心志但此物性味最薄焉能滋補如此惟是扁大而鬆形如釵股者

頗有苦味用除脾胃之火去饋雜善飢及營中蘊熱其性輕清和煖有從容分解之妙故能退火養陰除煩清

肺下氣亦止消渴熱汗而諸家謂其厚腸胃健陽道煖水臟豈苦涼之性味所能也不可不辨

葛蒲百四十二 味辛微苦性溫散風寒濕痺除煩悶逆上氣止心腹痛霍亂轉筋癱瘓客忤開心氣胃氣行滯

氣通九竅益心智明目去頭風淚下出聲音溫腸胃煖丈夫水藏婦人血海禁止小便辟邪逐鬼及中惡卒

死殺蟲療惡瘡瘰癧疥欲散癰毒宜搗汁服用渣貼之若治耳痛宜作末炒熱絹裹置之亦解巴豆大戟等毒

蒲黃百四十三 味微甘性微寒解心腹膀胱煩熱疼痛利小便善止血涼血活血消瘀血治吐血衄血痢血尿血

通婦人經脉止崩中帶下月經不調妊婦胎漏墜胎血運血癥兒枕氣痛及跌撲血悶療瘡瘍消舌腫排膿消

毒亦下乳汁亦止洩精凡欲利者宜生用欲固者宜炒熟用

澤瀉百四十四 味甘淡微鹹氣微寒氣味頗厚沉而降陰也陰中微陽入足太陽少陽其功長於滲水去濕故能

行痰飲止嘔吐瀉痢通淋瀝白濁大利小便瀉伏火收陰汗止尿血療難產心痛脚氣腫脹引藥下行經云除

濕止渴聖藥通淋利水仙丹第其性降而利善耗真陰久服能損目痿陽若濕熱壅閉而目不明者此以去濕

故亦能明目

海藻百四十五 海帶 昆布性用略同 味苦鹹性微寒陰也降也善降氣清熱消膈中痰壅故善消頸項癭

瘤結核及癰腫癥積利小便逐水氣治濕熱氣急腹中上下雷鳴療偏墜疝氣疼痛消奔豚水氣浮腫及百邪

鬼魅熱毒

骨碎補^{百四} 味微苦性温平乃足少陰厥陰肝腎藥也能活血止血補折傷瘡骨中邪毒風熱疼痛及痢後下虛或遠行或房勞或外感風濕以致兩足痿弱疼痛俱宜以四斤丸補陰藥之類佐而用之或炒熟研末用猪腰夾煨空心食之能治耳鳴及腎虛久痢牙疼

竹木部

竹瀝^{百四} 味甘性微涼陰也降也治暴中風痰失音不語胸中煩熱止煩悶消渴丹溪曰凡風痰虛痰在胸

膈使人癲狂及痰在經絡四肢皮裏膜外者非此不達不行

淡竹葉^{百四} 味甘淡氣平微涼陰中微陽氣味俱輕清上氣效逆喘促消痰涎解熱狂退虛熱煩躁不眠壯

熱頭痛止吐血專涼心經亦清脾氣却風熱止煩渴生津液利小便解喉痹并小兒風熱驚癇

淡竹茹^{百四} 味甘微涼治肺痿唾痰唾血吐血衄血尿血胃熱嘔噎膈婦人血熱崩淋胎動及小兒風熱

癲癩痰氣喘效小水熱濕

天竹黃^{百五} 味甘辛性涼降也陰中有陽善開風痰降熱痰治中風失音痰滯胸膈煩悶癲癩清心火鎮心

氣醒脾疏肝明目安驚悸療小兒風痰急驚客忤其性和緩最所宜用亦治金瘡并內熱藥毒

官桂^{百五} 味辛甘氣大熱陽中之陽也有小毒必取其味甘者乃可用桂性熱善於助陽而尤入血分四肢

有寒疾者非此不能達桂枝氣輕故能走表以其善調營衛故能治傷寒發邪汗療傷風止陰汗肉桂味重故

能溫補命門堅筋骨通血脈治心腹寒氣頭疼效嗽鼻鼾霍亂轉筋腰足臍腹痛一切沉寒痼冷之病且桂

為木中之主故善平肝木之陰邪而不知善助肝胆之陽氣惟其味甘故最補脾土凡肝邪尅土而無火者用

此極妙與參附地黃同用最降虛火及治下焦元陽虧之與當歸川芎同用最治婦人產後血瘀兒枕腹痛及

下兒痘疹虛寒作瘡不起雖善墜胎動血用須防此二證若下焦虛寒法當引火歸元者則此為要藥不可誤

執

丁香百五 味大辛氣溫純陽入腎胃肺臟能發諸香辟惡去邪溫中快氣治上焦呢逆翻胃霍亂嘔吐解酒

毒消瘴癘奔豚陰寒心腹脹滿冷痛煖下焦腰膝寒疼壯陽道抑陰邪除胃寒瀉痢殺鬼疰蠱毒疳蝕諸蟲辟
口氣堅齒牙及婦人七情五鬱小兒吐瀉痘瘡胃寒灰白不發

白檀香百五 味辛氣溫能散風熱辟穢惡邪氣消腫毒逐鬼魅煎服之可散冷氣止心腹疼痛定霍亂和胃

氣開噎膈止嘔吐進飲食又治面生黑子每晚以熱水洗拭磨汁塗之甚良

沉香百五 味辛氣微溫陽也可升可降其性煖故能抑陰助陽扶補相火其氣辛故能通天徹地條達諸氣

除轉筋霍亂和噤口瀉痢調嘔逆胃翻喘急止心腹脹滿疼痛破癥癖瘰癧寒痰和脾胃逐鬼疰惡氣及風濕骨

節麻痺皮膚瘙癢結氣

烏藥百五 氣味辛溫善行諸氣入脾胃肝腎三焦膀胱諸經瘰癧中惡鬼氣蠱毒開胸膈除一切冷氣止心腹

疼痛喘急霍亂反胃脹滿溫腸胃行宿食止瀉痢除天行疫瘴氣厥頭痛膀胱腎氣攻衝心腹疝氣脚氣癰疽

疥癩及婦人血氣小兒蟲積亦止小便頻數氣淋帶濁并猫犬百病俱可磨汁灌治之

枸杞百五 味甘微辛氣溫可升可降味重而純故能補陰陰中有陽故能補氣所以滋陰而不致陰衰助陽

而能使陽旺雖諺云離家千里勿食枸杞不過謂其助陽耳似亦未必然也此物微助陽而無動性故用之以

助熱地最妙其功則明目壯神魂添精固髓健骨強筋善補勞傷尤止消渴真陰虛而臍腹疼痛不止者多

用神效

地骨皮百五 枸杞根也南者苦味輕微有甘辛北者大苦性劣入藥惟南者為佳其性辛寒善入血分肝腎

三焦胆經退陰虛血熱骨蒸有汗止吐血衄血解消渴瘵肺腎胞中陰虛伏火煎湯漱口止齒血凡不因風寒

而熱在精髓陰分者最宜此物涼而不峻可理虛勞氣輕而辛故亦清肺假熱者勿用

厚朴百五 味苦辛氣大溫氣味俱厚陽中之陰可升可降有小毒用此者用其溫降散滯制用薑汁炒治霍

亂轉筋消痰下氣止咳嗽嘔逆吐酸殺腸藏諸蟲宿食不消去結水破宿血除寒濕瀉痢能煖脾胃善走冷氣總之逐實邪瀉彭脹散結聚治胸腹疼痛之要藥倘本元虛弱誤服脫人真氣孕婦忌用墜胎須知

棗仁百五 味微甘氣平其色赤其肉味酸故名酸棗其仁居中故性主收斂而入心多眠者生用不眠者炒

用宜心志止虛汗解渴去煩安神養血益肝補中收斂魂魄

杜仲百六 味甘辛淡氣溫平氣味俱薄陽中有陰其功入腎用薑汁或鹽水潤透炒去絲補中強志壯腎添

精腰痛殊功足疼立效除陰囊寒濕止小水夢遺因其氣溫故煖子宮因其性固故安胎氣內熱火盛者亦當

緩用

山茱萸百六 味酸溫主收斂氣平微溫陰中陽也入肝腎二藏能固陰補精煖腰膝壯陰氣濕帶濁節小便

益髓興陽調經收血若脾氣太弱而畏酸者姑暫止之或和以甘草煨薑亦可

蘇木百六 味微甘微辛性溫平可升可降乃三陰經血分藥也少用則和血活血多用則行血破血主婦人

月經不調心腹作痛血癖氣壅凡產後血瘀脹悶勢危者宜用五兩水煮濃汁服之亦消癰腫死血排膿止痛

及打撲瘀血可敷若治破傷風宜為末酒服立效

川椒百六 味辛性熱有小毒本純陽之物其性下行陽中有陰也主溫中下氣開通腠理解肌表寒邪除藏

府冷痛去胸腹留飲停痰宿食解鬱結溫脾胃止欬逆嘔吐逐寒濕風痛療傷寒溫瘧水腫濕疸除齒痛煖腰

膝收陰汗縮小便溫命門止泄瀉下利遺精脫肛殺蝨蟲鬼疰蠱毒蛇蟲諸毒久服之能通神明實腠理和血

脈堅齒牙生鬚髮明目調關節耐寒暑若中其毒惟冷水麻仁漿可以解之

胡椒百六 味辛性大熱純陽也善走氣分溫中下氣煖腸胃消宿食辟臭惡除寒濕寒痰寒飲吐水止反胃

嘔吐霍亂虛寒脹滿心腹疼痛去冷積陰毒壯腎氣治大腸寒滑冷痢殺一切蟲魚蟹蠶諸藥食陰凝之毒若

治風蟲牙痛須同萆薢為末熔蠟為細丸塞孔中即愈

陰治脫甘可補中益氣故善理夢遺精滑及崩淋帶漏止吐血衄血生津液安魂魄收虛汗斂虛火益精髓壯筋骨補五臟養血氣平欬定喘急療怔忡驚悸止脾洩血痢及小水不禁此固陰養陰之佳品而人之忽之亦久矣此後咸宜珍之

槐蓋百六

味苦性寒清心肺脾肝大腸之火除五內煩熱心腹熱疼療眼目赤痛熱淚炒香嚼嚙治失音喉痹止吐血衄血腸風下血婦人崩中漏下及皮膚風熱涼大腸殺疳蟲治癰疽瘡毒陰瘡濕癢痔漏解楊梅惡瘡下疳伏毒大有神效

相子仁百六

味甘平性微涼能潤心肺養肝脾滋腎燥安神魂益志意故可定驚悸怔忡益陰氣美顏色療虛損益血止汗潤大腸利虛秘亦去百邪鬼魅小兒驚癇總之氣味清香性多潤滑雖滋陰養血之佳劑若欲培補根本乃非清品所長

枳殼百六

即枳實之遲收而大者較之枳實其氣略散性亦稍緩功與枳實大類但枳實性重多主下行削堅而此之氣清故多主上行破氣通利關節脾胃平肺氣止嘔逆反胃霍亂欬消痰消食破心腹結氣癥瘕瘰癧開胸脇脹滿痰滯逐水腫水濕瀉痢腸風痔漏肛門腫痛因此稍緩故可用之東胎安胎是熱可熨痔腫虛者少用恐傷元氣

枳實百六

味苦微酸微寒氣味俱厚陰中微陽其性沉急於枳殼除脹滿消宿食削堅積化稠痰破滯氣平欬喘逐瘀血停水解傷寒結胸去胃中濕熱佐白朮亦可健脾佐大黃大能推蕩能損真元虛羸勿用

蔓荊子百七

味苦辛氣清性溫升也陽也入足太陽陽明厥陰經主散風邪利七竅通關節去諸風頭痛腦鳴頭沉昏悶搜肝風止目睛內痛淚出明目堅齒療筋骨間寒熱濕痺拘攣亦去寸白蟲

五加皮百七

味辛性溫除風濕行血脈壯筋骨明目下氣治骨節四肢拘攣兩脚痺痛風弱五緩陰痿囊濕

疝氣腹痛小便遺瀝女人陰癢凡諸浸酒藥惟五加皮與酒相合大能益人且味美也仙家重此謂久服可以長生故曰寧得一把五加不用金銀滿車雖未必然然亦必有可貴者

川棟子百七 味苦性寒有小毒陰也能治傷寒瘟疫煩熱狂躁利小水瀉肝火小腸膀胱濕熱諸疝氣疼痛

殺三蟲疥癩亦消陰痔丸散湯藥任意可用甄權言其不入湯則失之矣 苦楝根 味大苦殺諸蟲尤善逐

蛇刺大腸治遊風熱毒惡瘡苦酒和塗疥癬甚良

女貞子百七 味苦性涼陰也降也能養陰氣平陰火解煩熱骨蒸止虛汗消渴及淋濁崩漏便血尿血陰瘡

痔漏疼痛亦清肝火可以明目止淚

桑白皮百七 味甘微辛微苦氣寒氣味俱薄升中有降陽中有陰入手太陰肺藏氣寒味辛故瀉肺火以其

味甘故緩而不峻止喘嗽吐血亦解渴消痰除虛勞客熱頭痛水出高原故清肺亦能利水去寸白蟲殺腹藏

諸蟲研汁治小兒天吊驚癇客忤及傳鵝口瘡大效作線可縫金瘡既瀉肺實又云補氣則未必然

黃蘗百七 味苦微辛氣寒陰中微陽降也善降三焦之火制各以類但其性多沉尤專肝腎故曰足少陰本

經足太陽厥陰之引經也清胃火嘔噦吐蟲除伏火骨蒸煩熱去腸風熱痢下血逐二便邪火結淋上可解熱

渴口瘡喉痺癰瘍下可去足膝濕熱疼痛痿廢此其性寒潤降去火最速丹溪言其制伏龍火補腎強陰然龍

火豈沉寒可除水枯豈苦劣可補陰虛水竭得降愈亡撲滅元陽莫此為甚水未枯而火盛者用以抽薪則可

水既竭而枯熱者用以補陰實難當局者慎勿認為補劑○予嘗聞之丹溪曰火有二君火者人火也心火也

可以濕伏可以水滅可以直折黃連之屬可以制之相火者天火也龍雷之火也陰火也不可以水濕折之當

從其性而伏之惟黃柏之屬可以降之按此議論若有高見而實矯強之甚大是誤人夫所謂從其性者即內

經從治之說也經曰正者正治從者反治正治者謂以水制火以寒治熱也從治者謂以火濟火以熱治熱也

亦所謂甘溫

者俱宜黃連又豈非膀胱大腸下部藥乎治舌瘡口瘡者俱宜黃柏又豈非心脾上部藥乎總之黃連黃柏均
以大苦大寒之性而曰黃連為水黃柏非水黃連為瀉黃柏為補豈理也哉若執此說誤人多矣誤人多矣

梔子百七 味苦氣寒味厚氣薄氣浮味降陰中有陽因其氣浮故能清心肺之火解消渴除熱鬱療時疾躁

煩心中懊懷熱悶不得眠熱厥頭疼耳目風熱赤腫痠痛霍亂轉筋因其味降故能瀉肝腎膀胱之火通五淋

治大小腸熱秘熱結五種黃胆三焦鬱火臍下熱鬱疝氣吐血衄血血痢血淋小腹損傷瘀血若用佐使治有

不同加茵陳除濕熱黃疸加豆豉除心火煩躁加厚朴枳實可除煩滿加生薑陳皮可除嘔噦同玄胡索破熱

滯瘀血腹痛此外如面赤酒皸熱毒湯火瘡瘍腫痛皆所宜用仲景因其氣浮而苦極易動吐故用為吐藥以

去上焦痰滯丹溪謂其解鬱熱行結氣其性屈曲下行大能降火從小便泄去人所不知

郁李仁百七 味苦辛陰中有陽性潤而降故能下氣消食利水道消面目四肢大腹水氣浮腫開腸中結氣

滯氣關膈燥濕大便不通破血積食癖凡婦人小兒實熱結燥者皆可用

訶子百七 味苦酸澀氣溫苦重酸輕性沉而降陰也能消宿食膨脹止嘔吐霍亂定喘止嗽破結氣安久痢

止腸風便血降痰下氣開滯澀腸通達津液療女人崩中胎漏帶濁經亂不常若久痢肛門急痛或產婦陰痛

者宜和蠟燒煙薰之或煎湯薰洗亦可若痰嗽咽喉不利宜含數枚噉津殊效其有上焦元氣虛陷者當避其

苦降之性

側柏百七 味苦氣辛性寒善清血涼血止血衄血痢血尿血崩中赤白去濕熱濕痺骨節疼痛搗爛可傳

火丹散疔腮腫痛熱毒及湯火傷止痛滅瘢疔搗可署凍瘡燒汁塗髮可潤而使黑

辛夷百八十 一名迎春 一名木筆 氣味辛溫乃手太陰足陽明之藥能解寒熱憎寒口噤散風熱利九竅除頭風腦

痛眩冒瘡癢癩面腫引齒疼痛若治鼻塞涕出鼻淵鼻軌鼻瘡及痘後鼻瘡並宜為末入麝香少許以葱白蘸藥點入數次甚良

藥點入數次甚良

皂角一百八 氣味辛鹹性溫有小毒善逐風痰利九竅通關節治頭風殺諸蟲精物消穀道痰除效嗽心腹氣

結痰痛脹滿閉中風口噤治咽喉痺塞腫痛行肺滯通大腸秘結墜胎破堅癥消腫毒及風癬疥癩燒烟薰脫

肛腫痛可為丸散不入湯藥

巴豆二百八 味辛性熱有大毒可升可降善開闕竅破癥堅積聚逐痰飲殺諸惡毒蟲毒蠱毒通秘結消宿食

攻藏府停寒生冷壅滯心腹疼痛瀉痢驚癇諸水氣證氣下活胎死胎逐瘀血積及消癰瘍疔毒惡瘡去瘰

肉惡肉腐肉排膿消腫喉痹牙疼諸證然其性剛氣烈無處不到故稱為斬關奪門之將若誤用之則有推牆

倒壁之虞若善用之則有助亂調中之妙用者所當慎察

靈蒙花三百八 味甘平性微寒入肝經潤肝燥專理目疾瘡者自去赤腫多淚消目中赤脈膚翳羞明畏日及

小兒瘡痘疔氣攻目風熱糜爛雲翳遮睛制用之法宜蜜酒拌蒸三次日乾用

雷丸四百八 味苦性寒有小毒殺三蟲逐蠱毒諸毒降胃中實熱痰火癩狂除百邪惡氣并一應血積氣聚

大楓子五百八 味辛性熱有毒能治風癱疥癩攻毒殺蟲亦療楊梅諸瘡

蕪荑六百八 味辛平性溫主心腹冷氣癥積疼痛散肌膚風濕淫淫如蟲行殺三蟲去寸白及諸惡蟲毒瘰腸

風痔漏惡瘡和猪脂搗塗熱瘡和蜜可治濕癬

茯苓七百八 味甘淡氣平性降而滲陽中陰也有赤白之分雖本草言赤瀉而丁白入壬癸然總不失為泄物

故能利竅去濕利竅則開心益智導濁生津去濕則逐水燥脾補中健胃祛驚癇厚腸藏治痰之本助藥之降

以其味有微甘故曰補陽但補少利多故多服最能損目久弱極不相宜若以人乳拌曬乳粉既多補陰亦妙

從神八百八 附根而生近故能入心經通心氣補健忘止恍惚驚悸雖本草所言如此然總不外於滲降之物

與茯苓無甚相遠也

猪苓九 味微苦甘氣平陽中陰也性善降滲入膀胱腎經通淋消水腫除濕利小便因其苦故能泄滯因

其淡故能利竅亦解傷寒濕熱腳氣白濁亦治妊娘子淋胎腫

桑寄生十 味苦性涼主女子血熱崩中胎漏固血安胎及產後血熱諸疾去風熱濕痺腰膝疼痛長鬚眉

堅髮齒涼小兒熱毒癰疔瘡癩

琥珀百九 味甘淡性平安五臟清心肺定魂魄鎮癩癩癩殺邪鬼精魅消痰血痰涎解蠱毒破癥結通五淋利

小便明目磨翳止血生肌亦合金瘡傷損

松香百九 味苦辛溫治癰疽惡瘡頭瘍白瘡風濕疥癬酒煮糊丸可治歷節風痛亦治婦人崩帶煎膏則活

血生肌排膿止痛塞牙孔殺蟲傳刺入肉中自出加銅末研搽大治金瘡折傷

乳香百九 味苦辛性溫微熱辟邪惡諸氣治霍亂通血脈止大腸血痢疼痛及婦人氣逆血滯心腹作痛消

癰疽諸毒托裏護心活血定痛舒筋脈療折傷煎膏止痛長肉

沒藥百九 味苦氣平能破血散血消腫止痛療金瘡杖瘡諸惡瘡痔漏癰腫破宿血癥瘕及墜胎產後血氣

作痛凡治金刃跌墜損傷筋骨心腹血瘀作痛者並宜研爛熱酒調服則推陳致新無不可愈

阿魏百九 味苦辛性熱有毒其氣辛臭乃能辟奪臭氣逐瘟疫瘡瘧傳尸鬼氣惡氣瘴霍亂隔噎癰疔心腹

疼痛殺諸小蟲牙蟲破癥積消癖塊除蠱毒及一切葷菜牛羊魚肉諸毒或散或丸隨意可服

樟腦百九 味辛微苦性熱善通關竅破滯氣辟中惡邪氣治疥癬殺蟲除蠹著鞞中去脚氣燒烟薰衣篋席

蠶除蚤虱壁虱北方新生小貓極多跳蚤用此拌麵研勻搽擦之則盡落無遺亦妙方也

龍腦百九 味微甘大辛敷用者其涼如冰而氣雄力銳性本非熱陽中有陰也善散氣散血散火散滯通

竅辟惡逐心腹邪氣療喉痺腦痛鼻癢齒痛傷寒舌出小兒風痰邪熱急驚痘疔黑陷凡氣壅不能開達者咸

宜佐使用之亦通耳竅散目熱去目中赤膚翳障逐三蟲消五痔療一切惡瘡聚毒下疳痔漏痰痛亦治婦人

氣逆難產研末少許新汲水服之則下以熱酒服之則能殺人凡用此者宜少而暫多則走散真氣大能損人血竭百九味甘鹹微溫性平善破積血止痛生肌療金瘡折傷打損血瘀疼痛內傷血逆婦人血氣凝滯亦能生血補虛俱可為末酒服并治一切惡瘡癬疥久不合口然性能引膿不宜多用

蘆薈百九味大苦性大寒氣味俱厚能升能降除風熱煩悶清肺胃鬱火涼血清肝明目治小兒風熱急驚

癩癩五疳熱毒殺三蟲及痔漏熱瘡單用殺疔虻吹鼻治腦疔鼻熱鼻癢鼻痔研末傅齒牙同甘草敷濕癬殺蟲出黃水極妙

乾漆二百味辛性溫有毒能療絕傷續筋骨殺三蟲去虻蟲削年深堅結之積滯破日久凝聚之瘀血用須

炒熟入藥不爾損人腸胃若外著其毒而生漆瘡者惟杉木湯紫蘇湯蟹湯浴之可解或用香油調鐵銹塗之

蘇合油二百味甘辛性溫能辟邪惡諸氣殺鬼魅蠱毒蟲毒癩癩溫瘧止氣逆疼痛亦通神明可除夢魘

孩兒茶二百味苦微溫性涼能降火生津清痰涎效嗽治口瘡喉痺煩熱止消渴吐血衄血便血尿血濕熱

痢血及婦人崩淋經血不止小兒疳熱口疳熱瘡濕爛諸瘡斂肌長肉亦殺諸蟲

穀部

麥芽二百味甘微鹹氣溫善於化食和中破冷氣消一切米麵諸果食積去心腹脹滿止霍亂除煩熱消痰

飲破癥結寬腸下氣病久不食者可借此穀氣以開胃元氣中虛者母多用此以消腎亦善催生落胎單服二

兩能消乳腫其耗散血氣如此而脾胃虛弱飲食不消方中每多用之何也故婦有胎妊者不宜多服

神麩二百味甘氣平炒黃入藥善助中焦土臟健脾煖胃消食下氣化滯調中逐痰積破癥瘕運化水穀除

霍亂脹滿嘔吐其氣腐故能除濕熱其性澀故又止瀉痢療女人胎動因滯治小兒腹堅因積若婦人產後欲

回乳者炒研酒服二錢日二卽止甚驗若閃挫腰痛者萍酒溫服最良

白扁豆二百味甘氣溫炒香用之補脾胃氣虛和嘔吐霍亂解河豚酒毒止瀉痢溫中亦能清暑治消渴飲

用輕清緩補者此為最當

薏仁二百

味甘淡氣微涼性微降而滲故能去濕利水以其去濕故能利關節除脚氣治痿弱拘攣濕痺消

水腫疼痛利小便熱淋亦殺蛇蟲以其微降故亦治欬嗽唾濃利膈開胃以其性涼故能清熱止煩渴上氣但其功力甚緩用為佐使宜倍

綠豆二百

味甘性涼能清火清痰下氣解煩熱止消渴安精神補五臟陰氣去胃火吐逆及吐血衄血尿血

便血濕熱瀉痢腫脹利小水療丹毒風疹皮膚燥濕大便結消癰腫痘毒湯火傷痛解酒毒鴆毒諸藥食牛馬金石毒尤解砒霜大毒或用囊作枕大能明目并治頭風頭痛

粟穀二百

味微甘性多溫泡去筋膜醋拌炒用甚固大腸久痢滑瀉必用須加甘補同煎久虛欬嗽劫藥欲

用須辨虛實脫肛遺精俱所當用濕熱下痢乃非所宜

麻仁二百

味甘平性滑利能潤心肺滋五臟利大腸風熱結燥行水氣通小便濕熱秘澀五淋

去積血下氣除風濕頑痺關節血燥拘攣止消渴通乳汁產難催生經脈阻滯凡病多燥澀者宜之若下元不

回及便溏陽痿精滑多帶者皆所忌用

果部

芡實二百

味甘氣平入脾腎兩臟能健脾養陰止渴治腰膝疼痛強志益神聰明耳目補腎固精治小便不

禁遺精白濁帶下延年耐老或散丸或煮食皆妙但其性緩難收奇效

杏仁二百

味苦辛微甘味厚於氣降中有升有毒入肺胃大腸經其味辛故能入肺潤肺散風寒止頭痛退

寒熱咳嗽上氣喘急發表解邪療溫病脚氣其味苦降性最疾觀其澄水極速可知故能定氣逆上衝消胸腹

急滿脹痛解喉痹消痰下氣除驚癩煩熱通大腸氣閉乾結亦殺狗毒佐半夏生薑散風邪效嗽佐麻黃發汗

逐傷寒表邪同門冬乳酥煎膏潤肺治欬嗽極妙同輕粉研勻油調敷廣瘡腫毒最佳尤殺諸蟲牙蟲及頭面

黧斑瘡胞元氣虛陷者弗用恐其沉降太泄

桃仁二一

味苦辛微甘氣平陰中有陽入手足厥陰經去皮尖用善治瘀血血閉血結血燥通血隔破血癥

殺三蟲潤大便逐鬱滯止鬼疰血逆疼痛膨脹癢跌撲損傷若血枯經閉者不可妄用

木瓜二一

味酸氣溫用此者用其酸斂酸能走筋斂能固脫入脾肺肝腎四經亦善和胃得木味之正故尤

專入肝益筋走血療腰膝無力脚氣引經所不可缺氣滯能和氣脫能固以能平胃故除嘔逆霍亂轉筋降痰

去濕行水以其酸收故可斂肺禁痢止煩滿止渴

陳皮二一

味苦辛性溫散氣實痰滯必用留白者微甘而性緩去白者用辛而性速瀉脾胃痰濁肺中滯氣

消食開胃利水通便吞酸噎膈反胃體雜呃逆脹滿堪除嘔吐惡心皆效通達上下解酒除蟲表裏俱具且蠱疽

亦用尤消婦人乳癰并解魚肉諸毒

青皮二一

味苦辛微酸味厚沉也陰中之陽若能去滯酸能入肝又入少陽三焦膽府削堅癖除脇痛解鬱

怒劫疝疏肝破滯氣寬胸消食老弱虛羸戒之弗用

檳榔六二

味辛澀微苦微甘氣微溫味厚氣薄降中有升陰中陽也能消宿食解酒毒除痰癖宣壅滯溫中

快氣治腹脹積聚心腹疼痛喘急通關節利九竅逐五疴奔豚膀胱諸氣殺三蟲除脚氣療諸瘧癘濕邪本

草言其治後重如馬奔此亦因其性溫行滯而然若氣虛下陷者乃非所宜又言其破氣極速較枳殼青皮尤

甚若然則廣南之人朝夕笑啞而無傷又豈破氣極速者總之此物性溫而辛故能醒脾利氣味甘兼澀故能

固脾壯氣是誠行中有留之劑觀鶴林玉露云飢能使之飽飽能使之飢醉能使之醒醒能使之醉於此四句

詳之可得其性矣○其服食之法小者氣烈俱以入藥廣中人惟用其大而扁者以米泔水浸而待用每一枚

切四片每服一片外用細石灰以水調如稀糊亦預制待用時以薑葉一片抹石灰一二分入檳榔一片裹

而嚼服蓋檳榔得石灰則滑而不澀石灰薑葉得檳榔則甘而不辣服後必身面俱煖微汗微醉而胸腹豁然

肉桂或大茴香或陳皮俱可代用少抹石灰夾而食之然此三味之功多在石灰葉業以其能燥脾胃也然必得檳榔為助其功始見此物理相成之妙若有不可意測者一大約此物與烟性略同但烟性峻勇用以散表逐寒則烟勝於此檳榔稍緩用以和中煖胃則此勝於烟二者皆壯氣辟邪之要藥故滇廣中人不可一日少也○又習俗之異在廣西用老檳榔滇中人用清嫩檳榔廣東人多在連殼醃檳榔亦各得其宜耳

烏梅^二

味酸濕性温平下氣除煩熱止消渴吐逆反胃霍亂治虛勞骨蒸解酒毒斂肺癰肺痿欬喘急

消癰疽瘡毒喉痹乳蛾濕腸止冷熱瀉痢便血尿血崩淋帶濁遺精夢泄殺蟲伏虻解蟲魚馬汗硫黃毒和紫蘇煎湯解傷寒時氣瘴瘧大能作汗取肉燒存性研末傳金瘡惡瘡去腐肉努肉死肌一夜立盡亦奇方也

山查^二

味甘微酸氣平其性善於消滯用此者用其氣輕故不甚耗真氣善消宿食痰飲吞酸去瘀血疼痛行結滯臑脹潤腸胃去積塊亦去頑疝仍可健脾小兒最宜亦治瘡疹婦人產後兒枕痛惡露不盡者煎

汁入沙糖服之立效煮汁洗漆瘡亦佳腸滑者少用之

甜瓜蒂^二

一名苦丁香

味苦性寒有毒陰中有陽能升能降其升則吐善涌濕熱頑痰積飲去風熱頭痛癩癩

喉痹頭目眩暈胸膈脹滿并諸惡毒在上焦者皆可除之其降則瀉善逐水濕痰飲消浮腫水膨殺蠱毒蟲毒凡積聚在下焦者皆能下之蓋其性峻而急不從上出即從下出也若治鼻中瘻肉不聞香臭當同麝香細辛

為末以絲裏塞鼻中日一換之當漸消縮

大腹皮^二

味微辛性微温主冷熱邪氣下一切逆氣滯氣攻衝心腹大腸消痰氣吞酸痞滿止霍亂逐水

氣浮腫脚氣瘴瘧及婦人胎氣惡阻脹悶並宜加薑鹽同煎凡用時必須酒洗炒過恐有其鴆鳥毒也

吳茱萸^二

味辛苦氣味俱厚升少降多有小毒能助陽健脾治胸膈停寒脹滿痞塞化滯消食除吞酸嘔

逆霍亂心腹蓄冷中惡絞痛寒痰逆氣殺諸蟲鬼魅邪症及下焦肝腎膀胱寒疝陰毒疼痛止痛瀉血痢厚腸

胃去濕氣腸風痔漏脚氣水腫然其性苦善降若氣陷而元氣虛者當以甘補諸藥制而用之

菜部

山藥_{二二} 味微甘而淡性微濕所以能健脾補虛濕精固腎治諸虛百損療五勞七傷第其氣輕性緩非堪

專任故補脾肺必主參朮補腎水必君菜地濕帶濁須破故紙同研固遺泄仗兔絲子相濟諸凡固本丸藥亦宜搗末為糊總之性味柔弱但可用為佐使

乾薑_{二二} 味辛微苦性溫熱生者能散寒發汗熟者能溫中調脾善通神明去穢惡通四肢關竅開五藏六

府消痰下氣除轉筋霍亂逐風濕冷痺陰寒諸毒寒痞脹滿腰腹痛撲損瘀血夜多小便孫真人曰嘔家聖藥是生薑故凡脾寒嘔吐宜兼溫散者當以生薑煨熟用之若下元虛冷而為腹疼瀉痢專宜溫補者當以乾薑炒黃用之若產後虛熱虛火盛而唾血痢血者炒焦用之若炒至黑炭已失薑性矣其亦有用以止血者用其黑澀之性已耳若陰盛隔陽火不歸元及陽虛不能攝血而為吐血衄血下血者但宜炒熟留性用之最為止血之要藥若陰虛內熱多汗者皆忌用薑

大茴香_{二二} 味辛氣溫入心腎二藏氣味香甜能升能降最煖命門故善逐膀胱寒滯疝氣腰疼亦能溫胃

止吐調中止痛除霍亂反胃齒牙口疾下氣解毒兼理寒濕脚氣調和諸饌逐臭生香

小茴香_{二二} 氣味略輕治亦同前但大茴性更煖而此則稍溫耳

白芥子_{二二} 味大辛氣溫善開滯消痰療咳嗽喘急反胃嘔吐風毒流注四肢疼痛尤能祛辟冷氣解肌發汗消痰癖瘰癧除脹滿極速因其味厚氣輕故開導雖速而不甚耗氣既能除脇肋皮膜之痰則他近處者不言可知善調五藏亦斂散惡氣若腫毒乳癖痰核初起研末用醋或調傳甚效

蘿蔔子_{二二} 味大辛氣溫氣味俱厚降也善於破氣消痰定喘除脹利大小便有推牆倒壁之功研水攪薄

飲之立止風痰壅出胃有氣食停滯致成鼓脹者非此不除同醋研散大消腫毒中氣不足切忌妄用

葱二二 味辛性溫善散風寒邪氣通關節開腠理主傷寒寒熱天行時疾頭痛筋骨酸疼行氣滯除霍亂轉筋奔豚脚氣陰邪寒毒陽氣脫陷心腹疼痛及蟲積氣積飲食毒百藥毒利大小便下痢下血小兒盤腸內釣婦人溺血通乳汁散乳癰消癰疽腫毒擣卷傷寒結胸及金瘡折傷血瘀血出疼痛不止塗獺犬傷亦制蚯蚓毒

蒜二二 味辛性溫有小毒善理中溫胃行滯氣辟肥膩開胃進食消寒氣寒痰麵積食積魚肉諸積邪痺膨脹宿滯不安殺溪毒水毒蠱毒蛇蟲毒擣爛可灸癰疽疔腫傳蛇蟲沙虱毒甚良

韭菜二二 味辛甘微溫性溫善溫中安五臟和胃氣健脾氣除濁氣開胃進食祛心腹痼冷瘕癖隔噎滯氣止消渴瀉痢膿血腹中冷痛壯腎氣暖腰膝澀精帶濁俱宜常煮食之大能益人若欲消胃脘瘀血作痛及中風痰厥失音上氣喘急或中飲食藥毒或暴見吐血衄血尿血打撲瘀血婦人經滯血逆上衝心腹或被狂犬蛇蟲惡毒勢在危急者俱宜搗生韭汁服之或從吐出或從內消皆得愈也或用煎湯煮產婦血暈亦可洗

腸痔脫肛

韭子二二 味辛性溫陰中陽也宜炒黃用之主夢泄遺精尿血暖腰膝壯陽道治鬼交補肝腎命門止小便

頻數遺尿及婦人白淫白帶陰寒小腹疼痛

百合二二 味微甘淡氣平功緩以其甘緩故能補益氣血潤肺除嗽定魄安心逐驚止悸緩時痰欬逆解乳

癰喉痺兼治癰疽亦解蠱毒潤大小便消氣逆浮腫仲景用之以治百合證者蓋欲藉其平緩不峻以收失散之緩功耳虛勞之嗽用之頗宜

蒲公英二二三 味微苦氣平獨莖一花者是莖有極者非入陽明太陰少陽厥陰經同忍冬煎汁少加

酒服滑堅消腫散結核瘰癧最佳破滯氣解毒出毒刺俱妙若婦人乳癰用水酒煮飲以渣封之立消

金箔^{二三}

味辛平性寒生者有毒氣沉質重降也陰也能鎮心神降邪火墜痰涎療風熱上壅吐血衄血神魂飛蕩狂邪躁擾及小兒驚風癩癩痰滯心竅上氣欬喘安魂魄定心志凡邪感於上宜降宜清者皆所當用若陽虛氣陷滑洩精寒者俱當避之

水銀^{二三}

味性辛寒有大毒能利水道去熱毒同黑鉛結砂則鎮墜痰涎同硫黃結砂則療劫危疾極善墜胎殺諸蟲及疥癬癩瘡凡有蟲者皆宜之亦善走經絡透骨髓逐楊梅瘋毒其他內證不宜輕用頭瘡亦不可用恐入經絡必緩筋骨百藥不治也李時珍曰水銀乃至陰之精稟沉著之性得凡火煅煉則飛騰靈變得人氣薰蒸則入骨鑽筋絕陽蝕腦陰毒之物無似之者而大明言其無毒本經言其久服神仙甄權言其還丹元母抱朴子以為長生之藥六朝以下貪生者服食致成廢篤而喪厥軀不知若干人矣方士固不足道本草其可妄言哉水銀但不可服食爾而其治疾之功不可掩也

輕粉^{二三}

味微辛性溫燥有大毒升也陽也治痰涎積聚消水腫鼓脹直達病所尤治癩癧諸毒瘡去腐肉生新肉殺瘡癬疥蟲及鼻上酒齶風瘡瘡癢然輕粉乃水銀加鹽礬升鍊而成其以金火之性燥烈流走直達骨髓故善損齒牙雖善劫痰涎水濕瘡毒涎從齒縫而出邪得劫而暫開病亦隨愈然用不得法則金毒竄入經絡流而不出而傷筋敗骨以致筋掣骨痛癰瘡增滿遂成廢痼其害無窮嘗見丹家升鍊者若稍失固濟則雖以鐵石為鼎亦必爆烈而矧以人之藏府血氣乎陳文中曰輕粉下痰而損心氣小兒不可輕用傷脾敗陽必變他證初生者尤宜慎之

銅青^{二三}

此銅之精華惟醋制者良礪制者毒也味酸溫性收斂善治風眼爛弦流淚合金瘡止血明目

硃砂^{二三}

味微甘性寒有大毒通稟五行之氣其色屬火也其液屬水也其體屬土也其氣屬木也其入屬金也故能通五臟其入心可以安神而走血脈入肺可以降氣而走皮毛入脾可逐痰涎而入肌肉入肝可行

蠱毒鬼魅中惡及瘡瘍疥癬之屬但其體重性急善走善降變化莫測用治有餘乃其所長用補不足及長生久視之說則皆謬妄不可信也若同參耆歸朮兼硃砂以同小兒亦可取效此必其虛中挾實者乃宜之否則不可緊用

銀硃_{心三}

乃水銀同硫黃升煉而成味辛溫有毒破結滯劫痰涎善療瘡癬惡瘡殺蟲毒蝮蛇惟燒烟薰之

或以麋肉拌烟擦之其功尤捷

靈砂_{四百}

味甘性溫主五臟百病養神志安魂魄通血脈明目調和五臟主上盛下虛痰涎壅盛頭眩吐

逆霍亂反胃心腹冷痛升降陰陽既濟水火久服通神明殺精魅惡鬼小兒驚吐其效如神研末糯米糊為丸

棗湯服最為鎮墜神丹也或以陰陽水送下尤妙○按胡演丹藥秘訣云升靈砂法用新鍋安道遙爐上以蜜

搯鍋底文火下燒入硫黃二兩溶化投水銀半斤以鐵匙急攪作青砂頭如有焰起噴醋解之待永不見星取

出細研盛入水火鼎內鹽泥固濟下以自然火升之乾水十二盞為度取出如束鍼紋者成矣

硫黃_{二四}

味苦微酸性熱有毒療心腹冷積冷痛霍亂效逆上氣及冷風頑痺寒熱腰腎久冷脚膝疼痛虛

寒久痢滑洩壯陽道補命門不足陽氣暴絕婦人血結小兒慢驚尤善殺蟲除疥癬惡瘡老人風秘用宜鍊服

亦治陰證傷寒厥逆煩躁腹痛伏將危者以硫黃為末艾湯調服二三錢即可得睡汗出而愈

雄黃_{二四}

味苦甘辛性溫有毒消痰涎治癩癩嵐瘴瘧疾寒熱伏暑瀉痢酒癖頭風眩暈化痰殺精物鬼

疰蠱毒邪氣中惡腹痛及蛇虺百蟲獸毒癬疥疔蟲蠹瘡去鼻中瘰肉癰疽腐肉并鼠瘻廣瘡疽痔等毒欲逐

毒蛇無如燒烟薰之其畏道尤速

自然銅_三

味辛平性涼能療折傷散瘀血續筋骨排膿止疼痛亦鎮心神安驚悸宜研細水飛用或以酒

磨服然性多燥烈雖其接骨之功不可泯而絕無滋補之益故用不可多亦不可專任也

黃丹^{二四} 味辛微鹹微濕性重而收大能燥濕故能鎮心安神墜痰降火治霍亂吐逆咳嗽吐血鎮驚癩癧
狂客忤除熱下氣止癩止痢禁小便解熱毒殺諸蟲毒治金瘡火瘡濕爛諸瘡血溢止痛生肌長肉收陰汗解
狐臭亦去翳障明目

白礬^{二四} 味酸濕性良有小毒所用有四其味酸苦可以涌泄故能吐下痰涎治癩癧黃疸其性收澀可固

脫滑故能治崩淋帶下腸風下血脫肛陰挺斂金瘡止血燒枯用之能止牙縫出血辟狐腋氣收陰汗脚汗其
性燥可治濕邪故能止瀉痢斂浮腫湯洗爛弦風眼其性毒大能解毒定痛故可療癰疽疔腫鼻齕瘻肉喉痺
瘰癧惡瘡疥癬去腐肉生新肉及虎犬蛇蟲蠱毒或丸或散或生或枯皆有奇效

石脂^六 味甘濕性溫平脂有五色而今之人藥者惟赤白二種乃手足陽明足厥陰少陰藥也其味甘而

溫故能益氣調中其性瀉而重故能收濕固下調中則可療虛煩驚悸吐血衄血壯筋骨厚腸胃除水濕黃
疸癰腫瘡毒排膿長肉止血生肌之類是也固下則可治夢泄遺精腸風瀉痢血崩帶濁固大腸收脫肛痔漏
陰瘡之類是也又治產難胞衣不出東垣曰胞衣不出惟濕劑可以下之卽此是也然脂有五種雖在本經言
各隨五色補五臟又云白入氣分赤入血分第五脂之性味略同似亦不必強分者且其性粘如膏故用固爐

鼎甚良

爐甘石^七 味甘濕性溫能止血消腫毒生肌斂瘡口去目中翳膜赤腫收濕爛同龍腦點治目中一切諸

病宜用片子爐甘其色瑩白經火煨而鬆膩味澀者為上制宜炭火煨紅童便淬七次研粉水飛過曬用若煨
後堅硬不鬆不膩者不堪也

蓬砂^八 味鹹微甘陰也降也消痰涎止咳嗽解喉痹生津液除上焦濕熱噎膈癥瘕瘀血退眼目腫痛翳

障口齒諸病骨哽惡瘡或為散丸或噙化嚥津俱可

水^{分二四九} 即宮 味辛性寒有毒善殺蟲墜胎治癰疽瘡毒濕爛諸瘡下疳瘻管不收亦治疥癬是黑

鬚髮雖亦能墜痰消食然惟外證所宜而內傷諸病似亦不宜用之

蜜陀僧^{二百五十} 味鹹平有小毒能鎮心神消痰涎治驚癇咳嗽嘔逆反胃瘧疾下痢止血殺蟲消積聚治諸瘡

腫毒鼻齶面野汗斑金瘡五痔辟狐臭收陰汗脚氣

石膏^{二五} 味甘辛氣大寒氣味俱薄體重能沉氣輕能升陰中有陽欲其緩者煨用欲其速者生用用此者

用其寒散清肅善祛肺胃三焦之火而尤為陽明經之要藥辛能出汗解肌最遠溫暑熱證而除頭痛甘能緩

脾清氣極能生津止渴而却熱煩邪火盛者不食胃火盛者多食皆其所長陽明實熱牙疼太陰火盛痰喘及

陽狂熱結熱毒發斑發黃火載血上大吐大嘔大便熱秘等證皆當速用胃虛弱者忌服陰虛熱者禁膏卷誤

用之則敗陽作瀉必反害人

滑石^{二五} 味微甘氣寒性沉滑降中有升入膀胱大腸經能清三焦表裏之火利六府之濕結分水道逐凝

血通九竅行津液止煩渴除積滯竇大腸治瀉痢淋白濁療黃疸水腫脚氣吐血衄血金瘡出血諸濕爛瘡

腫痛通乳亦佳墜胎亦捷

青礞石^{二五} 味微甘微鹹其性下行降也陰也乃肝脾之藥此藥重墜製以硝石其性更利故能消宿食散

積頑痰治驚癇咳嗽喘急竇鑑言礞石為治痰利驚之聖藥若吐痰在水上以石末摻之痰即隨水而下則其

沉墜之性可知楊士瀛謂其功能利痰然性非胃家所好而王隱君謂痰為百病母不論虛實寒熱藥用滾痰

丸通治百病豈理也哉是以竇痰堅積乃其所宜然久病痰多者必因脾虛人但知滾痰丸可以治痰而不知

虛痰服此則百無一生矣

朴硝^{二五} 味苦鹹辛氣寒陰也降也有毒其性峻速鹹能真堅推逐陳積化金石藥毒去六腑壅滯脹急大

小便不通破瘀血堅癥實痰却濕熱疫痢傷寒脹閉熱狂消癰腫排膿凡屬各經實熱恣可瀉除孕婦忌用最

玄明粉^{二五}

味辛微甘性冷沉也陰也降心火祛胃熱消痰涎平傷寒實熱狂躁去胸膈臟腑宿滯癥瘕通大便秘結陰火疼痛亦消癰疽腫毒

海石^{二五}

味鹹性微寒陽中陰也善降火下氣消食消熱痰化老痰除癭瘤結核解熱渴熱淋止痰嗽喘急消積塊軟堅癥利水濕疝氣亦消瘡腫

花蕊石^{二五}

此藥色如硫黃黃石中間有淡白點故名也李時珍曰此藥舊無氣味今嘗試其氣平其味溫而酸蓋厥陰經血分藥也其功專於止血能使血化為水酸以收之也若治金瘡出血則不必制但刮末傅之

則合仍不作膿及治一切損傷失血又療婦人惡血血暈下死胎落胞衣去惡血血去而胎胞自落也凡入丸散須用鐵固濟火煨過研細水飛用之

代赭石^{二五}

味微甘性涼而降血分藥也能下氣降痰清火除胸腹邪毒殺鬼物精氣止反胃吐血衄血血

痺血痢血中邪熱大人小兒驚癇狂熱入臟腸風痔漏脫精遺尿及婦人赤白帶下難產胞衣不出月經不止俱可為散調服亦治金瘡生肌長肉

礞砂^{二五}

味鹹苦大辛性大熱有毒善消惡肉腐肉生肌傅金瘡生肉去目翳努肉除癩癧疔贅亦善殺蟲毒水調塗之或研末摻之立愈本草言其消瘀血宿食破結氣止反胃肉食飽脹煖子宮大益陽事但此物性

熱大毒能化五金八石人之臟腑豈能堪此故用以治外則可用以服食則不宜也若中其毒惟生綠豆研汁飲一二升乃可解之

青鹽^{二五}

味鹹微甘性涼能降火消痰明目除目痛益腎氣除五臟癥結心腹積聚吐血尿血齒牙疼痛出血殺毒除疥癬諸蟲及斑蝥青諸毒此鹽不經火煉而成其味稍甘雖性與大鹽略同而滋益之功則勝之

石灰^{二六}

味辛溫有毒能止水瀉血痢收白帶白淫可倍加茯苓為丸服之此外如散血定痛傅癰毒消結

去夏留息蒼蒼白白散汗症息勿收脫工套廷段等痛者蟲止金瘡血出生肌長肉或為末可摻或用醋調敷

禽獸部

雞血^{二六}

味鹹性平主療痿痺中惡腹痛解丹毒蠱毒蟲毒鹽溼毒及小兒驚風使結亦能下乳俱宜以熱血服之若為咬人傷宜以熱血浸之 雞冠血治白癩瘋經絡風熱塗顛頰治口喎不正卒灌之治縊死欲絕

及小兒卒驚客忤和酒服發痘最佳塗諸瘡癬蜈蚣蜘蛛馬啗等毒若百蟲入耳宜用熱血滴之

鴨血^{二六}

味鹹微涼善解諸毒凡中金銀丹石砒霜鹽溼毒者俱宜服此解之若野葛毒殺人至死熱飲之入口即解若溺水死者灌之即活蚯蚓咬瘡塗之即愈

虎骨^{二六}

味微辛氣平主百邪惡氣殺鬼精心腹諸痛止驚悸壯筋骨治肢體毒風拘攣走注疼痛辟傷寒溫瘧及惡瘡鼠瘻犬咬諸毒頭骨作枕辟惡夢魘魅置戶上辟鬼崇寇宗奭曰風從虎者風木也虎金也木受

金制安得勿從故可治風病擊急走注風毒癩厥驚癇諸病李時珍曰虎骨通用凡辟邪療驚癇頭風溫瘧瘡疽當用頭骨治手足諸風當用脛骨治腰背諸風當用脊骨亦各從其類也吳球曰虎之一身筋節氣力皆

出前足故以脛骨為勝

象牙^{二六}

味甘氣涼能清心腎之火可療驚悸風狂骨蒸痰熱鬼精邪氣癰毒諸瘡並宜生屑入藥煮服若諸物鯁刺喉中宜磨水飲之竹木刺入肌肉宜刮牙屑和水敷之即出

鹿角膠^{二六}

味甘鹹氣溫大補虛羸益血氣填精髓壯筋骨長肌肉悅顏色延年益壽瘵吐血下血尿精尿血及婦人崩淋赤白帶濁血虛無子止痛安胎亦治折跌損傷瘡瘍腫毒善助陰中之陽最為補陰要藥

鹿茸^{二六}

味甘鹹氣溫破閉塗酥炙黃脆入藥益元氣填真陰扶衰羸瘦弱善助精血尤強筋骨堅齒牙益神志治耳聾目暗頭眩暈補腰腎虛冷脚膝無力夜夢鬼交遺精滑泄小便頻數虛痢尿血及婦人崩中漏

血赤白帶下道家云惟有班龍頂上珠能補玉堂闕下血者即此是也若得嫩而肥大如紫茄者較之鹿角膠

其功力為倍倍

犀角二六

味苦辛微甘氣寒氣味俱輕升也陽也其性靈通長於走散較諸角為甚藥用黑色功力在尖專入陽明清胃火亦施他藏涼心定神鎮驚瀉肝明目能解大熱散風毒陽毒瘟疫熱煩磨汁治吐血衄血下血及傷寒蓄血發狂發黃發斑譫語痘瘡稠密內熱黑陷或不結痂亦散瘡毒癰瘍膿血腫痛殺妖狐精魅鬼症百蟲蠱毒鈎吻鴆羽蛇毒辟瘴瘴山嵐瘴氣其性升而善散故治傷寒熱毒閉表煩熱昏悶而汗不得解者磨尖攪入藥中取汗速如響應仲景云如無犀角以升麻代之者正以此兩物俱入陽明功皆升散今人莫得其解每致疑詞是但知犀角之解心熱而不知犀角之能升散尤峻速於升麻也倘中氣虛弱脈細無神及痘瘡血虛真陰不足等證凡畏汗畏寒畏散者乃所當忌或不得已宜兼補劑用之

羚羊角二六

味鹹性寒羊本火畜而此則屬木善走少陽厥陰二經故能清肝定風行血行氣辟鬼症邪毒安魂魄定驚狂祛癘寐瘳傷寒邪熱一切邪毒中惡毒風卒死昏不知人及婦人子癰強痙小兒驚悸煩悶痰火不清俱宜為末蜜水調服或燒脆研末酒調服之若治腫毒惡瘡磨水塗之亦可

牛黃二七

味苦辛性涼氣平有小毒忌常山入心肺肝經能清心退熱化痰定驚通關竅閉結滯治小兒驚癇客忤熱痰口噤大人癲狂痰壅中風發癲辟邪魅中惡天行疫疾安魂定魄清神志不寧聰耳目壅閉瘳瘡瘡紫色痰厥躁狂亦能墜胎孕婦少用

阿膠二七

味甘微辛氣平微溫氣味俱厚陽中有陰製用蛤粉炒珠入肺肝腎三經其氣溫故能扶勞傷益中氣其性降故能化痰清肺治肺癰肺痿欬唾膿血止嗽定喘其性養血故能止吐血衄血便血尿血腸風下痢及婦人崩中帶濁血淋經脈不調其味甘緩故能安胎固漏養血滋腎實稟理止虛汗托補癰疽腫毒用惟

鬆脆氣清者為佳堅韌臭劣者不美

熊膽二七

味苦性寒能退熱清心療時氣黃疸平肝明目去翳障殺蛇蟻燒牙蟲風痛及小兒熱疳熱痰驚風

其真惟取一粟許置水面如線而下一道不散者是也且凡是諸膽皆能水面辟塵惟此尤速乃亦可辨

麝香二七 味苦辛性溫能開諸竅通經絡透肌骨解酒毒吐風痰消積聚癥瘕散諸惡濁氣除心腹暴痛脹

急救鬼物邪氣魔寐臟腑蟲積蛇蟲毒蠱毒瘡毒沙虱毒及婦人難產尤善墜胎用熱水研服一粒治小兒驚

痛客忤鎮心安神療鼻塞不聞香臭目疾可去翳膜除一切惡瘡痔漏腫痛膿水腐肉面黚斑疹凡氣滯為病

者俱宜用之若鼠咬蟲咬成瘡但以麝香封之則愈欲辨真假但置些須於火炭上有油滾出而成焦黑炭者

肉類也此即香之本體若燃火而化白灰者木類也是即假攙

蟲魚部

龍骨二八 味甘平性收濕其氣入肝腎故能安神志定魂魄鎮驚悸濕腸胃逐邪氣除夜夢鬼交吐血衄血

遺精夢泄收虛汗止瀉痢縮小便禁腸風下血尿血虛滑脫肛女子崩淋帶濁失血漏胎小兒風熱驚癇亦療

腸癰臟毒內疽陰蝕飲膿飲瘡生肌長肉濕可去脫即此屬也制須酒煮焙乾或用水飛過同黑豆蒸熟曬乾

用之

海螵蛸二七五 味鹹性微溫足厥陰少陰肝腎藥也鹹走血故專治血病療婦人經枯血閉血崩血淋

赤白帶濁血癥氣瘕吐血下血臍腹疼痛陰蝕瘡腫亦治痰瘧消癭氣及丈夫陰中腫痛益精固精令人有子

小兒下痢膿血亦殺諸蟲俱可研末飲服尤治眼中熱淚磨翳去障並宜研末和 點之為末可傳小兒疳瘡

痘瘡臭爛膿濕下疳等瘡跌打出血湯火諸瘡燒灰存性酒服治婦人陰戶嫁痛同雞子黃塗小兒重舌鵝口

同蒲黃末傳舌腫出血如泉同槐花末吹鼻止血同麝香吹耳治聾耳耳聾○烏賊魚善補益精氣尤治婦

人血枯經閉

牡蠣二七 味微鹹微溫氣平用此者用其溫能固斂鹹能與堅專入少陰腎藏隨藥亦走諸經能解傷寒溫

瘧寒熱往來消瘀血化老痰去煩熱止驚痛心脾氣痛解喉痹效嗽疔癩積塊痢下赤白濕腸止便禁鬼交遺
憑止滑精帶下及婦人崩中帶漏小兒風痰虛汗同熟地固精氣禁遺尿同麻黃根欽陰汗同杜仲止盜汗同
白朮燥脾利濕同大黃善消癰腫同柴胡治脇下硬痛同天花茶消上焦癰瘤瘰癧結核

穿山甲二七 味鹹平性微寒能通經絡達腠理除山嵐瘴氣瘧疾風痺強直疼痛療小兒五疳驚啼婦人鬼

魅悲泣下乳汁消癰腫排膿血除瘡疥痔漏通竅殺蟲佐補藥行經善發痘瘡或炮焦投入煎劑或燒灰存性

酒服方寸匕亦可用傅惡瘡

青魚膽二七 味苦性寒其色青故入肝膽二經能消赤目腫痛點暗目可吐喉痺痰涎塗熱瘡惡瘡亦消魚

骨之鯁

白花蛇即蛇也 味甘鹹性溫有毒諸蛇鼻俱向下惟此蛇鼻向上而龍頭虎口黑質白花脇有方勝紋二

十四个口有四長牙尾上有一拂指甲者是用宜去頭尾各三寸以防其毒春秋酒浸三宿夏一宿冬五宿火

炙去盡皮骨取肉焙乾密封藏之久亦不壞諸蛇之性皆竄而此蛇尤速故善於治風能透骨髓走臟腑徹肌

膚無所不到療中風濕痺骨節疼痛手足拘攣不能行立暴風瘡痒破傷風大風癩癬及小兒驚風搐搦瘰癧

楊梅風毒惡瘡俱為要藥凡服蛇酒藥者切忌見風

真珠八十 味微甘微鹹能鎮心明目去翳磨障塗面可除黥斑令人潤澤好顏色亦除小兒驚熱安魂魄為

末可傳痘疔痘毒

龜板二八 味微甘微鹹性微寒陰也能治痲瘋破癥堅祛濕痺傷寒勞役骨中寒熱消五痔陰蝕諸瘡下甲

能補陰血清陰火續筋骨退勞熱療腰脚酸痛去瘀血止血痢漏下赤白痢產難消癰毒燒灰可傅小兒頭瘡

難燥婦人陰瘡腫瘡亦治脫肛 龜板膏功用亦同龜板而性味濃厚尤屬純陰能退孤陽陰虛勞熱陰火上

炎吐血衄血神熱玄端首烏負變其干以季詹安玉藥之要藥性生藥法

門虛寒等證皆切忌之母混用也若誤用久之則必致敗脾妨食之患

蠶蠶二八

味辛鹹性溫有小毒辛能散鹹能降毒能攻毒輕浮而升陽中有陰故能散風痰去頭風消結核

瘰癧辟瘵瘧破癥堅消散風熱喉痹危證尤治小兒風痰急驚客忤發痘瘡攻痘毒止夜啼殺三蟲婦人乳汁不通崩中帶下為末可傅丹毒疔腫拔根極效滅頭面汗斑及諸瘡癩痕金瘡痔瘻小兒疳蝕牙齦潰爛重舌木舌及大人風蟲牙痛皮膚風疹瘙癢

蟾蜍二八三

俗名蝮蝦蟆 眉間有兩囊遍身有顆磊其中俱有蟾酥行極遲緩不能跳躍亦不解鳴者是也此物受

土氣之精上應月魄賦性靈異穴土食蟲能制蜈蚣入足陽明胃經消癖氣積聚破堅癥腫脹治五疳八痢及小兒勞瘵瘧熱殺疳蟲消癰腫鼠瘻陰疽惡瘡若治破傷風宜同花椒剝爛入酒煮熟飲之通身汗出即愈亦解獺犬毒燒灰油調傳有蟲諸惡頑瘡極效又治瘋毒發斑危劇者去腸生搗一二枚絞汁飲之無不即瘥或燒灰湯送亦良 蟾酥 味辛麻性熱有毒主治發背癰疽疔腫一切惡毒若治風蟲牙痛及齒縫出血以紙擦蘸少許點齒縫中按之即止

水蛭二八

味鹹苦性微寒有毒能逐惡血瘀血破血癥積聚通經閉利水道墜胎啞赤白遊癰癰疽腫毒及折傷跌撲瘀血不散制用之法當取田間啣人腹中有血者佳須曬乾細剉以微火炒黃熟方可用或以冬收

豬脂煎令焦黃用之亦可不爾入腹則活最能生子害人若受其害惟以田泥水或黃土水飲數升則必盡下蓋此物得土氣即墮土而走也或以牛羊熱血一二升同豬脂飲之亦下也

鱉甲二八

味鹹氣平此肝脾腎血分藥也能消癥瘕堅積瘰癧溫瘧除骨節間血虛勞熱婦人血癥惡血漏下

五色經脈不通治產難能墮胎及產後寒熱陰脫小兒驚癇斑痘煩喘亦消瘡腫腸癰撲損瘀血飲潰毒去陰

蝕痔漏惡肉然須取活鱉大者去肉用醋煮乾炙燥用之若太煮熟肋骨露出者不堪用

蜈蚣二八六

俗名百足者良 味辛溫有毒能噉諸蛇殺諸蛇蟲魚鬼疰諸毒去三蟲攻癰癧使毒痔瘻丹毒亦療小

兒驚風臍風丹毒充瘡然此蟲性毒故能攻毒不宜輕用若入藥餌須去頭足以火炙熟用之

蟬蛻七八 味微甘微鹹性微涼此物飲風吸露氣極清虛故能療風熱之證亦善脫化故可療痘瘡壅滯起

發不快凡小兒驚癇壯熱煩渴天吊口噤驚哭夜啼及風熱目昏翳障疔腫瘡毒風疹癢痛破傷風之類俱宜

以水煎服或為末以井花水調服一錢可治瘡啞之病

班蝥七八 味辛性熱有大毒能攻鼠瘻瘰癧瘡疽破血積疔癰墜胎元解疔毒獬犬毒沙虱蠱毒輕粉毒亦

傳惡瘡去死肌敗肉制用之法須去翅足同糯米炒熟然後可用或同麩炒或同醋煮皆可若中其毒惟黑豆

綠豆汁靛汁黃連濃茶葱汁可以解之

蜂房九八 味微甘微鹹有毒療蜂毒腫毒合亂髮蛇脫燒灰以酒服二方寸又治惡疽附骨疽疔腫諸毒亦

治赤白痢遺尿失禁陰痿煎水可洗狐尿瘡乳癰蜂螫惡瘡及熱病後毒氣衝目漱齒牙止風蟲牙痛炙研和

豬脂塗瘰癧成瘻

五靈脂九百 味苦氣辛善走厥陰乃血中之氣藥也大能行血行氣逐瘀止痛凡男子女人有血中氣逆而

腹脇刺痛或女人經水不通產後血滯男子疝氣腸風血痢冷氣惡氣心腹諸痛身體血痺脇肋筋骨疼痛其

效甚捷若女中血崩經水過多赤帶不止宜半炒半生酒調服之亦治小兒氣逆癲癩殺蟲毒解藥毒行氣極

速但此物氣味俱厚辛燥難當善逐有餘之滯凡血氣不足者服之大損真氣亦善動吐所當避也制用之法

當用酒飛去砂石曬乾入藥

全蝎二九 味甘辛有毒蝎生東方色青屬木足厥陰肝經藥也故治中風諸風開風痰口眼喎斜半身不遂

語言蹇澀痲瘰耳聾心氣風瘡癰疹小兒風痲驚癇是亦治風之要藥

文蛤二九二 味酸澀性微涼能斂能降故能降肺火化痰涎生津液解酒毒治心腹疼痛夢洩遺精瘰腫

毒喉痹止咳嗽消渴嘔血失血腸風臟毒滑洩久痢痔瘻下血不止解蠱毒毒婦人崩淋帶濁子腸不收小

毒

百藥煎二九三 即五倍子釀造者

味酸澀微甘功用與五倍子頗同但經釀造而成其氣稍浮其味稍甘而純故用以

清痰解渴止嗽及收斂耗散諸病作丸噙化為尤佳及治下焦滑洩諸病亦更優也

蝸牛二九四 負殼而行者

味鹹性寒有小毒能清火解熱生研汁飲消喉痹止消渴鼻衄通耳聾治腫毒痔漏瘰癧

兒風熱驚癇加麝香搗臍間大利小便亦傳脫肛及治蜈蚣蠱毒俱宜研爛傅之

無殼者名蜚蚰治熱瘡

癰毒腫痛少入冰片研塗痔漏脫肛熱痛最良解蜈蚣毒尤捷

蚯蚓二九

味鹹性寒沉也陰也有毒能解熱毒利水道主傷寒瘧瘧黃瘧消渴二便不通殺蛇瘕三蟲伏尸

鬼疰蠱毒射罔藥毒療癩狂喉痹風熱赤眼聾耳鼻瘻癰瘻陰囊熱腫脫肛去泥鹽化為水治天行瘟疫大熱

狂躁或小兒風熱癩狂急驚飲汁最良亦可塗丹毒漆瘡炒為末服可去蚊蟲亦可傳蛇傷腫痛蜘蛛傷毒入

葱管化汁可治耳聾及蚰蜒入耳若中蚯蚓毒者惟以鹽湯浸洗或飲一杯皆可解之 糞名六一泥可塗火

瘡疥腮熱毒亦止消渴解瘟疫煩熱狂躁利小便通五淋熱閉疼痛

桑螵蛸二九

即螳螂育子房也深秋作房粘著桑枝之上房長寸許大如拇指其內重重有隔每房有子如

蛆卵子是也味甘微鹹性平能益氣益精助陽生子瘵男子虛損陰痿遺症瘕遺尿治女人血閉腰痛通五

淋利水道炮熟空心食之可止小便不禁

人部

童便二九

味鹹氣寒沉也陰也鹹走血故善清諸血妄行止嘔血效血血血悶熱狂退陰火定喘促降痰

滯解煩熱利大小兩便療陽暑中暈聲瘖接損瘀血暈絕難產胎衣不下及蛇犬諸蟲毒傷若假熱便澹胃虛

作嘔者俱不可妄用

紫河車一名混沌衣

味甘鹹性溫能補男婦一切精血虛損尤治癩癧失志精神短少怔忡驚悸肌肉羸瘦

等證此舊說也但此物古人用少而始於陳氏本草自後丹溪復稱其功遂為時用于於初年亦惑於以人補

人之說嘗制用之及用之再三則無所奇效且制用之法若生搗之則補不且生若燉熟烘熟則亦猶肉舖之

類耳又嘗見有以酒煮而食之者後必破腹泄瀉總亦因其性滑也近復有以純酒煮膏去滓收貯而日服其

膏者較前諸法似為更善然其既離毛裏已絕生氣既無奇效又胡忍食之以殘廢子之先天東方朔曰銅山

西崩洛鐘東應此母子自然之理不可不信故并述此以勸人少用可也

血餘九

味微苦性溫氣盛升也陰中陽也在古藥性不過謂其治效嗽消瘀血止五淋赤白痢疾瘰癧大小

便不通及小兒驚癇治哽噎癰疽疔腫燒灰吹鼻可止血等證然究其性味之理則自陰而生自下而長血

盛則髮盛最得陰陽之生氣以火炮制其色甚黑大能壯腎其氣甚雄大能補肺此其陰中有陽靜中有動在

陰可以培形體壯筋骨托癰疽在陽可以益神志辟寒邪溫氣海是誠精氣中要之藥較紫河車鹿角膠陰

凝重者之輩相去遠矣凡補藥中自人參熟地之外首當以此為亞

人中白三百

味鹹性微涼能降火清痰消瘀血止血衄血退勞熱清肺癰肺痿心膈煩熱燒研為末大治

諸濕潰爛下疳惡瘡口齒疳蝕蟲蠱腫痛湯火諸瘡及諸竅出血生肌長肉善解熱毒或生用為末亦可